


# მღა



ლიტერატურული ჟურნალი № 1 (54)  
მღა მღა მღა მღა მღა მღა მღა მღა მღა მღა

2022



# ოლე

მწერალთა ასოციაცია  
„ლიტერატურული კახეთის“ გამოცემა  
The Literary Magazine OLE

ჟურნალი გამოდის 2004 წლის ივნისიდან  
ISSN 1512-3995

ოლე – ბრყენა, გინა მოგრძე ტყე ველთა შუა  
*სულხან საბა*

ოლე – ახომი საჩრდილობლად დატოვებული  
ხე  
*ქართული ენის განმარტებითი ლექსიკონი*

ოლე – გიორგი ლეონიძის პოეტური შედეგები

## მთავარი რედაქტორი აკაკი დაუშვილი

რედაქტორები  
ფარნა რაინა  
ნუნუ ძამუკაშვილი

## მხატვრული რედაქტორი სოფიო ქელიძე

მისამართი: 2200 თელავი  
ერეკლე II-ის გამზირი №6  
III სართული  
მობ: 555 46 44 29  
მწერალთა ასოციაცია  
„ლიტერატურული კახეთი“  
მობ: 558 48 24 80

„ოლეს“ რედაქციაში შემოსული მასალა  
არ რეცენზირდება და ავტორს არ უბრუნდება

მასალების გამოგზავნა შეგიძლიათ  
ელექტრონული ფოსტით  
E-mail: akakidau@mail.ru

ჟურნალ „ოლეს“ წინა ნომრების წაკითხვა  
შეგიძლიათ საქართველოს პარლამენტის  
ეროვნული ბიბლიოთეკის საიტზე [www. nplg. gov. ge](http://www.nplg.gov.ge) — ციფრული ბიბლიოთეკა „ივერიელის“  
ვებგვერდზე.

ჟურნალი „ოლე“ გამოიცემა თელავის მუ-  
ნიციპალიტეტის მერიის (მერი ბატონი **ლევან  
ანდრიაშვილი**), თელავის მუნიციპალიტეტის  
საკრებულოს (თავმჯდომარე ბატონი **თენგიზ  
მთვარელიშვილი**) მხარდაჭერით.

დაიბეჭდა გამომცემლობა „მერიდიანში“



№1,(54), 2022

მ ა რ ტ ი



გამოდის სამ თვეში ერთხელ



„ოლე“ ლიტერატურული ჟურნალი



## შინაარსი

ესსე

**2. მაყვალა მიქალაძე.** საუკუნეებს  
გადმოყოლილი შავი მანდილი მეფე თამარისა

### მხატვრული ლიტერატურა

- 5. **ვანო ჩხიკვაძე.** მოთხრობები
- 13. **ფიქრია ყუშიტაშვილი.** ლექსები
- 15. **შალვა საბაშვილი.** ლექსები
- 19. **ლანა მანველი.** სად არის ბედნიერება.  
რომანი
- 24. **თინათინ თელაველი.** ლექსები
- 26. **მარიამ კამუკაშვილი.** ის, – ორი  
ცრემლი... მოთხრობა
- 28. **ღარაჯან ჭანკოტაძე.** ლექსი
- 29. **როლანდ გიორგაძე.** ტილოზე  
ამოქარგული მზე. მოთხრობა
- 36. **ლელა კურტანიძე.** ლექსები
- 38. **ვაჟა მიროტაძე.** ორი კოტე. მოთხრობა
- 42. **გიორგი ზუბიტაშვილი.** ლექსები
- 44. **ჯემალ შანიძე.** ლექსები

### გავერცხვისთვის საკითხავი

- 46. **მიხო მოსულიშვილი.** ოფოფების თეატრი.  
პიესა
- 54. **ნუნუ კამუკაშვილი.** ლექსები

### სახალხო მითქმელი

- 57. **ფირუზ კოჭლამაზაშვილი.** ლექსები

### თარგმანი

- 59. **ევაკანი ვოლოლაჰიანი.** ასეთი  
განსხვავებული დაკრძალვები. მოთხრობა

### წერილები

- 63. **ნუნუ კამუკაშვილი.** ნოდარ  
იაგორაშვილის პოეტური ნათელხილვა

გარეკანის პირველ გვერდზე  
**ლევან მოსიაშვილის ნახატი**





მაყვალა  
მიქელაძე



მ  
ს  
ე  
მ  
ე  
ნ  
ი  
ლ  
ი  
მ  
ა,  
მ  
არ  
თ  
ლ  
ა  
რ,  
ჟ  
ა  
კ  
ე  
ყ  
ო  
ვ  
ლ  
ე  
ვ  
არ  
მ  
ო  
ლო  
დ  
ი  
ნ  
ს  
გ  
ა  
და  
ა  
ჭ  
არ  
ბ  
ა,  
რ  
ა  
დ  
გ  
ან  
ს  
ა  
ო  
წ  
ე  
ნ  
ბ  
ო  
და  
რ  
ე  
კ  
ი  
ძ  
ა  
ლი  
ან  
შ  
ო  
რ  
ია  
და  
მი  
-  
უ  
წ  
ვ  
დ  
ო  
მ  
ე  
ლი  
ა  
დ  
ამ  
ი  
ან  
ს  
ურ  
თ  
ი  
ერ  
თ  
ო  
ბ  
ა  
თ  
ა  
ს  
რ  
ულ  
ო  
ყ  
ო  
ფ  
ი  
ლ  
ე  
ბ  
ის  
ეს  
უ  
მ  
ა  
ღ  
ლ  
ეს  
ი  
მ  
წ  
ვე  
რ  
ვ  
ა  
ლი.  
არ  
ს  
ა  
დ  
ს  
ხ  
ვ  
ა  
გ  
ან,  
არ  
წ  
ზ  
ე  
პ  
ირ  
მ  
ე  
ტ  
ყ  
ვე  
ლ  
ე  
ნ  
ბ  
ას  
ა  
და  
არ  
წ  
ნ  
ე  
რი  
ლო  
ბ  
ით  
ნ  
ყ  
არ  
ო  
ე  
ბ  
ში,  
მ  
ს  
გ  
ავ  
ს  
ი  
ს  
ა  
ს  
ნ  
ა  
უ  
ლი  
ა  
ჭ  
ა  
მ  
დ  
ე  
არ  
და  
ფ  
ი  
ქ  
ს  
ირ  
ე  
ბ  
ულ  
ა.  
მ  
არ  
თ  
ა  
ლი  
უ  
თ  
ქ  
ვ  
ა  
მ  
თ:  
„ს  
ა  
ჭ  
არ  
თ  
ვ  
ე  
ლო  
მ  
ორ  
ი  
ს  
ა  
ს  
-  
ნ  
ა  
უ  
ლი  
შ  
ეს  
ძ  
ი  
ნ  
ა  
ო  
კ  
ა  
ყ  
რ  
ბ  
რი  
ო  
ბ  
ას:  
„ვე  
ფ  
ხ  
ის  
ტ  
ყ  
ა  
ოს  
ანი“  
და  
„თ  
ამ  
არ  
ის  
ე  
ბ  
ო  
ქ  
აო“.

მაყვალა მიქელაძე

ო  
ლ  
ო  
ლ  
ო  
ლ  
ო  
ლ  
ო  
ლ  
ო  
ლ  
ო  
ლ  
ო  
ლ  
ო  
ლ  
ო  
ლ  
ო  
ლ  
ო  
ლ  
ო  
ლ  
ო  
ლ  
ო  
ლ

**საუკუნეებს გადმოყოლილი შავი მანდილი მეფე თამარისა**



თუშეთი – ცას მიჯრილი მთების მწვერვალებით შეკრული მარადიული საუფლოა სილამაზისა და მაღალი სულიერი ღირებულებებისა. ალპური ზონაა და ხეები არსად ჩანს. მწვანე, ზურმუხტისფერი ხავერდებია მოფენილი ირგვლივ ყველგან: დაბლა, ხეობის ფსკერზე, და მაღლაც, მთების კალთებზე. ამ ზურმუხტისფერი დარბაზის თავანს დღისით საოცრად გამჭვირვალე ლაჟვარდი ავსებს, ღამით კი – ხელის შეწვდენაზე მომდგარი ბლუჯეულებად დაყრილი საცრისთვალეობა ვარსკვლავები. ორი მეფური ფერი სამყაროსი, ფირუზი და ზურმუხტი, უშუალოდ ენაცვლება ერთმანეთს ციდან მიწაზე და მიწიდან ცაზე.

ტკბები ირგვლივ დაგანებული ბუნების მომაჯადოებელი ჰარმონიით და თავს გახსენებს გერმანელი პოეტისა და ფილოსოფოსის – ნოვალისის – ცნობილი „ფრაგმენტი:“ — „არსებობენ სულთა და სამშვივნელთა გარკვეული სახეობანი, რომლებიც მკვიდრობენ ხეებში, ლანდშაფტებში, ქვებში, სურათებში. ლანდშაფტი უნდა შეიგრძნო, როგორც რაიმე სხეული. ყოველი ლანდშაფტი არის იდეალური სხეული განსაკუთრებული სახეობის სულისათვის“. იმეორებ გულში ამ საოცარ შეგონებას და გჯერა, რომ სწორედ ლაჟვარდოვანი ცის ასეთმა თავბრუდამხვევმა სიახლოვემ შთააგონა ჩემი თუშები, შეურიგებელი ომი გამოეცხადებინათ ამქვეყნიური ამოუბისათვის და ეცხოვრათ მტკიცე რწმენით იმის შესახებ, რომ სიცოცხლე ღირსებაზე მეტი არაა. ასეთი რწმენა, რომლის გაკვეთილები ღამის აკვნიდან იწყებოდა, იყო ის მტკიცე საყრდენი, რაზეც საუკუნეების მანძილზე ასე ურყევად იდგა გაღმერთებული მეფე-ქალის გლოვის უჩვეულო ტრადიცია.

ის სხვას ეხურა, წმინდანად შერაცხულო დიდებულო მეფევე ქალბატონო, მაგრამ შენი იყო, რადგან შენი სიყვარულით, დიას, შენდამი განუზომელი სიყვარულით სავსეს ეხურა თუშის ქალს მთელი მომდევნო 8 საუკუნე. თუშეთში ეს მანდილი ჯერაც არ მოუხდიათ და გატაცებით ყვებიან, როგორი სანეტარო იყო ყოველი ნუთი, დღე თუ წელიწადები შენს გვერდით, უკვდავებაში გადასულო მეფეო თამარ, შენგან ღვთიური მადლით მართულ ამქვეყნიურ სამოთხედ ქცეულ სამყაროში – ნიკოფსიიდან დარუბანდამდე.

განსხვავებულად განვითარდა მოვლენები ამ ხალხის ბარში ჩამოსახლების შემდეგ.



დრომ, ცხოვრებისეულ სასწრაფოებზე მარადიულმა მონადირემ, შემპარავი თანდათანობით მალევე ჩამოჰხადა ახალგაზრდა თუმ ქალბატონებს გლოვის შავი თავსაფარი, კარგა ხანია მათ ის უკვე აღარ ახურავთ, მაგრამ სხვანაირად წარიმართა მოვლენები ხანშიშესულებთან მიმართებით. ამ ჯიუტ მოძალადეს მათთან ასეთი წარმატებული იერიში ვერ მოუხერხდა, რის გამოც ეს საამაყო ტრადიცია ზემო ალვანში დღესაც გრძელდება ხსოვნის ძეგლებად შემორჩენილი უხუცესი ქალების მადლით.



### აყვალა მიქელაძე

XII საუკუნის საქართველოში არსებული შთამბეჭდავი ყოფიერების შესახებ დღეს, XXI საუკუნეში, საკუთარი თვალთ ნანახივით ღრმად რწმენით ყვება შავთავსაფარიანი დიდი ბებიის მონაყოლს თვითონაც უკვე ბებია, მაგრამ უთავშლო, თუმი ქალბატონი – მანანა უჯირაული. მეტი დამაჯერებლობისთვის სალაპარაკოდ ის თუშურს ირჩევს, მე კი გაგონილს ერთგულად ვაქართულებ. თხრობას მანანა შესავლით იწყებს:

– „ყველამ კარგად ვიცით, თავისი მეფობის პერიოდში ხალხის საკეთილდღეოდ განეული დიდი ამაგისათვის როგორ შეიყვარეს და გააღმერთეს სიცოცხლეშივე მთელ საქართველოში მეფე თამარი და მანც თურმე ამ სიყვარულსა და ერთგულებაში მთა პირველობდა, სადაც მაშინდელ მცხოვრებთა შორის ჩვენ, თუშებს, გყვარებთა ყველაზე მეტად ეს ძვირფასი ადამიანი. სწორედ ამასთან დაკავშირებით მინდა გიამბოთ ახლა მე თქვენ, რატომ ახურავთ ჩვენს დიდ ბებიებს შავი მანდილი. თვითონ ჩემი დიდი ბებიის მონაყოლიდან ვიცი, თორემ სხვანაირად როგორ უნდა გამეგო მე ეს საუკუნეებით დაფარული საიდუმლო.

ეს ამბავი დიდი ხნის წინათ მომხდარა ძალიან, მაშინ ჩვენ მთაში ვცხოვრობდით თურმე. ვინ იცის, რამდენმა საუკუნემ ჩაიარა მას შემდეგ. თამარ მეფის დროს ბედნიერი ყოფილა მთელი ქვეყანა, ქალიც და კაციც, დიდიც და პატარაც. კავკასიონზე მცხოვრები ხალხები: ჩეჩნები, ინგუშები, ქისტები, დიდოები, ლილველები და ჩვენც, თუშები, თამარ მეფის დროს ქრისტიანები ვყოფილვართ ყველანი“.

მთხრობელის ხმაში ღელვა მატულობს. სათქმელისათვის მეტი ემოციურობის მისანიჭებლად ფრაზებს მანანა ახლა უკვე შინაარსობრივ მონაკვეთებად ყოფს და ამ ხელოვნურ ფრაგმენტებს კიდევ და კიდევ იმეორებს ომახიანად:

– „ისეთი ტკბილი ცხოვრება გვექონოდა მაშინ, ისეთი ტკბილი ცხოვრება, ისეთი ტკბილი ცხოვრება და ისეთი ტკბილი ურთიერთობა ამ ხალხს ერთმანეთთან, მადლიერები თამარ მეფეზე ვლოცულობდით თურმე ყველანი. არც ომი თურმე, არც ომი თურმე და არც რაიმე სახის წყენინება. ნამდვილი სამოთხე ყოფილიყო, ნამდვილი სამოთხე“.

ახლა, საუკუნეთა მანძილიდან ნათელი ხდება, რომ თამარის ეპოქაში ადამიანთა ბედნიერების ასეთი განუზომელი მასშტაბები რეალური შედეგი იყო სახელმწიფოს შიგნით გამეფებული ზომიერებისა; ზომიერებით იმართებოდა ქვეყანა, ადამიანების გულიც, გონებაც და ყოველდღიურობაც. მოზომილი იყო ნივთი, საგანი, სიტყვაც და საქმეც. შორს, თვალსაწიერს მიღმა დატოვებულები, ფუნქციას კარგავდნენ ფუფუნების საგნები, ზნეობის სასწორზე კი რჩებოდა მხოლოდ პიროვნება თავისი ადამიანური ღირსებით, საქვეყნო ღვანლითა და ამაგით. ხალხში საყოველთაო ბედნიერება ზეიმობდა, რადგან ადამიანურ ურთიერთობებს მაშინ ქვეცნობიერად უკვე განაგებდა XXI საუკუნეში ჩვენთვის ბრძენთაბრძენი კათალიკოს-პატრიარქის ილია II-ის მიერ ხმამაღლა გაცხადებული ღვთიური პრინციპი: „ყველა ადამიანი ბედნიერებისათვის იბადება“.

დღეს, თანამედროვე მეცნიერებისა და ტექნიკის უჩვეულო პროგრესის ეპოქაში, რომ შეგვძლებოდა ქვეყნის მმართველობის ძირითად პრინციპად პატრიარქის აღნიშნული შეგონება დაგვედო, რიგითი ადამიანების კეთილდღეობით აუცილებლად შორს გადავასწრებდით თამარის ეპოქას...

მე ფიქრი მიღრმავდება მოსმენილზე, ახალგაზრდა უთავშლო ბებია კი გაღიმებული, ამკარად გამოხატული სიამაყით აგრძელებს თავშლიანი დიდი ბებიის მონაყოლს:

– „ჰო და, ამის შემდეგ რა გასაკვირია, რომ მეფე თამარის გარდაცვალებაზე განსაკუთრებული, ძალიან მძიმე გლოვა გამოაცხადა ხალხმა მთაში. ორმოცი დღე გაგრძელებულიყო გლოვა და მთელი ეს ორმოცი დღე შავი სცმოდა დიდსაც და პატარასაც. მაშინ ეთქვათ ქალებს ერთმანეთისთვის:

– წმინდანი იყო ჩვენი საყვარელი მეფე თამარი, მოდით და ამ შავ თავშლებს ნუღარ მოვიხდით, მთელი ცხოვრება ვატაროთო! რაცა თქვეს, შეასრულეს კიდევ თუშის ქალებმა. ხომ ხედავთ, ჩვენი დიდი ბებიები დღესაც რომ შავი





თავშლით დადიან“.

გაუტყნავი აღმოჩნდა სიტყვა და ფიცი თუში ქალებისა. შავ თავშალს გლოვის ნიშნად, განა არა, მანამდეც ატარებდნენ ჩვენთან ქალები, მაგრამ ეს ხდებოდა მხოლოდ ოჯახის წევრის, ან სანათესაოს ახლობელი პიროვნების გარდაცვალების შემთხვევაში, თანაც ზღვარდებული იყო დროში მაშინ ეს გლოვა: ნათესაური მანძილის მიხედვით გრძელდებოდა მხოლოდ 40 დღე, ან მთელი წელიწადი. მართალია, განსაკუთრებულ შემთხვევაში მგლოვიარე ზოგჯერ მთელი სიცოცხლე აღარ იხდიდა შავს, მაგრამ ამ უკიდურესი მწუხარების შემთხვევაშიც კი გლოვა წყდებოდა, როცა ჭირისუფალი თვითონაც ტოვებდა სამზეოს.

როგორც დიდი ბების მონაყოლიდან ჩანს, სალოცავ ხატად ქცეულ მეფე თამართან მიმართებით გლოვის ტრადიციას თავისებური შინაარსი შესძენია თუშეთში. ცხადია, რომ გლოვის აღნიშნული საყოველთაო ხასიათით თამარის მიერ მართული უბედნიერესი ქვეყნის კანონიერ მკვიდრად გამოაცხადა თავი ამ კუთხის ყველა ქალმა, ხოლო რაკი გლოვამ წელიწადები კი არა, საუკუნეები გადააფარა, ამით უკვე იმავე თუში ქალების მიერ სათაყვანო მეფე ქალი იქნა აღიარებული საკუთარი ოჯახების უძვირფასეს სათაყვანო წევრად.

გლოვის ამ საყოველთაო და უსასრულო ხასიათში მეფე თამარის განსაკუთრებულ საქვეყნო ღვაწლთან ერთად წილი მისი მეფობის და საერთოდ სიცოცხლის განსაკუთრებულ ხანმოკლეობასაც ედო უცილოდ. დრო რომ საოცრად სწრაფი მედინია, ეს ყველა ქვეყანაში ყველამ კარგად იცის, მაგრამ ქართველის გარდა ვინ და სად მიუსადაგა მარადისობას საზომად წუთი და დაარქვა სამზეოს „წუთისოფელი“?! წუთად იქნა შეფასებული ქართველის მიერ უფლისაგან კაცთათვის საამქვეყნოდ ბოძებული 120 წელი, საიდანაც მეფე თამარს

ასე ცოტა ერგო. ადვილი წარმოსადგენია, როგორი მძიმე ლახვარი უნდა ყოფილიყო მასზე უზომოდ შეყვარებული ადამიანებისათვის ისედაც მოკლე წუთისოფლიდან ამ გაღმერთებულ მიფე ქალის ასეთი ნაადრევი წასვლა.

ყველა ნიშნის მიხედვით თხრობა თითქოს უკვე დამთავრდა, მაგრამ მანანა სწორედ ახლა იღებს გამარჯვებულის იერს, მეო ყველაზე საინტერესო ბოლოსთვის შემოვიწახეო, და გამიზნული, არაბუნებრივად დიდი პაუზებით, სენსაციურ ამბავს გვაცნობს;

– „ყველაზე დიდი საოცრება... მაშინდელ ბედნიერ ცხოვრებაში ისაა ყოფილიყო, რომ... თავიანთი სიმართლის დასამტკიცებლად ეს მთის ხალხები... მეფე თამარზე იფიცებოდნენ თურმე“.

მოსმენილმა, მართლაც, უკვე ყოველგვარ მოლოდინს გადააჭარბა, რადგან საოცნებოდაც კი ძალიან შორია და მიუწვდომელი ადამიანურ ურთიერთობათა სრულყოფილების ეს უმაღლესი მწვერვალი. არსად სხვაგან, არც ზეპირმეტყველებასა და არც წერილობით წყაროებში, მსგავსი სასწაული აქამდე არ დაფიქსირებულა. მართალი უთქვამთ: „საქართველომ ორი სასწაული შესძინაო კაცობრიობას: „ვეფხისტყაოსანი“ და „თამარის ეპოქა“.

ახლა უკვე ნამდვილად დაამთავრა თხრობა მანანამ. მადლობა ვუთხრათ თუში ხალხის შავმანდილიან დიდ ბებიებს ახალგაზრდა თაობებისათვის საუკუნეების მანძილზე უსასყიდლოდ ჩატარებული მადლიერებისა და ერთგულების საოცარი გაკვეთილებისათვის. უეჭველია და ძალიან სარწმუნო, რომ დღემდე მოუხდელი საუკუნეებს გადმოყოლილი მეფე თამარისეული შავი მანდილით ეს დიდი ბებიები საკაცობრიო გმირთა ხსოვნის ზეპირ წიგნში მამულისათვის ხმლით ნაომარი რჩეული მამაკაცების გვერდით დაიკავებენ კუთვნილ ადგილს.





# ჰიმოზა

## ჰანო ჩხიკვაძე

მ  
ა  
რ  
ს  
ი  
ა  
ვ  
ა  
ნ  
ა  
ნ

აღამიანი მიდის და მანერ, უსიხარულო პროექტის ფონზე, უფრო საზგასმულოდ იგრძნობა, მარადიულოზა სიეროებისა – ნვიმენითა და სიერით გავერებულმა მინამ, როგორც კი „ძველები“ გაუთბა, სიმნვანე უნებ იზარტყა, ხასხასა „ჩითზე“ ღიღებრით დაიკრა პირველი, ყვითელი გვირილები.

მიტყავს აღამიანი და მოტყავს ყვავილები! გვირილები... გვირილები... მინაზე ჩამოსახლებული თუ მინიდან „ამოსახლებული“, პანანკინტელი, მზის გულსანვეები...

ჰანო ჩხიკვაძე

მ  
ა  
რ  
ს  
ი  
ა  
ვ  
ა  
ნ  
ა  
ნ



### სათონა

- ამ ზამთარს ველარ გაუძლებს!
- ჰოო, გაუჭირდება.
- მაგრად დაიფეხვა...
- გაინელება ზამთარი და აღარ დამთავრდება.
- თებერვლის ბოლომდე ფეწს ვინ გამოაქრობს.
- რატო მარტი და აპრილის ნახევარიც არა?
- თოვლს არ მოგვაკლებს!
- ჰო, მაგრად დადებს.
- აბა, ეს იმ თოვლის გამძლებია? დაშლილია სახსრებში...
- აქიმობა უნდა.
- თუ რაღაც არ ვიღონეთ...
- ეჰ, მარტო ჩვენი მონდომებით რას გავხდებ-

ით... პატარა ხო აღარ არის, კომუნა რომ ჩამოყალიბდა, იმდროინდელია.

- უფრო იქით, პარტუზრედი და პირველი კრებებიც ახსოვს...

- არალეგალური!

- მაშა!.. როგორც ცხონებული პაპაჩემი იხსენებდა ხოლმე, შეიკრიბებოდნენ, ვითომ ცხელ თონესთან საბასოდ... სინამდვილეში, ხელისუფლებას ძირს უთხრიდნენ!

- იმათ ქვეყანა გადაატრიალეს და ჩვენ რისი მაქნისები ვართ?

- დალიე, დალიე, ეგ ჭიქაც!.. კიდევ მოვიტან!.. რო გადაატრიალეს მერე რა ხერი ნახეს, ისე უკან ვერ გამობრუნდა?... დალიე-მეთქი!

- გვეყოფა, ხვალ ადრე ვარ ასადგომი!.. ეზოში გამობარბაცდნენ. ახლა გარედან შეათვლიერეს ნაფერდებული ალიზის სათონე.

- არა, ეს ამ ზამთრის გადამტანი ველარ არის!

- ჰო, ჩემო ძმაო, რაღაც უნდა ვილონოთ.

- ალიზს სადღა ვიშოვით, ბლოკი შევაშველოთ.

- შევაშველოთ, მე რა უარზე ვარ?

სათონის გამოფშუტულ ყავარს რაკუნით ეცემა მოტეხილი ტოტი.

შიგნით, თონისპირზე, ქრაქის ალი ქანაობს, თითქოს საცალფეხო ბოგირზე პატარა გოგო გადის და თავს ძლივს იკავებს, ფეხი რომ არ აუცდეს და მორევში არ მოაღინოს ტყაპანი.



მხატვარი სოფიო ქელიძე

### ბალზაკის ასაკი...

რამდენაირ ვნებათა დიადი ცეცხლი ჩაინაცრა, რეალური თუ ლიტერატურული გმირებისა, ჩაილია უბინო მიჯნურების ჩურჩული, თრთოლა, სასონარკვეთა, რამდენმა მიიტანა საფეთქელთან ნკიპზე შემდგარ სასხლეთიანი დამბაჩის ლულა... რა ეშველებოდა ლიტერატურას, თეატრს, კინოს, მუსიკას, მხატვრობას, გაუმართლებელი სიყვარულის ცოდო-მადლს რომ არ ეტრიალა? რამდენ შედეგის შექმნელ მღულარე ტვინს გააგრძელებდა,





კეთილი დასასრული, კაცობრიობისათვის ცნობილი ტრაგიკული სიყვარულებისა!

ამიტომ, როდესაც მიზეზი და საშუალება მოგვეცემა, ვეშურებით გაკრეფილ ალუბალს, აქა-იქა, კენწეროზე შემორჩენილი, შემქნარი კიმპალი მოვწყვიტოთ და, ის დრო და გემო გავიხსენოთ, როცა შეგვეძლო დამკრახული „კუნწულები ჩამოგვეკრიფა“, მუჭა-მუჭა მარცვლებიდან გადმოჩქეფილი წვენიტ გული გვეჯერებინა.

როგორც იქნა ჩვენს სათქმელთანაც მოვედით:

სადღაც, ხშირბინდში გასუსული ბულონის ტყეში:

კოფოზე ჩათვლემილი მეეტლე და მის ზურგს უკან აძიგძიგებული კარეტა.

ორმოცდაათს გადაცილებული, მაგრამ ჯერ კიდევ ვნებიანი მადამ დე ბი და მისი მენყვილე, ისიც დე ბი, ოლონდ ონორე.

ახლა რალა აზრი აქვს კონსპირაციას, მაგრამ, რა ვიცით, კაცს თუ არა, ქალბატონს მაინც, უმნიკვლო სახელი, იქნებ იმ ქვეყანაშიც სჭირდება.

მეეტლეს უკვე თვლემას ჰგვრის ბევრჯერ მოსმენილი, გაგრძელებული კრუსუნ-კრუტუნის და კარეტის ჯანჯლარი.

„გაუძლებს ლერძი?“ – შეშფოთდება კარგი გასამრჯელოს მომლოდინე მეეტლე, როცა წარმოიდგენს ფაშფაშა ქალბატონისა და არანაკლებ მძიმენონიანი ბატონის ჯახს.

ჰქონდა შიშის მიზეზი – ამას წინათ, ჭახანის ხმაზე გვერდზე გადახენცილი ეტლი, ხის გადანაჭერს გადაეყუდა და, როგორც წაყირავებული კასრიდან, ეგრე გადმოიღვარა, ჯერ შეშფოთებული მერე კმაყოფილების ნიღვარი.

ამოხეთქილმა ხმებმა, შეყვარებული, ასკილის ბურქთან მოკურკურე კურდღლები დააფრთხეს...

ნავლწაყრილ ნაღვერდალში, სულს თუ შეუბერავ, ხშირად როგორი მხურვალეობა ლუდლუდებს – ეს მხოლოდ ონორემ და მასზე გაცილებით უფროსმა, უკვე დარბაისელმა (წესით!) ქალბატონმა კარგად იცოდნენ.

უხსოვარ დროში, პირველი ნაპერწკალი რომ არ დაკვესებულიყო, ვინ დაგვისხნიდა სამოთხედან – მას შემდეგ ჩაუქრობლად ანთია „უმანკო“ შეცოდებათა ცეცხლი და გრძელდება, გრძელდება „ამბავი სიყვარულისა“.

ეგ კია, სამწუხაროდ თუ საბედნიეროდ, ადრე თუ გვიან, ყველა ეტლის „ლერძი“ ტყდება!

იქნებ ამიტომ მიენიჭა „აკრძალულ ხილს“ ასეთი ხიბლი და მიმზიდველობა?

სადღაც, ხშირბინდში გასუსული ბულონის ტყეში...



**ვანო ჩხიკვაძე**

### ნაბაჰი

რამდენჯერ უნდა დავამტკიცოთ, რომ ნაგავი მხოლოდ ცელოფანის პარკებში მოგროვილი, სამშენებლო ნარჩენების, საჭმლისა და დამუშავებული პროდუქტის, ბოსტნეულის ნარჩენები არ არის.

წუხელის, ორის თხუთმეტ წუთზე, როდესაც გადაღლილ მოქალაქეთა უმრავლესობას ეძინა, სადღაც, შორი-ახლო, რომელიღაც ქუჩაზე, გამაყრუებელი ბათქა-ბუთქი ატყდა – ფერადმა ფოიერვერკმა დაბზარა ღამეული ცა

და შეშინებული, ხარისხაზე ჩაძინებული თუთიყუში გალიის ფსკერზე მოწყვეტით დაეცა.

მივევარდი, დავეყვავე, ათრთოლებული ციციქნა რიკი ხელისგულზე დავისვი, მოვეფერე.

პატარა, უმწეო არსება მთელი ტანით ცახცახებდა. ჩიტო, როდის-როდის გონს მოვიდა და, ხელახლა, ძლივს აფორთხდა ხარისხაზე.

კანონადა კაიხანს გაგრძელდა, თუმცა, ძნელი გადასატანი პირველი ბათქით მოგვრილი ემოცია იყო.

ვინ მოგვიძღვნა ეს შედღუხი, ვინ დააფეთიანა და წამოახტუნა დიდ-პატარა, დაანოკა ფრინველი და ოთხფეხი!

ეტყობა, ვიღაც შეძლებულმა ნაგავმა შეგვახსენა, რომ ოდესღაც, ამ დღეს, ცხრამეტი ივლისის ღამეს, ან თვითონ, ანდა თავისი ოჯახის რომელიმე წევრის მოვლენამ გააბედნიერება ქვეყნიერება.

არ ვიცი, ჩვენი ძილგატეხილი მოქალაქეები როგორ მოიქცნენ, მე კი ჩემი ადამიანური „ვალი“ მოვიხადე და, შუალამის „მამალს“, მამა-პაპური „ლოცვა-კურთხევა“ არ დავაკელი.

მერე, თუთიყუშს, უმსგავსი თანამოქალაქეების ნაცვლად მოვუბოდიშე და ლოჯიიდან შუა ოთახში, მომყუდროებულში გადავიყვანე, რა ვიცით, კიდევ ვინმე არ მოვიდეს „ბათქა-ბუთქის აპეტიტზე“-მეთქი.

ავვისტოს ომის დროს, გორის დაბომბვისას, ბევრი შიშით დახოცილი, გულგახეთქილი ფრინველი ვნახე.

„ისინი ვინც ღმერთის წინაშე სცოდავენ, იმქვეყნად უნდა დაისაჯონ, ხოლო ისინი, ვინც ხალხის წინაშე სცოდავენ – ამქვეყნად“. – (ვოლტერი)

იმათ რა უნდა ვუყოთ, ვინც უენო, უმწეო, დაუცველი არსებების წინაშე სცოდავენ, ამაზე ვოლტერი არაფერს ამბობს.

### გაგიური სიტყვა

უფალს სული მიაბარაო.  
უფალზე საიმედოს სულს ვის მიაბარებ!  
ცხრა ათეულს მიღწეულმა ქალმა, ისე რომ არ-



ავის გაუგია, შუალამისას ამოიფშვინა და, ერთბაშად არაფრად იქცა, სულისგან დაცლილი, ამერიიდან უფუნქციო ჭურჭელი...

ორიოდე დღეა რაც მოთბა.

გაიგიჟეს თავი ცეცმა ჭერმებმა და ალუბლებმა.

„ჭიტაო,“ – ხან საიდან შემოგძახებენ და, ხან – საიდან.

მღვდლის გაბმული სულთათანა ერწყმის სიცხით მოთენთილ შუადღეს.

ადამიანი მიდის და მაინც, უსიხარულო პროცესის ფონზე, უფრო ხაზგასმულად იგრძნობა, მარადიულობა სიცოცხლისა – წვიმებითა და სიცვიით გაჯერებულმა მიწამ, როგორც კი „ძვლები“ გაუთბა, სიმწვანე უცებ იბარტყა, ხასხასა „ჩითზე“ ლილვებით დაიკერა პირველი, ყვითელი გვირილები.

მიჰყავს ადამიანი და მოჰყავს ყვავილები!

გვირილები... გვირილები... მიწაზე ჩამოსახლებული თუ მიწიდან „ამოსახლებული“, პანანკინტელა, მზის გულსაბნევები...

– მთელი ბავშვობა თავზე გვირილების გვირგვინი მეკეთა ხოლმე... დედა მიწნავდა... მოვაროვებდით ბალის ლობისძირებში, მინდორში, დაჯდებოდა ჩრდილში, მომისვამდა გვერდით და კალთაში ჩანყობილი ღერებით უცებ გამოკვანწავდა ჩემთვის და ჩემი ამხანაგებისათვის ნაირნაირ გვირგვინებს...

ამას ეს ქალბატონი აკეთებდა, აიმ ხელებით, ახლა უძრავად რომ უწყვია მკერდზე, – თავდახრილი ჭირისუფალი ცრემლიანი თვალებით ამომხედავს და უპესთან დაკიდულ, გადმოსავარდნ წვეთს საჩვენებელ თითს შეაშველებს.

თითზე სველ ზოლად განელილი ცრემლი – ორ წერტილს შორის გაბმული, საკომუნიკაციო, ვერცხლისფერი სპირალი.

აქ, სასაფლაოზე, ორი „სოფლის“ მთავარ გზაგასაყართან, მრავლისმთქმელ დუმილში, სირუმეში, უფრო მკაფიოდ იგრძნობა, როგორი წარმავალი უმწეობის საყრდენებზე დგას განდიდებულ მედროვეთა ყოვლისშემძლეობის ილუზია.

„ჰო, მაგრამ ჩვენ ასე არ ვფიქრობთ!..“

ვინ არის ეს „ჩვენ“, რეალურად არსებობენ დანარჩენებიც თუ, ამბიციური ძალად მაცხოვრე ნინამდგომი, ცოტა მდიდართა და ბევრ უპოვართა, თქვენობით მიმართავს თავისთავს?

და თუ კიდევ ვილაც თანამდგომებსაც გულისხმობს, ვისმა საერთო ფიქრმაც შობა მათი უდღეური აზრები და გადანყვეტილებები, მით უარესი... ვინ ბრძანდებიან, სად იყვნენ აქამდე, რა მოიმოქმედეს, დიდგორი მოიგეს, სოფელი და ქალაქი ააყვავეს, უფსკრულს მიმდგარ ქვეყანას ხელი სტაცეს და გადაარჩინეს... მათი უმაქნისი სახელისუფლო „კორტეჟი“, რა დამსახურების გამო უნდა შეისვან უნაყოფო მოლოდინით დაღლილ, გადატყავებულ ზურგზე ადამიანებმა, ქვეყანამ, მაგდანას ლურჯასავით დავარდნილმა ბიუჯეტმა და კიდევ ერთი (!) საარჩევნო ვადით, ახლა ესენი ზიდონ სახედრის ერთგულებით?!

მორჩა და გათავდა! რადგან თქვეს, როგორი უგუნურიც არ უნდა იყოს, გადანყვეტილების ციხესიმაგრის შიგნით არ შეგიშვებენ, კარს ვერ უპოვი, ვერ შეაღებ, ვერ გადაარწმუნებ, იქნებ ასე სჯობდესო.

„ჩვენ“ ასე არ ვფიქრობთო, გაგიმეორებენ, უფრო გამკაცრებული ხმით და პიჯაკს შიგნით, თეთრ პერანგზე დაფენილ, ჭრელაჭრულა, გადაბრტყელებულ ჰალსტუხს ჩაისწორებენ, თითებს ისე ჩამოაყოლებენ, თითქოს მომთვინიერებელმა ყელთან გამობანტულ, მკერდზე ჩამოგრძელებულ პითონს ზურგზე გადაუსვა ხელი.

და გაიფიქრებ – უფალო, როდესაც ადამიანს ზელდი, თიხაში რამე ისეთი ხომ არ შეგიყვია, რაც კაცთა მოდგმის საცდუნებლად აქეზებს ემპასო.

ცრემლის „საკომუნიკაციო ვერცხლისფერი სპირალით“ მაინც ვძალაობ სინანული გავუღვიძო, სახელგატეხილ, არასაიმედო „ჩვენს“ კოშკში გამოკეტილს, რომლის თითებიც კვლავ ახირებული, შემამფოთებელი და შეამანუხებელი ხაზგასმით მიცოცავენ პითონის ზურგზე.

ეფერებიან და „პითონიც“ გატრუნული, ლაქუცით ნასიამოვნები თვლემს, ერთ ლილვზე შეკრული პიჯაკის შიგნით, ამბიციის საფუარით გაღვივებულ ლიპზე.

„ცირკის“ მაყურებელს ჰგონია, რომ მომთვინიერებელი და პითონი გიჟდებიან ერთმანეთისთვის.

მე – პირიქით, ვფიქრობ, ეჭვი, უნდობლობა, სახელისუფლებო საფეხურის ჩატეხვის შიში აერთიანებთ, ერთმანეთს რომ არ ენდობიან, ერთად სწორედ იმიტომ არიან.

ჭირისუფლებმა გვთხოვეს, ნამობრძანდით, შესანდობარის სათქმელადო.

დაღმართზე, მანქანები, უკან თავპირისმტკრევით მიარბენინებენ ყველას, იმ ერთის გარდა, ვინც თავის შვილსა და მის თანატოლებს ყვავილების გვირგვინებს უწნავდა.

მამინდელი გვირილების შთამომავლები ქალბატონის გასაცილებლად ამოიბინდნენ მიწიდან და ჩამობრძანდნენ ზეციდან!..

მიიბარა უფალმაო, ნათქვამია.

მაგიური ძალისა და შინაარსის სიტყვაა, „მიიბარა“ – არ ელაღატება, თურმე, მიბარებული მგელმაც კი იცის!

კაცმა?..

## ჩიტის სიცილი

გულწითელა წყალს ეთამაშება. დასკუბდება სკვერის კუთხეში მიდგმულ, ფერადი კენჭებით მოჭიქულ ნიჟარაზე, ჩაიჭყლოპინებს რალაცას, ჩაჰკრავს ნისკარტს მილის წვრილი ყელიდან ამოფრქვეულ წყლის ჭავლს, გამოსტაცებს წვეთს, გადაყლაპავს, სველ ნისკარტს ბუმბულზე შეიმშრალებს და იქვე,







ლურჯად შეღებილი სკამის საზურგეზე გადაფრინდება.

ცოტა ხანში ისევ დაუბრუნდება ნიჟარას, ისევ ამოიტაცებს წვეთს და ნისკარტს მკერდს შეანმენდს... იმეორებს ერთხელ, მეორედ, მესამედ, თან ისეთ მხიარულ ბგერებს ამოუშვებს, გაგიკვირდება, ამ მოწყენილ ქვეყანაში ამას რა ახარებს.

ცოცხალი, მოძრავი თვალები უბრწყინავს, უცინის...

რაო? ჩიტები არ იცინიან?

სად ამოიკითხე, არ იცინიანო, თანაც შუბლშეკრული, მკაცრი ტონით რომ მსაყვედურობ, თითქოს ქვეყნის დამაქცევარ ტყუილში გამომიჭირე.

მამ შენ არც გაზაფხულის მზის ამობრძანებით გახარებული ფრინველები არ გინახავს, თორემ მაგას როგორ იტყოდი – არ იცინიანო!

არც მათ გინახს არ შესწრებხარ, ბუდიდან გადმოვარდნილ უმწეო ბარტყს, როგორ შეწუხებულები დასტრიალებენ.

მწუხარება და ერთმანეთისათვის თავგანწირვა თუ შეუძლიათ, სიცილმა რაღა დააშავა – ამას მხოლოდ ის იტყვის, ვისაც სიცოცხლეში გულწრფელად არაფერი გახარებია, უცხოა მისთვის აღტაცების მაღლი და... მოკლედ, სულ უკმაყოფილების საპალნეს ზიდვით გულგანწყალებული, გაუცინარი, თავად ბრძანდები.

ჩიტის სიცილი ვის გაუგონიაო!

უნყინარი წყლის ჭავლიც მხიარულობს, ლაღობს და ილიმება-მეთქი, რომ გითხრა, ალბათ, მთლად გადაირევი, „ქოშს უკუღმა ჰყრი“ და საჩვევოსკენ ვილა მოგაბრუნებს.

მაღლობა ღმერთს, ყველაფერი შენს დაჯერება-არდაჯერებაზე არ ჰკიდია – საქართველოში ჯერ კიდევ უხარიათ მზის ამობრძანება, ჩიტსაც, წყალსაც და, აი ამ ალუბლის წითლად ახლადმეთვალეულ, ტოტებზე ასხმულ კუნწულებსაც.

გაზაფხული მოდის.

შენც გაიცინე და თვალმოჭუტული მაცოცხლებელ სითბოს გაუტვრინდი.

## მუგუზალი

დახუჭა თვალები და დაიხურა მამაჩემის ცხოვრების წიგნიც. თითქოს მარტის საღამოს მიმწუხრს შეერწყა, სამუდამოდ ჩაქრა კერპი, გაუტეხელი კაცის გამოხედვა, ბარაქიან ქორწორზე მარცხნიდან მარჯვნივ გადასმული ხელის მოძრაობა, სასიამოვნო, დამაჯერებელი ხმის ტონი, გვიან ღამით შინ დაბრუნებული, მოკაკუნებამდე კართან რომ ჩახველებდა ხოლმე, მე ვარ და არ შეგეშინდეთო... როგორც პაპამისს, მამას, თვითონაც ქედმოუხრელობის, გაუტეხობის გამო ებრძოდა კოლექტივი, ჯობრში უდგნენ თავმჯდომარეები, რაიკომ-ქალაქკომის ფუნქციონერები... ახალგაზრდობაში, თუ სიტყვით ვერაფერს გახდებოდა, წელიდან

ნაგანსაც გააძრობდა, ჰაერში დააქუხებდა... დიდი ომის დროს, ცხრამეტოდე წლის ბიჭი „არსენალში“ მუშაობდა, როგორც გასამხედროებული წარმოების თანამშრომელს საყოველთაო მობილიზაცია არ ეხებოდა. მაინც, გვიან ღამით, სამუშაოდან მომავალს სტაცეს ხელი და, ვილაცის ნაცვლად, ახალწვეულების ვაგონში უკრეს თავი.

უფროსი ძმა უკვე ფრონტზე იყო, შინ, სოფელში დედა, მამა, პატარა ძმები და ავადმყოფი პაპა ელოდნენ... ელოდა ერთ დროს ღონიერი, ახლა გადაკიდებული თავმჯდომარის წყალობით ნაქცეული, მისი მწირი ხელფასის მოლოდინე ოჯახი.

ხაშურს გაცდენილი მატარებლიდან გადახტა და ისევ „არსენალში“ ჩამოვიდა.

მოუყვა თავის უფროსებს, რაც შეემთხვა.

რომ არ გეყოჩაღა, ჩვენ ველარაფერს გიშველიდითო...

განუკითხაობა, უსამართლობა ფეხდაფეხ დასდევდა.

მაინც ვერ დააჩოქა, ვერ მოერია, ვერ გატეხა.

ოთხმოცდარვა წლის მანძილზე ერთადერთი ბრძოლა ნააგო და, ისიც... ჩემთან.

მშობლები ხომ ყველაზე მწარედ შვილებთან მარცხდებიან.

პარადოქსია, მაგრამ სიძულვილი, ძალა ან ჯიბრი კი არა, თავისივე სიყვარული ამარცხებთ.

იმის შვილი ვიყავი და, როგორც ნათქვამია, მოვიდა სეტყვა და დახვდა ქვა, მაგრამ ამაზე სხვა დროს...

დავყურებდი და ვფიქრობდი, ამ კაცის ცხოვრების წიგნის კითხვას ბოლოდან თუ დავიწყებთ, სათავისაკენ შევუყვებით, შევიგრძნობთ როგორ თანდათან აიძვრა მისი დინება, როგორ აყურყუმელავეს მორევებმა და წყალდიდობებმა, როგორ იტანჯა და ტანჯა ის ადამიანები, გარეშემო რომ ვყავდით...

მეორე დღეს, ჯერ ხეირიანად არ მოთენებულიყო, თავს ძალუაჩემი რომ დაგვადგა.

ვუთხარი, მამაჩემი აღარ არის-მეთქი.

ვიციო.

საიდან, ვინ გაგაგებინა-თქო.

სიზმარი ვნახეო...

შევიდა მიცვალებულთან, იტირა, ივაგლახა, შენც ხო ნახვედი, შენი ომახიანი ხმაც ხო ჩაქრა, ჩემო მაზლოო!

გადახადა, მძინარესავით კაცს, ახლა თვითონ გადაუსწორა თმა, თან გვარიგებს რა აუცილებელი რიტუალია შესასრულებელი და, უცებ – ფეხები ხომ შეუკარითო.

რათა, გაიქცევა სადმეო, გაელიმა ჩემს ძმას.

შენ ხუმრობ და, ეს ისეთი მაგარი იყო, არც ეგ გამიკვირდებაო.

რაღაც სიზმარზე ლაპარაკობდი-მეთქი.

რაღაც კი არა, ასე ცხადლივ არაფერი მიწინახავს... ვითომ მამა-პაპეულ სახლში ვარ, ცოცხი მიჭირავს, უნდა მოვგაო იქაურობა... გავიხედოთ და,



შემოვარდა უცებ ოლა, ჩემი დედამთილი, როგორც იცოდა ხოლმე, დამიდგა წინ დოინჯშემოყრილი, გააგებული და თითები ლამის თვალეში წამატაკა, აბა თქვენ ხალხი ხართ, რა უნდა გელაპარაკოთ, ეს ერთი მუგუზალილა დაგიტოვებ და ესეც გამოაქვრითო, მიჰკრა ლუმელის კარს ხელი და ისევ უკან გავარდა.

გამოლვიძებულმა ვიფიქრე, ნამდვილად ჩემი მაზლი აღარ არის-მეთქი.

მეზობლის ბიჭი ადრიანად მოდის ხოლმე მანქანით და იმას გამოვყე...

– ღმერთმა ყველა მოჰყაროს ამის ხნისა, ოთხმოცდარვისა „გამოაქრო“ ოლას „მუგუზალი“, მაგრამ ხომ ხედავთ, მშობლისთვის შვილის ასაკი არ არსებობს, სულ ჩვილი, პატარა და მოსაფრთხილებელია.

შვილები, მშობელიც რომ „მოსაფრთხილებელია“, ამას მხოლოდ მაშინ ვხვდებით...

თუმცა ვხვდებით კი?

ოლა მხოლოდ მუგუზალის კი არა, ლუმელის გამოქრობას და მამა-პაპეული სახლის გამოკეტვას, გამოციებას, გაუკაცრიელებას გულისხმობდა, ახლა სახურავინამონეული, ხელმოჩრდილებული ბებერივით რომ გამოიყურება სოფლის შუაგულიდან და გველოდება... გველოდება...

## შაქარმოყრილი პური

მარტო პური და შაქარი არა, სადღობელიდან ამოღებულ, ჯერ თუმფალანგში ჩამონურულ და მერე პირგანიერ თეფშზე დაზვიზულ, შინაური კარაქის გუნდას, დანის წვერით ბარაქიანად ჩამოაჭრიდა, თონიდან ახალამოყრილ, შეგრილებულ პურის ყუას ნაუსვამდა. მერე შაქრის ქარხლის მოყვითალო ფხვნილს ძუნნად, თავიდან ბოლომდე მოაყრიდა და, აბა, გემრიელად მიირთვითო, მომანვდიდა.

ოლონდაო, გამაფრთხილებდა, აქ შეჭამე და გარეთ, ამხანაგებში მერე გადი, დაგინახავენ, იმათაც მოუნდებათ და ცოდონი არიან, არ ანანიო, თვალები არ დააბრეცინოო.

მაშინ, ქარხლის შაქარი, კოლმეურნეობებში, შრომადღების მიხედვით ნაწილდებოდა, თავს არც ჩვენ და არც სხვებს არ გადასდიოდათ, მომჭირნედ, გამოზომილად ვხარჯავდით.

რადგან სხვა ნუგბარით მაინცდამაინც განებივრებული არ ვიყავით, შაქარმოყრილი კარაქიანი პურით პირის ჩატკბარუნების სურვილის გაღვიძებას, „სნიკერისა“ და „კოკა-კოლას“ მომბებზრებელი რეკლამები არ სჭირდებოდა.

მაგრამ გვიჭირდა თუ გვილხინდა, ახლა ეს არ არის მთავარი.

უბრალო ქალები, ჩვენი თალხისფერკაბიანი დიდებები, ზამთარ-ზაფხულ, ქვედაბოლოს შიგნით მოკერებულ ჯიბეებში სასუსნავს რომ გვინახავდნენ, როგორი ზნეობრივი ნორმებით გვზრდიდნენ..

„ცოდვანი არიან, აქვე შეჭამე, რომ სხვებს თვალები არ დააბრეცინოო.“

შენ რომ გქონდა, შენ რომ მიირთმევდი, ამით სხვა არ უნდა შეგენუხებინა, გული არ უნდა დაგენყვიტა, თუ არ შეგეძლო გამასპინძლებოდი, იმის ცხვირწინ მაინც არ უნდა გეტრიალებინა შაქარმოყრილი, კარაქიანი პური.

ჩვენ თუ ასეთი დიდბუნებოვანი ქალების კალთა გვმფარველობდა, საინტერესოა ესენი ვინ „გამოჩორკნა“, თავიანთი გაუმძღრობით, მტაცებელი, ყველაფრის დასაკუთრების ყინით შეპყრობილები, თვალს რომ გვიყენებენ, მე მაქვს და თქვენ არაო, თავიანთ „შაქარმოყრილ, კარაქიან პურს“ გვახარებენ?

აგვისტოს ომის დროს, შიდა ქართლის სოფლებში, ბალებსა და ველ-მინდვრებში დაუმარხავ, ხელისუფლებისაგან განწირულ, მიტოვებულ მიცვალებულებს ნადირ-ცხოველი რომ ჯიჯგინდა, იმ დროს თბილისის რესტორნებში ანშლაგი იყო.

მახსოვს, ბავშვობისას, სკოლაშიც და საზოგადოებრივი თავშეყრის ადგილებშიც, ყველაზე უფრო მორიდებულები, თავშეკავებულები, მორცხვები, ხელმოკლე მშობლების შვილები ვიყავით.

დღესაც ბევრი არაფერი შეცვლილა (თავზე არც ახლა გადაგვდის!) გარდა ერთისა:

– ბატონებო, მე არ მრცხვენია ჩემი სიღარიბის, მე თქვენი სიმდიდრის მრცხვენია!

## ღირიჟორი

როგორც სადავით ყოჩაღი მხედარი ქურანს, ეგრე მართავს ორკესტრს, ყველგან და ყველა ინსტრუმენტს წვდება მისი ფხიზელი თვალი და სმენა. ნიჭიერი არტისტის ხელები – ფრაკის სახელოდან ამოფრენილი მტრედის ფრთები იშლებიან, იკეცებიან, ფარფატებენ ჰაერში.

სადირიჟორო პულტის წინ, ნახევარკალად შემორიგებულა ვიოლინოების ხუთეული.

მათ შორის მთავარი, „პირველი ვიოლინო“ – მენინავე ულაცვით მიაპობს თავბრუდამხვევ დინებას, ქარსა და წვიმას, ხან უღრანის ჩრდილებში მიოთხარიკობს, ხანაც ლორთქო ბალახის მკერდზე შემოხლილ ტალღებს მიაპობს.

გარბის პირველი ვიოლინო – თავდალუნულები მიჰყვებიან დანარჩენები, იციან მენინავე არ უღალატებთ, გზას არ ასცდება – სიმებიდან აფრინდებიან შეუღლებული ბგერები, როგორც გაჭიმული მავთულიდან ბელურა ჩიტების მწკრივები, რიგრიგობით, მიყოლებით.

შეიარაქათებს პირველი „ულაცი“, თითქოს საკუთარი ფლოქვების ხმას აყურადებს, ორთქლის ოხშივარში დამამშვიდებელ ჩორთზე გადადის – ღირიჟორის ხელების კარნახით... ახლა, ნანვიმარ ტყეში, შემოდგომის ბურუსს მიჰყვება – ირგვლივ ნოტიო ნემომპალის და ფეხქვეშ გასრესილი ტყის ხილის





სურნელი დგას... ალაგ-ალაგ, მარცვალ-მარცვალ ჩამოცვენით, ჯერ კიდევ ჰაერში დაკიდულ ფოთლებში ჯახველას წითელი კუნწულები გაკრთება...

სადღაც, კორომის სიღრმეში, ტყისმცველის ფიცრული დგას.

ფიცრულში მე და შენა ვართ შეფარებული, ნაკვერჩხლებით გავარვარებულ ბუხარს მიფიცხებულეები ერთმანეთის ხელებს ვათბობთ.

მოგვაგნეს, დამშვიდდა მელოდია.

ყოჩალი ღირიჟორის დაღლილი ფრთები ნელ-ნელა დაბლა ეშვებიან. „ულაყებმა“ ერთმანეთს გადააჭდეს შეყვარებული კისრები

პირველი ვიოლინოს ხემს ბოლო ბგერა წვეთივით წყდება...

## დანდური

დღესაც გამიმართლა – ბაზარში ნამდვილი სოფლის დედაკაცი ვნახე, თალხტანსაცმიანი, სიკეთეჩამდგარი თვალებით, კოხტად დაკონილი მწვანელი ეწყო და ღიჭინით არავის აწუხებდა, ეგ მითხრა მხოლოდ, აი, ეს დანდური, ჩემ შვილს ძალიან უყვარს, „შაქარს“ აწესრიგებს... შეკვრა ოცი თეთრიო, დააყოლა მორიდებით.

მომეცით-მეთქი.

რამდენი გნებავთო.

დავფიქრდი.

ამომხედა და, მოდით, რამდენიც იქნება, ერთ ლარად სულ წაიღეთო.



მხატვარი სოფიო ქელიძე

გადავთვალე.

კონას ოც თეთრს აფასებდით და ათი ცალი ლარად როგორ წავილო-მეთქი.

ჩემია, სხვისას კი არ ვყიდო, შემომღიმა.

ლიმილმაც, ხმის ტონმაც, თავშეკავებულმა, დარბაისლურმა მიხრა-მოხრამ წარსულში გადამისროლა, ის დედაკაცები გამახსენა, ქართლის სოფლებს რომ ამშვენებდნენ.

მე ხუთი მინდა-მეთქი.

ხუთი ინებეთო.

მივეცი ლარიანი და მოვდივარ.

არაო, ხურდა გეკუთვნით, ორმოცდაათი თეთრიო, პატარა, ხელისგულისოდენა, ბურთულა შესაკრავიანი საფულე გახსნა და ხურდა ფული ააჩხაკუნა.

მაშინ არ წავილებ-მეთქი.

გაგვეცინა – ამ გავაჭრებულ, განუპაკეზულ-განუწკებულ გარემოში მყოფები, ტყუილით და უნდობლობით აქოთებული ბაზრის ყაყანიდან, იმ სამყაროში მოვხვდით, სამუდამოდ წარსულში რომ მეგონა ჩარჩენილი.

ღმერთო, ადამიანში ადამიანი არ გადააშენო! – შევთხოვე უფალს და რალაცით, ერთბაშად სახელი რომ ვერ დავარქვი, ძალიან გაბედნიერებული წამოვედი.

## იავნანა

თამაზის, მეტსახელად „დალაი ლამას“ სარდაფში ფილმს ვუყურებდით.

დედის იავნანამ, გაუცხოვებულ შვილს, თავისი ნამდვილი წარმომავლობა რომ გაახსენა, ამხელა კაცები ლამის ხმამაღლა ავლრიალდით.

ლაპალუპით წამოსულ ცრემლს ერთმანეთს ვუმაღავთ.

რა არის სასირცხვილო, რისი გვერიდება!

სავაგლახოდ მაშინ გვექნებოდა საქმე, ეს პასაჟი სულსა და ნერვებს რომ არ გვიტოკებდეს.

ჩემთვის ვფიქრობ:

ფილარმონიის დიდ დარბაზში რომ შეეყაროთ ჩვენი პოლიტიკოსები, რუსოფობები და არასამთავრობო, დაქირავებული, ენაგატლეკილი თუთიყუშები, დაკვეთების შემსრულებელი ტელევიზიები, მხოლოდ უცხოური „ბრენდის“ მოყვარულთა უპასუხისმგებლო ჯოგები და იავნანა ვუმღეროთ, რამდენ მათგანს მოსცილდება გონებაზე გადაკრული ლიბრი და გაახსნდება, ვინ არის, ვისი შთამომავალი, ვისი ჯილაგისა და მოდემისაა, ვინ უნდა გააღმერთოს და ეთაყვანოს, მოკლედ, რამდენი გაიხსენებს და პატიებას სთხოვს თავიანთ წიხლნაკრავ, შეურაცხყოფილ დედას-მეთქი.

ბევრი ვიფიქრე, ავნონ-დავნონე, თვალი გადავავლე საცდელ „კონგლომერატს“..

სამწუხაროდ, გუმანმა, სანუგემო ვერაფერი მითხრა!..





## პასუხი

ვართ გურიაში, მივლინებით, რედაქციის დავალებით, კაი გამართული კაცის ოჯახში – ეტყო-ბა სახლ-კარსაც და სუფრასაც.

მასპინძელი, როგორც მამინ უყვარდათ თქმა, შრომის მონინავეც არის და კარგი მჭერმეტყველიც.

ავიღეთ საგაზეთო მასალა – სათქმელი ითქვა, ჩასანერი ჩავინერეთ და მშიერ-მწყურვალებს, უპა-ტივცემულოდ ვინ გამოგვიშვებდა.

ვუსხედვართ ნუნუას, წელში გამოყვანილი ჭიქებით.

თამადა მასპინძელია.

რას არ გაიგონებ, რას არ ყვება, მოაყოლებს ტრადიციულ სადღეგრძელოებს, იუმორით შეზა-ვებულ ნაირ-ნაირ ამბებს, ზოგჯერ ისეთსაც გა-მოურევს, გვერდით სამზადიდან მეუღლე რომ დაანამუსებს, შენ შემოგველე, შეთვერი, ალბათ, და, სტუმრებთან შეიკავე თავი ცოტაო.

ეს დალოცვილი ქვევრს ხეთქავს და საკვირვე-ლია რომ შევთვრალიყავით? ფეხარეული თუ არ გავუშვით სტუმრები, მომინონებ ან შენ ან სოფე-ლიო? შენ მანდ მიხედე, რაცხა ყველი აკლია ამ ხაჭაპურს და მე ჩემს საქმეს მოვუვლიო!

იქვე, შორიახლო, წიგნში „თაფარგული“, დამა-მთავრებელი კლასის ბიჭი მეცადინეობს.

ვითომ, თორემ წაკითხულიდან რას გაიგებს – ჩვენსკენ აქვს ყურები დაცქეტილი.

– გადადე, დროებით, ეგ ქიმიის სახელმძღვანე-ლო და მოდი, აქ, ბიჭო, შენ! – დაუძახა მამამ.

– ფიზიკაა, ხვალ ქიმია არ მაქვს! – ყდას, ყოვე-ლი შემთხვევისათვის, მანაც დახედა მომეცადინემ.

– მითუმეტეს! – მაგიდას დაჰკრა ხელი მსუბ-უქად მამამ.

რატომ „მითუმეტეს“, ვერ გავიგეთ, მაგრამ ამას რა მნიშვნელობა აქვს.

მოვიდა ბიჭი, მაღალი, გამხდარი, საულვაშე შეღინღლული.

– ხო ხარ, შვილო, ფრიადოსანი... მედლის კან-დიდატია! – გვაცნობა ჩვენც და ისევე ბიჭს მიუბრუნ-და, – ახლა ერთი პრინციპული საკითხის გარკვევა მინდა და, უნდა შენ რომ გეკადრება, მეც ფრიადზე მიპასუხო!.. მისინ? დაუშვათ, შენ ხარ ჩემი ბატო-ნი, აგე, ამ ჩვენს მდინარეში ვიხრჩობი...

– პატარაა, თანაც ახლა ისეა დალეული, რო-გორ დაგახრჩობს, – გაეცინა შვილს.

– დაუშვათ-მეთქი, ვერ გაიგე? ჩვენთან ყვე-ლაფრის „დაშვება“ შეიძლება, საბჭოთა კავშირის დაშლის გარდა, დაიხსომე!.. კაი, პალიასტომზე ვიხ-რჩობი, ის ხო ღრმა... გახსოვს, მამა-შვილს რა უყო, ამ ტბაში, ეგნატე ნინოშვილმა?.. ჰოდა, ვიხრჩობი, მაყურყუმელავენს მორევი... გინდა მომეშველო, მა-გრამ გევიხედოთ და, აგერ, აქეთ, ვილაც ყაზილარმა არ წამოაქცია დედაშენი?!

– სულ გადაირიე, კაცო! – ელვასავით გამო-ვარდა ცოლის გაბრაზებული ხმა.

– მაცალე, ქალო!.. გაიგე ბიჭო, რა გითხარი?

ასეთი მძიმე არჩევანი გაქვს მისაღები... იქით მამა გეხრჩობა, აქეთ დედას ექიჩმარება ვილაც...

ცოლის მორიგ პროტესტს სახეირო არაფერი მოუტანია, თამადა ისევე ძველ ჩვენებას აწვება.

გინდა თუ არა, უნდა მითხრა, იქით მე ვიხრ-ჩობი, დედაბუში თუ პალიასტომში, აქეთ დედაშენს მისდგომია ვილაც ყაძახი, ვის საშველად გაიქცევიო, არ ეშვება უხერხულად აწურულ ბიჭს.

თქვი და თქვიო, აიხირა, შენ პასუხზე ბევრი რა-მეა დამოკიდებული, მე სადაცაა მორევი ჩამყლაპა-ვს, დედაშენი კი ვინცხა, გადარეულს გადოუქცევია და...

ისევე დიასახლისმა „გვიხსნა“ ჩვენც და ბიჭიც.

გამოვიდა სამზარეულოდან, (თან ცომს აგუნ-დავებს), შვილო, რად იტანჯები, აქეთ ლოთი მამა თუ გეხრჩობა და, იქით მე „მომადგა“ ვინმე, არჩე-ვანით თავი არ დაიტანჯო, ჩემსკენ არც გამოიხედო, ნუ გეშინია, ჯერ არავინ „იმისაგან“ მკვტარი ქალი არ უნახავთ, არც მე გამიგონია... თუ ეგეთი რამე მოხდება, არც დაფიქრდე, მაშინვე მამაშენის საშვე-ლად გაიქცევიო.

## აქველა

ველების ზედამხედველი.

როდინდელია? ხელოვნურად შეკონინებული სიტყვა თავისი შინაარსით, ალბათ, უფრო სოცმშენ-ებლობის დასაწყისის პირმშოა, იმ დროის სურნელი დაჰკრავს, როგორც მერგოლურს, მემინდვრეს, მეს-ილეს, მეჭარხლეს, მეჩაიეს და ასე უსასრულოდ...

მეველე – სადამსჯელო უფლებებით აღჭურვი-ლი, პურის და სიმინდის ყანების, ხილის ბაღების, ჭარხლის, კომბოსტოს, სტაფილოს, ხახვის ნათესე-ბის ზედამხედველი.

თუ ვინმეს ხელი წაუცდებოდა, მინდვრის თავ-იდან ხელმოჩრდილებული, ხან ფეხით მოსიარულე, ხანაც ჯაგლაგ ცხენზე ამხედრებული, იქიდანვე დასჭყვივლებდა, ძალას დაატანდა ხმის იოგებს და დაბერილ ყელის ძარღვებს.

ჩია, კაფანდარა, მაგრამ ხელისუფლების თანადგომით გულმომადგრებული, მხარზე გადაკიდ-ულ ცალღულიანსაც დააგრუხუნებდა, ყანაში გადა-სულ უპატრონო საქონელს დაირეკავდა და კანტო-რას მიაყენებდა.

კანონი გვინდა, მივესალმებით, თუ მისი გამ-რუდებისათვის სხვები ისჯებიან, ჩვენ – არა.

ჩვენ? ჩვენ უპატიებელიც უნდა გვეპატიოს!

ამიტომ, იყო ხოლმე შეხლა-შემოხლა, გინება, განევე-გამონევა, ბევრი კინკრიხოც გატეხილა და მუშტით თვალებიც ჩაშავებულა, მეველესიც და იმათიც, ნაჭურდალს შინისკენ რომ მიაძეგუტებდ-ნენ და წაასწრებდნენ, თავივით ხაფანგში გააბამდ-ნენ.

მეველეობის ინსტიტუტმაც, როგორც ბევრ-მა სხვა რამემ, ხუთწლეულების ქვეყანასთან ერთად, ჩაილურის წყალი დალია.





თუმცა, სამეველეო რაღაა, ზარმაცი კაცებივით ყრია, გზის აქეთ და იქით, გაუმაქნისებელი მინდვრები, ნაკვეთები, ნავენახარები, ნაკალოვარები, ნაფუძრები, ურწყავები...

ავი იყო თუ კარგი, უზანგებზე ანეული, ხელმოჩრდილებული მეველე, მაინც პატრონის თვალს განასახიერებდა და ეს თვალცი დაიშრიტა, როგორც კი იმ ზემოთ ჩამოთვლილი, „მე“-თი დაწყებული პროფესიის ადამიანების ნაჯაფარი, ქართლის ველ-მინდვრების ბარაქა გაქრა.

ალარც გაზეთში, ალარც წიგნში, ალარც სალაპარაკო ლექსიკონში – ეს შერქმეული სახელ-სიტყვაც იმათთან ერთად დაიკარგა, უსახელოდ გადაშენდა, ცხენის თოხარიკით და ხმამალალი მუქარით, ქურდ-ბაცაცებთან ერთად ყანებში ჩაბუდებულ თუ გადამფრენ ფრინველებსაც რომ აფრთხობდნენ ხოლმე.

რას ერჩოდნენ, უთენია აგნისებული მეველეები, უწყინარი, დილის დადგომის მახარობელი ტოროლები მაინც რას უშავებდნენ, არ ებრალებოდათ?

ზოგი ახლაც დააფრთხონ!

## ფურცელი

სანერი მაგიდის უჯრაში გადაკეცილ ფურცელს გადავანყდი:

„მომბეზრდა სიცოცხლე,  
სიცოცხლეს მოვებზრდი.“

მხოლოდ ორი სტრიქონი, არც დღე, არც წელიწადი – უთარილო ორი სტრიქონი, მხოლოდ ორი, როგორც ობლები, უპატრონოები დათოვლილ მინდორში – თეთრი ფურცლის შუაგულში მიტოვებული... იქნებ სიცივით აბუზული, ერთმანეთს მიხუტებული ხბორებივით ან მკლავიდან გადაცურებული შეშის ორი ნაპობივით... როგორც გინდა, ეგრე იფიქრე...

როდის და რამ მაიძულა მათი ამოთქმა?

სერიოზულად მივიღო თუ წამიერ სისუსტედ ჩავთვალო, ჩემი მაშინდელი განწყობა!

რა საერთო აქვთ, მაგრამ მაინც მასხენდება:

„დაემხო ჩემი სამშობლო,  
საფლავს ჩავდივარ სიმნარით“ –

ხედავ, მაინც სად გიყელა, დიდებითა და ჯინჯილებით დამშვენებულ, დაუმარცხებლო პოეტო

და გენერალო, გაუხარელი სამშობლოს დარდმა და სიყვარულმა? სამშობლოს უბედობით გული მანამდეც დათუთქვიათ, მაგრამ შენი ამოკვნესა მაინც სხვაა, გამაოგნებელი, ზესკნელისა და ქვესკნელის შემძვრელი გოდებაა, რომელმაც უხსოვარ დროიდან მოყოლებული, ყველა საფლავში „სიმნარით“ ჩასულის მკერდი გააპო.

ერთმანეთით „მობეზრების“ მიზეზი ჩემს ორსტრიქონიან თეთრ ფურცელზე არ იკითხება!

არ დაინერა და იმიტომ, მაგრამ ხომ იგრძნობა, დამწვრის სუნი საიდანაც მოდის?

იქნებ ეს სანყალი ორი სტრიქონიც საქვეყნო დიდი იმედგაცრუების სიმნარემ შობა?

საკვირველია, ფურცელს რაღა ახლა გადავანყდი – დღეს ჩემი დაბადების დღეა (დაფიქრებაც არ მინდა უკვე რამდენის გავხდით!)

დაბადების დღეები – ახლა უკვე ზღვისპირას ნაგროვები, ძაფზე ასხმული ნიჭარები, ბავშვის გასართობად, აკვნის ხარისხზე დაკიდული საჩხაკუნო, თავი რომ შეიქციოს, ვიდრე გადაარწვევენ ან ძუძუს ჩაუდებენ.

„საჩხაკუნოს“ ყოველ წელს თითო ნიჭარა ემატება.

ერთხელაც იქნება და ძაფი საბოლოოდ გაინასკვება.

ალარც გადამრწევი ფეხი...

ალარც ლალიანი ძუძუ...


მხოლოდ სულს ამოდევნებული სამდურავი – „საფლავს ჩავდივარ სიმნარით!..“

ბოლო წლებია, მე და ჩემი დაბადების დღე, ერთმანეთს სიხარულით და დაფდაფებით აღარ ვხვდებით, ჩვენ შორის უნდობლობის ბურუსი ჩადგა – ახლაც ისე მინდა ჩამთავრდეს, ვითომც არაფერი მომხდარა – კალენდრის ერთი რიგითი ფურცელი ჩამოვარდა! ხუთ ოქტომბერს მინდა უხმაუროდ გავეპარო, როგორც ღამის სიჩუმეში ფეხაკრეფილი მგზავრი მოსახვევში ჩასაფრებულ, გაავებულ ნაგაზს...

ფურცელს ისევ თავის სამალავში ღრმად შევუძახე – მინდა ქვეყნისთვისაც და ჩემთვისაც ერთხელაც ისეთი დღე დადგეს, როდესაც ხელახლა მოვძებნი და ნაკუნებად ვაქცევ!

ანდა მთლიან ფურცელს რას ვერჩი?

ფურცლის შუაგულში მელოდება ჩემი მაშინდელი განწყობილების ორ სტრიქონიანი, დახურული სარკოფაგი, ბარით ხელში როდის მივადგები!..



**ფიქრია  
ყუშიტაშვილი**

ფ  
ი  
ქ  
რ  
ი  
ა  
ყ  
უ  
შ  
ი  
ტ  
ა  
შ  
ვ  
ი  
ლ  
ი

შორს არსად მივალ, არ შეძინდე, არ დამილონდე,  
ყბრალოდ, მივალ საქმენელად საკუთარ თავის,  
და როს ვიპოვი, დავზრუნდები, გაფერადებულს,  
ვერას დამაკლემს განსაჯელითა მტანჯველი ნამი...  
მომიგონებდე სიკეთით და მსუბუქ ღიმილით,  
ზივამ დამსეტყვა, სულის სარკეს ზზარი აჩნია...  
მე გულწრფელობას გინილაფებ – ჰყრის ნამყერად,  
იმ სამეტიდან, რაჯ ძვირფასი რამ გამაჩნია...

ფიქრია ყუშიტაშვილი



ო  
ლ  
ე  
ნ  
ი  
ს  
ნ  
ო  
ფ  
ი  
ა  
ნ  
ო  
ს  
ფ  
ი  
ა

**ხალხურ კილო-კავზე ნათქვამი**

იყო დრო, როცა ვხედავდი  
მას, რაც უჩინარად ვსახავდი,  
ფიქრშიაც ვერა ვხედავდი,  
ნატვრას უჩინოს ნახვისა,  
რას ვიფიქრებდი, ვნახავდი,  
როგორ ადიან სევდამდი,  
როგორა სთმობენ სურვილთა  
გულის სანუკვართ ზრახვისა...  
ძნელია წუთისოფელი,  
არ იცი იმის ფიქრები,  
სად გველის ბოლო სადგური  
კაცად სულთქმის და ყოფისა,  
ვიტყვი: ერთხელაც მოველ და  
განა მარადის ვიქნები?! –  
ეგაა ფილოსოფია  
ხალხური კილო-სტროფისა...

...  
ძნელია, იყო სასურველი, თანაც მართალი,  
თვალს უსწორებდე მუხთალ ბედის  
უკუღმართობას,  
მე ამ ბრძოლაში ერთხელ უკვე გარდავიცვალე  
და ხელმეორედ დავიბადე, როცა გათოვდა...

რა ბედენაა, წუთისოფელს ცალად სტუმრობდე  
და ვერ ამოხსნა გამოცანა საწუთროს წესის,  
ბედი-მდევეარი დაუნდობლად, ავად ხუმრობდეს,  
სანამდის კარი გარდისხნება შენს წინ ჰადესის...

ტანჯვით მარცვლიდე კრიალოსანს სურვილებისას  
და მოლოდინით დღე-ცისმარეს ესალმებოდე,

რომ დიადემით შემოდგომის ყვავილებისა  
ჯვრისწერისათვის საქორწინოდ ემზადებოდე.

მძიმე ჯვარია, ერთგულებდე ყოველ ალიონს,  
ეგებებოდე შაშვის მღერით, პირზე ღიმილით,  
და მთვარის დისკოს – მოელვარე ცის მედალიონს –  
კენკავდეს ჭრელი მამლაყინა უღვთო ყივილით.

ძნელია იყო სოფლად მგზავრი მარადისობის  
და დერვიშივით გზას სერავდე უდაბნოეთის,  
მუხთალ დროების პოეზია, საჭურისობის,  
იქცეს მიზეზად წუთისოფლის მიეთ-მოეთის.

დასანანია, გახარჯული სალარო ფუჭად,  
სიტყვის, ტყვედყოფილ გრძნობისა და აზრის  
ჭურჭელი,  
დაცარიელდა, უსიერ ტყის ტანმალალ ფიჭვებს  
იარებს უჩენს უიმედო ეჭვის სამსჭვალის.

ხელისცეცებით გზას მივიკვლევ ვინრო ბილიკით,  
და მიმაცილებს პროცესია მიკოტების,  
ნისკარტს ინმინდავს არამკითხე ჭოროთ, ქილიკით,  
არ ვენაღვლები, რომ მანვალებს სევდის სონეტი.

და მაინც ვიცი, მზე ამოვა – მეტოქე ცისკრის  
და გაახუნებს ელვარებით ხომლის ნაკვალევს –  
მატარებელი მოსახვევში ქარივით მიჰქრის,  
ღია სარკმლიდან მომზირალებს, ვაცილებ  
თვალებს...

ეს განშორება არნახულად მიმძიმს და ვნანობ,  
რომ არ ვთქვი, ის რაც უნდა მეთქვა შენთვის  
აქამდე...

უარს ნუ მეტყვი, როცა გთხოვ, რომ არ დაახანო  
და მიმაცილო, დრო რომ მოვა, ზეცის კარამდე...

**ფილოსოფია**

სანამ ამოვა მზე და მიხმობს ახალი დილა,  
სანამდის ყივის მამლაყინა სოფლის ბოლოზე  
„თაგნასაგდები!.. ვერ გიშველის მარხვა ადვილად –  
ჯალაბს ჩიხირთმა ენატრება, ვიცი, სადილად,  
ჰოდა, ბოდიში! – ვერ აგყვები ანი სოლოზე!“ –







**ფიქრია  
ყუხიტაშვილი**

ბუტბუტებს ქალი, ქვაბს შემოდგამს ცეცხლებს შეუნთებს –  
(რა ყისმათია ამა სოფლად მამლად ცხოვრება?!)  
სტუმარი მოვა დაღლილი და დასანაყრებლად  
მამალს ურთხმელი ელოდება თავს წასაგდებლად,  
სტუმარს – შქმერულის კეცზე მდნარი სიამოვნება...

უბრალო არი ნუთისოფლის ფილოსოფია  
ისევე როგორც სოფლის ბოლოს მამლის ყვილი,  
დის ქარავანი, ძალი ყეფს და არის ამაო,  
მგლის თავზე მღერით სახარებას ფურცლავს მამაო  
და არვის ესმის გალობაში მუნკის „კვილი“.

.....  
და მაინც მოვა ზამთრის პირის თეთრი ზღაპარი,  
გაასპეტაკებს სუდარები თოვლისფერ დილებს,  
გაიკვირტება ფერდამზრალი სული – ტრამალი  
და ჭრელ წინდისფრად შებუმბლული ცელქი მამალი –  
„მაინც ბრუნავსო!“ – ვით ჯორდანო კვლავაც იკვილებს.

## უსათაურო

სულ ცოტა მრჩება, სანამ გავა მატარებელი  
თქვენს ცხოვრებაში ჩამანაცვლებს სიცარიელე,  
მოვენატრები ალბათ ყველას, უფრო ახლობლებს  
და უფრო მეტად ამწვანებულ გვიმრებს, იელებს...  
იტყვიან ჩემზე, უცნაური ჰქონდა სიცილი,  
ლექი უყვარდა, ზოგჯერ წერდა, როცა ეცალა –  
თავს ახსენებდა გამუდმებით გულის ტკივილი,  
არად მიაჩნდა და ცდილობდა, ფერი ეცვალა...  
ქმნიდა ქიმერას და უშვებდა ცაში ფრანივით,  
წერდა ბარათებს – არ ელოდა პასუხს არადროს  
და იშვიათად ოცნებობდა იმგვარ დღეებზე,  
როცა ამინდი სულს ახარებს ოდენ საავდრო...  
სულ ცოტა დარჩა, სანამ წავალ, სადაც მელიან,  
იქ ბავშვობაა, უდარდელი ზრუნვის კუნძული,  
ხასხასა მოლზე მოფარფატი პეპლის პალიტრა  
და სამკაული სისხლისფერი ბლების კუნწულით...  
განვეშორები თქვენს სამოთხეს – რუტინის კომფორტს,  
და ჩემს ჯოჯოხეთს ვამჯობინებ სიმარტოვეში  
და არ ვინანებ, რომ მეასედ გავტეხე ფიცი,  
როს ლექსის წერის მავნე ჩვევას კვლავ ვერ მოვეშვი...  
წავალ უბრალოდ, ძველ ცხოვრებას ვეტყვი „ადიოს!“  
უნინდელ ფიქრებს ღრმად ჩავმარხავ – იპოვის ვილაც,  
ყამთა დინების კალენდარზე მოვნიშნავ უქმეს,  
შენს დღეს დავარქმევ, რომ გეცალოს აქაც და იქაც...  
შორს არსად მივალ, არ შეშინდე, არ დამილონდე,  
უბრალოდ, მივალ საძებნელად საკუთარ თავის,  
და როს ვიპოვი, დავბრუნდები, გაფერადებულს,  
ვერას დამაკლებს განსაცდელთა მტანჯველი წამი...  
მომიგონებდე სიკეთით და მსუბუქ ღიმილით,  
ზეცამ დამსეტყვა, სულის სარკეს ბზარი აჩნია...  
მე გულწრფელობას გინილადებ – პურის ნამცეცად,  
იმ სამებიდან, რაც ძვირფასი რამ გამაჩნია...



პოეზია

შალვა  
საბაშვილი

მ  
ლ  
ა  
მ  
ლ  
ა  
მ  
ლ  
ა  
მ  
ლ  
ა  
მ  
ლ  
ა  
მ  
ლ  
ა  
მ  
ლ  
ა  
მ

ძველი ლოფები აშენებს ჰყვებიან,  
ძველი მაფინა ფლევანდლამდე გასძახის თბილისს,  
სვეტიწხოველში გარდასული ათასწლეუნი  
შეპყრობილი და გამოკვეთილი,  
აღმოსავლეთი! საუკუნეს კვლავ მოჰყვებიან  
თამარის დროის ქარები თბილი.

შალვა საბაშვილი

მ  
ლ  
ა  
მ  
ლ  
ა  
მ  
ლ  
ა  
მ  
ლ  
ა  
მ  
ლ  
ა  
მ  
ლ  
ა  
მ  
ლ  
ა  
მ  
ლ  
ა  
მ  
ლ  
ა  
მ

შალვა საბაშვილი – 80

80 წლისა გახდა თვალსაჩინო ქართველი პოეტი შალვა საბაშვილი. ორიგინალური, გამორჩეული ხელნერის მქონე მისი პოეზია ღრმა და ფილოსოფიურია. იგი პოეზიაში არაერთი სიახლის ავტორია და ჩინებულად იყენებს ქართული ენის შესაძლებლობებს.

ბატონო შალვა, ჟურნალი „ოლე“, თელავსა და კახეთში მოღვაწე მწერლები გულითადად გილოცავთ საიუბილეო თარიღს, გისურვებთ ხანგრძლივ სიცოცხლეს, ჯანმრთელობასა და დიდ შემოქმედებით წარმატებებს.

სალიტერატურო ჟურნალ „ოლეს“ რედაქცია

ოკეანე

რად ხმაურობენ, ოკეანევ, შენი ზვირთები,  
რატომ მოგდევნენ ქარიშხლები ყოველთვის მხლებლად?  
სივრცეთა ჩუმი კაეშანით რად იტვირთები,  
ან რას ეძიებ შენი სულის დასამშვიდებლად?  
და მაგ გულგრილი წრებიდან გზას როცა იგნებ,  
ჩვენს მოულოდნელ თანაგრძნობას მოელი იქნებ?

ო, რამდენ წუხილს და გოდებას ახშობ და მალავ,  
უნყალოდ ამსხვრევ რამდენ ფიქრებს წყნარი დარების!  
იქნებ სუსტიც ხარ, და ახსოვხარ თუმცა უთვალავ  
ვინმეს სახებად უსასრულო გამძვინვარების,  
იქნებ, დასჯილი ბედისაგან მწარედ და მწვავედ,  
შესჩივი ხოლმე ლამით მრავალ თანავარსკვლავედს?

რად მღელვარებენ, ოკეანევ, ზვირთები შენი,  
შენს პირველ ფიქრთა ამოცნობა ვინ დააპიროს?  
სად იჩქარიან ეგ ტალღები? წყალნი მლაშენი  
რატომ ლოკავენ ასე ხარბად ვრცელს სანაპიროს?  
ან იქნებ არის ყოველივე, შენთან ნახული,  
მხოლოდ ცხოვრება, წყლის ტილოზე გარდასახული?

იქნება შენი სისასტიკე მხოლოდ ბედია,  
იქნებ სიდიდე ნამებაა და ტრაგედია,  
და როცა წერო, გონმიხდილი, ტალღებში კვდება,  
შენ სინანულით იქნებ ბევრი გაკლდება წელი,  
მაგრამ შენ გამოსავს ცივ და პირქუშ ფერების წყება  
და შენს სიმართლეს არავინ ჰყავს დამჯერებელი.

ო, შეურიგდი შენს სასტიკ ხვედრს! უსასობა  
შეშვენი ხოლმე ზოგჯერ ტიტანს; ესაა ბედი.  
შენი გვირგვინი – დუმილია და მარტობა,  
ქარიშხალი კი – მდუმარების შარავანდედი.  
მე ძლიერ მიყვარს შენი სახე, მკაცრად ნაფერი,  
და შენი ბორგვა, რომელშიაც ჩანს ყველაფერი.



## აღმოსავლეთი

აღმოსავლეთი!  
არ მოსავს მეტი  
საოცრება არც ერთ სხვა მხარეს;  
სად არის ბედი?  
მარტოდენ წელთა გახსენებაც გაგაჭაღარებს!  
აქ ვუსმენ სხვა ხმებს, ვუმზერ სხვა ფერებს  
და გაფიქრებაც თვალებს აბერებს.  
სად არის ბედი?

აღმოსავლეთი!  
საუკუნენი იკეცება პერგამენტივით,  
არ მინდა მეტი,  
თუმცა ვერასდროს ვერაფერში ვერ დავტევი,  
დუმს ვარსკვლავითი,  
გაჰკივის თურქი და გადამქრალ წარსულს  
შესტირის.

აღმოსავლეთი! იქ პირამიდამ  
უკვდავებაში შემოქმედებს გადაამეტა,  
აღმოსავლეთი – გაზღაპრება გრძნეულ ღამეთა,  
ახლაც უბარებს  
ვამას სუბარებს,  
წლებს როცა მარცვლავს უნებლიეთ და მიამიტად.

ვიღაცა მღერის, დრო ცოცხლდება ამ სიმღერიდან,  
პაპირუსები ტოვებენ ბნელეთს,  
დუმის ვერ იტანს –  
სადღაც მუშია გაბეზრებით გაიქნევს ხელებს,  
მაგრამ განგებას ვინ აერიდა –  
ვერ მიატოვებს ის ვერასდროს ეგვიპტის ველებს.

აღმოსავლეთი! შერჩენია სევდა ბაბილონს,  
კიდულ ბალებში არ არის ხილი,  
ვინ დააპიროს  
წარსულ დიდებას ამოაძროს დროთა მახვილი?  
უცებ მოსწყდება მტკვრის სანაპიროს  
და შორს, ურარტუს შეასკდება უცხო ძახილი.

სადღაც დარცხვენით ელვიძება ახლა დარიოსს;  
სად არის ბედი?  
ან ბედს რად უყვარს განუსჯელად ხელი დარიოსს  
ყველა მბრძანებელს? ან სად გაჰქრა დიდება  
ხეთის? –  
დაუსრულებლად უკვირს დარიოსს.

წელში მოხრილა ოქრო-ვერცხლით ქალაქი მექა,  
მოდიან გზები!  
რამდენმა ცეცხლმა გადაიჭყეა  
მრისხანე გზებით!  
ალარსად ჩანან ქარავნები, დრო წაილეკა, –  
მოდიან გზები!

ძველი ლოდები ამბებს ჰყვებიან,  
ძველი მადინა დღევანდლამდე გასძახის თბილისს,  
სვეტიცხოველში გარდასული ათასწლებია  
შეპყრობილი და გამოკვეთილი,  
აღმოსავლეთი! საუკუნეს კვლავ მოჰყვებიან  
თამარის დროის ქარები თბილი.

მოდიან წლები!  
აღმოსავლეთი დგას – კერია დიდი გონების,  
დღეს ველარ ძლებენ  
და ცოცხლდებიან ფარაონები,  
აღმოსავლეთში ბევრია ძვლები  
მომსწრე იმ წვისა და შთაგონების.

დიდი კოლხიდა ისევ ელის ტურფა მედეას,  
ელის და შფოთავს ისევ იმგვარად,  
ო, ეს ჩვენება უფრო მეტია,  
ვიდრე სიზმარი, გადაკარგულ წლებს რომ მიმგვარა,  
ოქროს სანმისში მთელი ოქრო არ ჩაეტია  
და ხალხის გულში გადაიღვარა.

მღერის ანკარა  
და ისმის სევდა, სამუდამოდ განუკურნელი,  
აღმოსავლეთში იყო ამგვარად  
დიადი ბრძოლა სინათლისა და უკუნეთის,  
ყალყზე დამდგარან  
გარდასული საუკუნენი.

უცხო სიზმარი ესიზმრება შუამდინარეთს,  
ესიზმრება და ამბობს არაფერს,  
ძველ ივერიას ახრჩობს ცრემლი დაუდინარი,  
სუნთქვაშეკრული ელის არაბებს...  
მანც მოსდევდა მზე შუქმფინარი  
დიდ ხელოვნების სუნთქვისათვის გახსნილ დარაბებს.

და იქმნებოდა, რადგან ღმერთიდან  
დაძრული სიტყვა მოითხოვდა სიბრძნის მატებას,  
ხალხი იგლეჯდა გულებს მკერდიდან,  
წვავდა, ფერფლავდა და აქცევდა დიდოსტატებად,  
იყო რუსთველი, ფირდოუსი თუ სხვა ათასი, –  
მილიარდობით ღამის გათევა.

მოდიან გზები! –  
ზედმეტია ენაძვერობა,  
დგას დიდი გზებით  
და განცვიფრებით აღიარებს დიდი ევროპა,  
რომ მარად იყო აღმოსავლეთი  
ხელოვნებათა კოცონის წინ ღამისმთევლობა!..

## ვულკანი

ეს ასე ხდება:  
იფრქვევა ვულკანი,  
დგანდგარებს მთა,  
ლავა გასტეხავს მიწას  
და ცეცხლის ტალღებს შეახეთქებს გარესამყაროს.  
ლოდები ანგრევენ დაღმართებს  
და სივრცეს აწვიმს მსურვალე ფერფლი;  
მერე ნელა წყნარდება მთა,  
იცლება ვულკანი,  
მოეშვება დაჭიმული ბაგირები,  
შენწყდება ჟრჟოლა და წყვეტება,  
ცარიელდება მსურვალე მკერდი,  
სუსტდება ბობოქარი ხმები,





და ისვენებს დაღლილი მთა,  
და იძინებს დაცლილი ვულკანი.

მერე ისევ იღვიძებს მთა,  
მასში კვლავ გროვდება ენერგია,  
ჯერ ცოტა, მერე სულ უფრო მეტი,  
თანდათან ემატება მოუსვენრობა,  
წუხს და არ იცის რად,  
სურს და არ იცის რა,  
მას ჯერ არ შეუძლია აეშვას,  
მას ჯერ არ შეუძლია იგრგვინოს,  
მაგრამ ის უკვე აღარაა ცივი,  
ის აღარ არის დაცლილი ვულკანი,  
ის ბორგავს,  
ის ემზადება ახალი ამოხეტექისთვის!

## გული

ის არის წყარო – სისხლისფერი ჭეშმარიტება,  
ღრმა, როგორც დიდი საიდუმლო სამყაროული,  
ის ლამაზია, ვით შრიალი ლამე მითების  
ან უეცარი ჩაფიქრება უცნობ წყაროსთან.  
ის არის ნაზი, მენამული შუქის ზმანება,  
და უთვალავი გაფიქრების ერთად მოსწრება,  
არის სიცოცხლე, არის ძალა, არის ოცნება  
და არსებობა რალაც დღემდე გაუმხელელის.  
ის სიჩუმეა და ყველაფერს იტევს თავისში,  
თან ხმაურია, და ხმაური ოკეანური,  
ის არის სევდა, უდიდესი და უმწვავესი  
და სიხარული რალაც დიდის, დაუსრულებლის.  
თვით – ყოველივეს დახსომება და დავინყება,  
ტკივილი ბევრი, უთვალავი, აღურიცხავი,  
ის არის დიდი შთაგონება დიდი სიცოცხლის,  
დაუმარცხები, დაუტევი, დაუვინყარი.

## მუსიკა

ბგერებს სული მისდით,  
ცისკრებს მიეზნია,  
რასაც სივრცე მისტირს...  
ირგვლივ მძივებია...  
კვლავ ავუხალისდი  
ჰაერს იებთანს:  
რომ გაისმის, ლისტის  
რაფსოდებია...

ო, მუსიკა წლებით  
დაჰქრის ალერსებად,  
მრავალწერტილებით  
სული ამევსება,  
და აკორდნი ქარით  
ირგვლივ მოანთებენ  
სრული სიანკარის  
სპეტაკ მოლანდებებს.

მნამს, ფიქრებით ჩემით  
თუკი ავინყვები,  
მარად მივეცემი  
ქარს თავდავინყვებით,  
რადგან ტალღათ სრული,  
უთვალავი წყებით  
კვლავ აღდგება სული  
გადანავინყვები.

რა ნატიფი ხმები  
არეს მოჰფენია:  
ეს ხომ ბახი არის!  
ეს ხომ შოპენია!  
ხმები წარმტაც გრძნებით.,  
ანაზვირთებ წებით,  
სივრცის გვირგვინებით  
შემამკობენია!

ვხედავ მწვანე მოლებს  
და ნაზ წრეებს ცაში,  
ნეტავ რა გამოლევს  
ამ ხმებს ბუნებაში!  
ასგზის ანათროლი  
სულს რომ სიზმრებს სტაცებს  
და გზად ჩანაქროლი  
თან რომ გაგვიტაცებს!

ჩქერებს სული მისდით.  
ლაჟვარდს მიეზნია  
რასაც სივრცე მისტირს.  
ირგვლივ მძივებია.  
კვლავ ავუხალისდი  
ჰაერს იებთანს:  
რომ გაისმის, ლისტის  
რაფსოდებია...

## ჭაშისკართან

სულის მოსახიბლად  
ეს გზა ნახე მარტო!  
მარჯვნივ მდელი არის,  
მარცხნივ გორებია,  
ზეცის დასავალზე  
ფერთა ნახევარტონს  
მიწა ღრუბლებისგან  
დაუშორებია.

მთები მიმოყრილი,  
ჯანლი და ხეობა,  
სივრცე – ღრუბლიანი  
ცით შენაცვიები,  
ზვიად მოძრაობის  
ყველა სახეობა,  
ირგვლივ გიგანტური  
დეკორაციები.





მარად თავმომნონე  
ჰყავდა ბინადარი.  
განა ეს მიდამო  
მახვილს ჩაიგებდა?  
გაკრთა ტაშისკარი,  
ქვიშხეთს მივატანეთ,  
ხილვა, ჰორიზონტი  
სწრაფად ჩაიკეტა.

გრძნობა მწვერვალამდე  
უნდა აღემართოს,  
აქ ტყით შემოსილი  
სხვა მთა-გორებია,  
სადღაც, დასავალზე,  
ფერთა ნახევარტონს  
ზეცა ღრუბელთაგან  
დაუშორებია.

## გამთიშველ სმეშში

არსებაჲ ჩემო, შენ დაილაღე,  
მაინც უთვალავ ქარს კვლავ ედები,  
მიიზიდავენ შენს უნდო მზერას  
მიმობნეული ვარსკვლავედები.

სინამდვილეთა ჯაჭვს თვალგაუნვდენს  
ერთ მცირე რგოლად გადაები რა,  
აჰა – არსებობ, მაგრამ ეგ სული  
დღემდე ვერავინ გადაიბირა,

ცოცხლობ – ეს ნიშნავს: ყველაფერს ქვეყნად  
შორს რამდენიმე ფიცარი ელის,  
შემოვლებია ჰორიზონტს ელვა  
თვალჩაუნვდენელ სიცარიელის.

შენ შეიცანი, თუმცა დღეებმა  
დიდხანს ყველაფრის ჰფარა რაობა.,  
„ფიქრი“, „ქმედება“ – ამ სიტყვებს გახსნის  
ერთი სახელი – არარაობა!

როგორც დამფრთხალი ტალღა, მოსცურავს  
წარსული – წელი ხუთიათასი,  
ერთ გალაქტიკას ვერ ამოსწურავს  
აზრი, ყველაზე უღიადესი,

სამაგიეროდ – რამდენი შური,  
რამდენი ბრძოლა, გესლი რამდენი!  
ყველგანმღწეველი ათასი მზერა,  
სულისმწამლავი, ცრემლისდამდენი;

მუსრს ვავლებთ ყველა ცოცხალ არსებას,  
გვირგვინით ვმოსავთ შუბლებს უმეცართ,  
არის თანაბრად მრავლისმომთხოვნი  
ჩვენი ხმაურიც და სიჩუმეცა!



**პალვა საბაშვილი**

მოსხიპე სიტყვა! ურჩევნის ყველას  
აზრი – ნალექი და ნალუკმარი,  
მოსხიპე სიტყვა! აქ დედამინის  
მთელი ქალღალი არის უკმარი!

არსებაჲ ჩემო, შენ, გადაღლილი,  
მაინც უთვალავ ქარს კვლავ ედები,  
რას გაგიგებენ, ან რას გეტყვიან  
შორს მოციალე ვარსკვლავედები?

არ არის ქვეყნად რაიმე ძალა,  
მძლვეი საზიზღარ ხმის – გამთიშველის,  
შენ ოკეანის ფსკერზე ჩახვედი  
და ან ვერარა ველარ გიშველის.

## მოსულა ეშმაკეული

სულ სხვა აურა მეფობს გარს,  
სევდა ღრმა ფსკერსაც კი აღშლის,  
წავიდა მთელი ეპოქა –  
შთაინთქა ჟამის ნიაღში.

დღეს სხვა კრთის გადასახედი,  
სხვაგვარი ისმის ნალარაც,  
თუმც ჩანან იგივე სახენი –  
მათ ის მშვენება აღარ აქვთ.

სხვა ძალას აუტაცია  
ფერშეცვლილ ჟამთა რიალი,  
შენ საზაფხულოდ გაცვია,  
ირგვლივ კი ზამთარი არი.

არც ბალი არ აგიყვავდა,  
არც მთვარის ელავს ნამლევი,  
იმ ქუჩებს, შენ რომ გიყვარდა,  
აღარ შემორჩათ გამვლელი.

თითქოს წიგნია მარტოდენ,  
ხოლო შენ – მისი მფურცვლელი,  
ანმყოს, რომ უნდა გატკობდეს,  
შენ წარსულიდან უცქერი.

უცხო ცა დღეებს ქარიანს  
ბოროტად გააგრძნეულებს,  
აბა რა გასახარია –  
არსი დასცილდათ სხეულებს.

ღრმა ყინვით განათოშები  
ცეცხლს რითი აბრიალებდეს?  
გზისპირას ყრია დროშები,  
დიდხანს რომ აფრიალებდნენ.

არც ბნელში – სხივი ეული,  
არც ცასთან გასაუბრება...  
მოსულა ეშმაკეული  
ყველაფრის დასაუფლებლად.



მ  
ლ  
ა  
ნ  
ა  
მ  
ან  
ვე  
ლი

გაკვეთილი ორმოცდახუთ წუთში დასრულდა. მოჭრიალე ძველი ხის კიბე ტვირთმობისნილივით ჩამოიწმინდა და გაზაფხულით გახალისებულ ადამიანებს მალეულოდ შეავლო თვალი. მას ახლა არაფრის დიდებით არ უნდოდა სახლში წასვლა. უკვე რამდენი ხანი გავიდა, მაგრამ ჯერ კიდევ ვერ შეეჩვია ახალ უბანს. ნაწრისფერსა და უხალისოს. მიდიოდა და შიშს, ლელვას და სიამოვნებას ერთდროულად განიცდიდა. ყოველი მისი გადადგმული ნაბიჯი ნიშნის მოგებას ჰგავდა. დიახ, ის დღეს ისევ ძველ უბანს უნდა სტუმრებოდა. ქურდით ჩუმად აეპარებინა მზერა ყოფილი სახლის აივნისკენ და ზრახით გადაეცლაპა გულზე დამდგარი მონაცრებნის წრემლოები...

ლანა მანველი



ლ  
ა  
ნ  
ა  
მ  
ან  
ვე  
ლი

*Il est où le bonheur*

სად არის ბედნიერება

(რომანი)

გაგრძელება. დასაწყისი იხ. „ოლე“ №4, 5, 2021 წელი

კოლმარი

იმ დღეს ელიასმა დიდხანს იხეციალა კოლმარში. ბოლოს, „პატარა ვენეციად“ წოდებულ რაიონს შემორჩა. ქალაქის ეს ძველი ნაწილი ძალიან უყვარდა. არხის პირას ჩამოჯდა და სახე გაზაფხულის მზის თბილ სხივებს მიუშვირა. მდინარეში უამრავი თევზი ირეოდა. ელიასი დროგამოშვებით მათკენ პურის ნატეხებს ისროდა. ისინიც სწრაფად იჭერდნენ და უმალ შორდებოდნენ ნაპირს. ბოლოს, ჯდომით რომ დაიღალა, წამოდგა, კალთა ჩამოიბერტყა და კოჭლობით ჩაუარა ელზასური სახლების ფერად ფასადებს, სუვენირებით თუ ტკბილეულობით გავესებულ პატარ-პატარა მაღაზიების კოპონია ვიტრინებს. რესტორნებიდან ქუჩაში მადის აღმძვრელი სურნელი იფრქვეოდა და ადგილობრივებს თუ ტურისტებს, შიგნით შესასვლელად ეპატიჟებოდა. მიდიოდა და ჩუმად აკვირდებოდა გამვლელებს.

მეორადი წიგნების დახლთან მოხუცი ნყვილი შენიშნა. შეჩერდა. ქალს ხელში გაცრეცილი თხელი წიგნი ეჭირა და აღტაცებით ფურცლავდა. კაცი კი ცოლს უყურებდა ღიმილით. მიუახლოვდა. წიგნს ფერადი ასოებით: „Le petite chaperon rouge“\* ეწერა. მასაც გაეღიმა, – ალბათ, შვილიშვილისთვის უნდათო! – გაიფიქრა და ისევ ის სტრასბურგელი გოგონა გაახსენდა, ოთხი წლის წინ აივნისგან ბაჭია რომ გადმოაგდო. თვითონაც არ იცოდა რატომ, მაგრამ ხშირად ეფიქრებოდა მასზე. განსაკუთრებით ხატვის დროს, მაშინ

\* ნითელქუდა (თარგმ. ფრანგულიდან).

როდესაც თავისი სულის ლაბირინთებში იწყებდა იღუმალ მოგზაურობას. მას შემდეგ, რამდენჯერ ესტუმრა დეიდას, მაგრამ გოგონასთვის თვალი აღარ მოუკრავს...

ფიქრებში ჩაძირულმა განაგრძო სახლისკენ მიმავალი გზა. კარი თავისი გასაღებით გააღო. შემოსასვლელში შუქი დაეტოვებინათ, სააბაზანოშიც. ლეა შაბათის სუფრას შლიდა და „ლეჰა დოდის“ ღლინებდა. ელიასმა ხელ-პირი დაიბანა. ტანსაცმელი გამოიცვალა. დედის მიერ გამზადებული სურნელოვანი წყალი ჯერ ხელებზე დაისხა, შემდეგ კი თმაზე გადაისვა.

ამრიგად, შაბათის კურთხევისა და სადღესასწაულო ვახშმისთვის უკვე მზად იყო.

ისააკს უკვე აენტო სანთლები და სუფრის თავში მშვიდად იჯდა. ოთახში ახლადგამომცხვარი პურის სუნი ტრიალებდა...

მალაზ გოიერთა

მელანიმ, სკოლიდან დაბრუნებისთანავე, სწრაფად დაავლო ხელი ნოტებს, ყველიან ბრეცელს და ულიფტო სახლის კიბეები ერთი ამოსუნთქვით ჩაიბრინა. გზაჯვარედინზე შუქნიშანთან შეჩერდა და ბრეცელი მოკბიჩა. როგორც კი ფეხით მოსიარულეთათვის განკუთვნილი მწვანე ფერი აინთო, ახლად ამობიბინებული ბალახით მოკოპნიავებული პატარა სკვერი სირბილით გადაჭრა და გაჩერებისკენ გაიქცა. მისვლა ძლივს მოასწრო, რომ ავტობუსიც მოვიდა. საზოგადოებრივ ტრანსპორტში დაჯდომა არ უყვარდა. დარწმუნებული არ იყო სკამების სისუფთავეში და იმიტომ. ხელის მოსაკიდებელ







მილს ზურგით მიეყრდნო და ნონასნორობის შესანარჩუნებლად ფეხები გან-განზე დადგა. მგზავრებს არ უყურებდა, თუმცა ყველას განწყობას გრძნობდა და ღრუბელივით ისრუტავდა მათ დადებით თუ უარყოფით აურას.

...მადამ გოიერს ის-ის იყო რიგითი მოსწავლე გაეშვა და დაღლილი სახით, ოთახის შუაგულში, ვარდის წყლით თითებს დიდი რუდუნებით ისუფთავებდა. ოთხად გაკეცილი მარლის ნაჭერი ბოლოს კლავიატურასაც გადაუსვა და ამოიხრჩა. იქვე კართან, მოყანყალეულ სკამზე სანახევროდ ჩამომჯდარი მელანი, დიდი მოთმინებით ელოდა გაკვეთილის დაწყებას. მასწავლებელმა, როგორც იქნა იხმო ინსტრუმენტთან. პიანინოს თავზე მორიდებით დადო დღიური და ნოტები გადაშალა. ჩერნის „ეტიუდი“ არც თუ ისე კარგად დაუკრა. რატომღაც მუსიკის გაკვეთილებს გულს ვერ უდებდა. აქ უფრო დედის ხათრით მოდიოდა, ვიდრე საკუთარი სურვილით. მოთმინებადაკარგული მადამ გოიერი შიგადაშიგ ხელებზე ეჭიდებოდა და მის თითებს მკაცრი გამომეტყველებით არბენინებდა კლავიატურაზე აქეთ-იქით. მაშინ მელანი ნოტებს საერთოდ აღარ უყურებდა. მორჩილად ელოდა თუ როდის დასრულდებოდა იძულებითი მუსიკალური მარათონი...

გაკვეთილი ორმოცდახუთ ნუთში დასრულდა. მოჭრიალე ძველი ხის კიბე ტვირთმოსხნილივით ჩამოივარდა და გაზაფხულით გახალისებულ ადამიანებს მალულად შეავლო თვალი. მას ახლა არაფრის დიდებით არ უნდოდა სახლში წასვლა. უკვე რამდენი ხანი გავიდა, მაგრამ ჯერ კიდევ ვერ შეეჩვია ახალ უბანს. ნაცრისფერსა და უხალისოს. მიდიოდა და შიშს, ლელვას და სიამოვნებას ერთდროულად განიცდიდა. ყოველი მისი გადადგმული ნაბიჯი ნიშნის მოგებას ჰგავდა. დიახ, ის დღეს ისევ ძველ უბანს უნდა სტუმრებოდა. ქურდივით ჩუმად აეპარებინა მზერა ყოფილი სახლის აივნისკენ და ბრაზით გადაეყლაპა გულზე დამდგარი მონატრების ცრემლები...

## შესვლა

ელიასი ექიმთან ვიზიტის შემდეგ, დედას და დეიდას სახლში არ აჰყვა და იქვე, სახლთან ახლოს მდებარე სკვერში დარჩა. ფეხზე ამჯერადაც ვერ უკეთებდნენ ოპერაციას, მის სრულწლოვანებას უნდა დალოდებოდნენ. იჯდა ცაცხვების



ლანა მანველი

ქვეშ და ცდილობდა არაფერზე არ ეფიქრა. რალაცნაირი ცივი, უსახური დახვდა სტრასბურგი. მზეც ანათებდა, ჩიტებიც ჭიკჭიკებდნენ, ლორთქო ბალახიც სიცოცხლის ფერად ლივლივებდა, მაგრამ რალაც აკლდა. გულს რალაც სწყვეტდა. იქნებ ფეხი? იქნებ მოკლე და ძვალჩანვრილებული კიდური უნამლავდა გუნებას?

ჩამოსვლისთანავე უცნაური სიცარიელე იგრძნო. ყველაფერი თითქოს ისევ ისე გამოიყურებოდა, როგორც დატოვა და მაინც, მისი სული სევდამ მოიცვა. საათობით იჯდა ფანჯრის რაფაზე და მოპირდაპირე სახლის აივანს გასცქეროდა. რამდენჯერმე უჩინარმა ხელმა ფარდის ქვემოდან გამობერტყა რალაც ნაჭერი. ეს იყო და ეს... ის პატარა გოგონა, მამამისმა მელანით რომ მიმართა, აღარსად ჩანდა.

...უხალისოდ, ნელი ნაბიჯით გაემართა სახლისკენ. მას ახლა ხატვა თუ უშველიდა. ბოლო დროს სულ სიბნელეს ხატავდა, ხანაც ნაცრისფერ სიცარიელეს, ოდნავ შესამჩნევი იისფერი ხაზებით.

უსურვილოდ და ფეხის კიდევ უფრო ათრევით მიდიოდა. მისი დაბინდული მზერა აქა-იქ აფიქსირებდა ქვაფენილის გეომეტრიულ ფორმებს. ზეპირად იცოდა, ამოტეხილ ალაგს რომ მიაღწევდა, მაშინ უკვე მარჯვნივ, სადარბაზოსკენ უნდა წასულიყო. დაზიანებულ ფილასთან ფეხები შენიშნა, ერთმანეთზე მჭიდროდ მიტყუებული და დაჭიმული. შეჩერდა და თავი ასწია. მაშინვე იცნო. მელანი გაზრდილიყო, მაგრამ სახეზე ზუსტად ისეთი გამომეტყველება ჰქონდა, როგორც მაშინ, – გაბრაზებული და ნანწყენი.

პირი მაგრად მოეკუმა და დაძაბული შეჰყურებდა ბიჭს, რომელიც მძლავრად ურტყამდა ფეხს მათეული აივნის რკინის რიკულს. მერე მოაჯირზე გადმოიხარა და დაუყვირა: „Es – tu stupide? Pourquoi me regardes – tu?“\*

გოგონამ გულზე მჭიდროდ მიკრულ ნოტების რვეულს ხელები მოუჭირა და ამოიკვნესა. მერე ისე უცბად გაიქცა, ელიასი არც კი შეუმჩნევია.

მელანი გარბოდა. ცრემლებისგან დაბინდული თვალებით გზას ძლივს არჩევდა. როგორც იქნა გაჩერებას მიაღწია და მოსაცდელში უხერხულად დადგა. იქვე ვილაც კაცი სიგარეტს ეწეოდა. კვამლმა კიდევ უფრო აუნვა ყელი. მოიბუზა. დაპატარავდა. საკუთარი თავი ჯერ შეეცოდა, მერე გაბრაზდა, – რას მივეხეტებოდიო, ნეტავ?! ლოყებზე გადმოგორებული ცრემლები

\* რატომ მიყურებ? სულელი ხარ? (თარგმ. ფრანგულიდან).



ხელის გულით შეუმჩნევლად შეიშრო და მწვე-ელი კაცისკენ აღმაცურად გაიხედა, მაგრამ ვე-ლარ დაინახა, რადგანაც მათ შორის ვიღაც ბიჭი ჩამდგარიყო. ბიჭს გრძელი, ტოტებფართხუნა მუქი ფერის შარვალი და სახელოებგადაკეცილი იგივე ფერის ოდნავ გახუნებული დიდჯიბეები-ანი პიჯაკი ეცვა. თავზე მჭიდროდ მორგებული შავი ბერეტიდან, მაღალი შუბლი და ხუჭუჭა, ღია ნაბლისფერი თმა მოუჩანდა. ბიჭი მძიმედ სუნთქავდა. ეტყობოდა რომ ერბინა. მის ქრო-ლა თვალებს მზერა აარიდა და კიდევ უფრო ძალუმად მიიკრა ნოტები გულზე.

ავტობუსში ერთად ავიდნენ. მელანიმ კიბეზე ასვლისას შენიშნა, როგორ აითრია ბიჭმა მარ-ჯვენა ფეხი. უეცრად, მისი გული სიბრაულელმა მოიცვა. უნდოდა ჩუმად შეეთვალა ერბინა, მა-გრამ როგორც კი თავი ასწია, ისევ მის მზერას შეეფეთა. ბიჭი უღიმოდა, რაღაცნაირად სანდოდ და ალაღად. შერცხვა. მთელი გზა მონუსხულივ-ით იდგა. თავის გაჩერებაზე ზოზინით ჩამოვიდა, ფეხები უკან რჩებოდა. ავტობუსისკენ არ გაუხე-დავს. სახლისკენ მიდიოდა და გულში ჩუმად იმ-ეორებდა: „Qui es – tu? Qui?“

...ავტობუსიდან ჩამოსული ელიასი, ბოლომ-დე გაჰყვა მელანის. გული ყელში ჰქონდა მობჯე-ნილი. ემოციებისგან და ფიზიკური დაძაბულო-ბისგან ძლივს სუნთქავდა. აჩქარებული ნაბიჯით შორიასლოს მიჰყვებოდა და თან ჩურჩულებდა: „უკან არ მოიხედო, გთხოვ, არ მოიხედო...“

მელანიმ მართლაც უკან მოუხედავად შეაბი-ჯა სადარბაზოში. ელიასმა შვებით ამოისუნთქა. ახლა უკვე იცოდა მისი მისამართი. მოგვიანებით სადარბაზოში ისიც შევიდა. გულდასმით დაათ-ვალა იერა საფოსტო ყუთები. მერე კარგა ხანს იჯდა კიბის საფეხურზე. ატკიებულ ფეხს იხელ-და და ილიმებოდა.

\* \* \*

მეორე დღეს, სკოლიდან დაბრუნებულ მელ-ანის, ელიასი დაბარებულივით დახვდა სადარბა-ზოსთან. ზურგით კედელს მიყრდნობილი უღი-მოდა. ერთხანს უხმოდ უცქერდნენ ერთმანეთს. ბოლოს მელანიმ გამბედაობა მოიკრიბა, მხრი-დან ჩანთა მოიხსნა, გულზე მიიხუტა, გაიღიმა და ვინ ხარო? – შეეკითხა.

ელიასმა გაოფლილი ხელისგული ჯერ თმაზე, მერე კი თვალებზე გადაისვა და დაბალი ხმით უპასუხა: „მე ელიასი ვარ, შენ კი, მელანი“...

გაოცებული მელანი დიდი ყურადღებით უს-მენდა ელიასს, რომელიც უყვებოდა თუ როგორ შეჰყურებდა წლები მათ ბინას. იცოდა მამამისი, დედამისი, მის ძმა ლუი და რაც მთავარია – იც-ნობდა სევდიან და ბრაზიან გოგონას, რომელსაც

თითქმის დავინყებული ჰქონდა ის დღე, როდესაც აივნიდან სათამაშო ბაჭია გადმოაგდო...

## წერილები

მელანიმ, საფოსტო ყუთი უცნაური ღელ-ვით გახსნა. უურნალ-გაზეთების გროვიდან ქა-თქათა, თეთრი კონვერტი გადმოვარდა. გული უცნაურად შეუტოკდა. აქეთ-იქით მიმოიხედა და კიბეზე ჩამომავალი მეზობლის დანახვაზე გან-ითლდა. წერილი სწრაფად ჩამალა ჩანთაში და პირველივე გაზეთი გაშალა. მარტო რომ დარ-ჩა, ჩანთიდან ფრთხილად ამოაცურა კონვერტი. ზედა ნაწილში მისი სახელი და გვარი – მელანი ლაპიერი ეწერა. ქვემოთ კი გამომგზავნის მისა-მართი და ინიციალები – ე. მ. გაიღიმა და ჩაი-ჩურჩულა – ელიას მიზრაჰი...

ელიასს მისთვის თავისი ნახატი გამოეგ-ზავნა. ოთხად გაკეცილი სახატავი ფურცელი ფრთხილად გაასწორა და გულდასმით შეათვა-ლიერა. ნაცრისფერი, გაბზარული სივრციდან, თეთრი ფერის ბირთვი ამოზიდულიყო...

ნახატის მეორე მხარეს – „მიყვარხარ“ ეწ-ერა, რომელიც ელიასს რატომღაც ბრჭყალებში ჩაესვა.

მელანი სირბილით ავიდა სახლში და წერილი



მხატვარი სოფიო ქელიძე

\* შენ ვინ ხარ? ვინ? (თარგმ. ფრანგულიდან).







სანერი მაგიდის მეორე უჯრაში დამალა. დანარჩენი ორი უჯრა შარლოტას და ლუის ჰქონდათ გადანანილებული. იმ დღიდან მოყოლებული უამრავი ბარათი მიიღო მელანიმ. სახლში მარტოდ მყოფი ამოალაგებდა ხოლმე და სიამოვნებით ათვალიერებდა ხელმეორედ. ელიასის მინანერ „მიყვარხარს“ ხელისგულს ადებდა და ჩურჩულვდა: „Je crois et j'ai confiance“\* მელანის გრძნობა ელიასის მიმართ უცნაური და ამოუხსნელი იყო. თავადაც ვერ გარკვეულიყო და არც ცდილობდა ამას. დაახლოებით ეს იყო მეგობრობის, ნდობის, იმედის სინთეზი...

## ფრედო

ფრედო, ლაპიერების კარის მეზობელი იყო. თხუთმეტი წლის, დედამისმა მიატოვა და აგნოელ მებალეს გაჰყვა ცოლად. მარტოდ დარჩენილი ბიჭი, სოციალურმა მუშაკებმა ვერ შენიშნეს და მანაც მარტომ განაგრძო ცხოვრება ერთოთახიან ბინაში. ფრედოს დედა ხანდახან მოდიოდა, სწრაფად მიაღებდა არეულ-დარეულ ოთახს, სარეცხს დარეცხავდა, მოტანილი პროდუქტით სადილს გაამზადებდა და ქმართან გარბოდა. მერე დღეები აღარ ჩანდა. ერთხელ მშობელთა კრებაზე, ფრედოს თხოვნით შარლოტა წავიდა. სკოლიდან ერთად დაბრუნდნენ. შარლოტამ სადილად მიიწვია. ცდილობდა ბიჭთან რბილად და მეგობრულად ესაუბრა. ფრედო ილიმეობდა და სიამოვნებით მიერთმევდა ვახშმის შემდეგ სახელდახლოდ გამზადებულ ყველის ასორტს. ამ დღის შემდეგ თითქოს უფრო დაახლოვდნენ. მიუხედავად იმისა, რომ ასაკით მათზე შედარებით უფროსი იყო, მელანი და ლუიც დაუმეგობრდნენ. უფრო კი მელანი. მათ გარდა კიდევ რამდენიმე მეზობელი ურთიერთობდა მასთან. საჭმელს უნაწილებდნენ. ფრედოს ბინის კარი თითქმის არასოდეს არ იკეტებოდა. მით უმეტეს დღისით. მეზობლებისთვის რაღაც განტვირთვის რიტუალს წარმოადგენდა მასთან სტუმრობა. კარგი მსმენელი იყო ფრედო. ჩუმი და თავდაჯერებული. სწორედ სიჩუმის გამო შეარქვეს მეტ სახელად „POISSON“-ი.\*\*

ბიჭს, მართალია თავიდან ძალიან ატკინა გული დედის საქციელმა, მაგრამ მერე და მერე შეეგუა და კიდევაც მოეწონა თავისუფლება. რასაც უნდა იმას აკეთებდა, თუმცა მას ბევრი არც არაფერი უნდოდა. უბანში უყვარდა ბიჭებთან გასვლა. კიდევ ახალ ველოსიპედზე ოცნებობდა. ალბათ, ეს ოცნება დიდხანს ოცნებადვე დარჩებოდა, რომ არა თითქოსდა შემთხვევითი შეხვედრა უბნის ინსპექტორ პიერთან.

...იმ დღის შემდეგ, ფრედო მსუბუქი ნარ-

კოტიკების კურიერად იქცა. რა თქმა უნდა ახლა ველოსიპედიც ჰქონდა და თავის გასატანი ფულიც. ფრედოსაც აღარავინ ეძახდა, ყველა ზედმეტსახელით მოიხსენიებდა. სამეზობლოში მალევე გაიგეს მისი საქმიანობის შესახებ, თუმცა პირდაპირ არავის არაფერი უთქვამს. არც დედამისისთვის შეუტყობინებია ვინმეს რამე. ეგ იყო, რომ ზოგმა დისტანციური ურთიერთობა ამჯობინა და ფამილარული ღიმილი მიიკერა სახეზე, ზოგიერთმა კი ვითომც არაფერი იცოდა, ისევე ძველებურად იქცეოდა. ასე მოიქცა შარლოტაც. მელანისთვის სულერთი იყო. ის ფრედოს ენდობოდა.

## ლუი და ფრანსუა

ზუსტად იმ პერიოდში, ლუის ახალი ჰობი გაუჩნდა. მეხუთე სართულელ ფრანსუასთან ერთად, რომელიც იმავდროულად მისი კლასელიც იყო, გიტარაზე დაკვრის შესწავლა დაიწყო. უბანში იშოვეს ძველი, ფურცელ-ფურცელ დაშლილი წიგნი „გიტარის გაკვეთილები დამწყებთათვის“ და მეცადინეობასაც დიდი ენთუზიაზმით შეუდგნენ. ნაბიჯ-ნაბიჯ ისწავლეს ყველაფერი, რაც კი გიტარას და მასზე დაკვრის ტექნიკას ეხებოდა. სიმებზე თითების განლაგება, აკორდები, მარტივი მელოდიები. გიტარის აწყობა სტანდარტულ ტონალობაში. თავიდან კლასიკურ გიტარაზე მეცადინეობდნენ. შემდეგ ფული შეაგროვეს და ნახმარი აკუსტიკური გიტარა შეიძინეს. ახლა უკვე მედიატორის გამოყენებაც ისწავლეს. რაც ბევრს სწავლობდნენ, უფრო და უფრო ინტერესდებოდნენ. მათი ოცნება ელექტრონული გიტარის შექმნა იყო. „თევზისგან“ გაიგეს, რომ როკ-კლუბ „La maison bleue“\*\*\*-ს გიტარისტის – ლარს კაუფმანის ძმა, ნახმარ გიტარებს შედარებით იაფად ყიდდა.

ლუიმ სამეცადინო კუთხე თანდათან გაავსო ბითლზის, დიფ ფარფლის, პინქ ფლოიდის, ლედ ზეპელინის, ბლექ საბატის და სხვა პოპულარული როკ-ჯგუფების პლაკატებით. ყველაზე საპატიო ადგილი რიჩი ბლექმორის პლაკატს ეკავა. პარალელურად აგროვებდნენ ფირფიტებს. სპეციალურ რვეულში ინერდნენ როკ სამყაროს შესახებ მოპოვებულ თუნდაც სულ მცირე ინფორმაციას.

მელანის უზომოდ უხაროდა ძმის ახალი გატაცება. სიამაყით ადევნებდა თვალს მათ მეცადინეობებს. ისიც ძმასთან ერთად უსმენდა უამრავ მუსიკალურ კომპოზიციას. მართალია, ხმაურიანი მუსიკა არ უყვარდა, მაგრამ თავს ვალდებულად თვლიდა ამ სახით მისთვის მხარდაჭერა გამოეცხადებინა.

\* „შენი მჯერა და გენდობი...“ (თარგმ. ფრანგულიდან).

\*\* თევი (თარგმ. ფრანგულიდან)

\*\*\* „ცისფერი სახლი“ (თარგმ. ფრანგულიდან).





## მტკივნეული სიყვარულის რაქვიანი

ბევრი დუღილისგან ყავა სანახევროდ დამშრალიყო. შარლოტამ გაზქურა ჩააქრო და დარჩენილი სითხე მადულარადან ფინჯანში ჩამოასხა. არეულ ხასიათზე იყო. ემოციების კონტროლი უჭირდა. სიგარეტს მოუკიდა და დივანზე მიწვა. მონევის დროს ყოველთვის თავბრუ ეხვეოდა. ახლა მით უმეტეს, დაძაბულობისგან ისედაც თვალთ უბნელდებოდა. სიგარეტისანი მკლავი ქვემოთ ჩაჰკიდა და ფიქრებში წავიდა. კვამლი გამხდარ თითებში უძვრებოდა და ზევით მიიწვედა. მეორე ხელით შუბლი ისე ძლიერად მოისრისა, კისრის ძარღვები ეტკინა.

ამდენი წლის შემდეგ ჟან-ბატისტის ხელახალმა ხილვამ, მივიწყებული განცდები განუახლა. გულში საგულდაგულოდ ჩაკლულმა გრძნობამ ისე უეცრად ამოხეთქა გონზე მოსვლაც ვერ მოასწრო. ყველა შეხვედრა და მიმონერა ისეთი სიცხადით გაასხენდა, თითქოს ყველაფერი გუშინ მომხდარიყოს...

სიგარეტი ჩაიფერფლა. შარლოტა ერთხანს გარინდებული ინვა და როგორც თავად იძახდა ხოლმე, – გათიშვას ცდილობდა. ვერ შეძლო. წამოდგა. ქაშმირის შალი შემოიხვია და აივანზე გავიდა. ჰაერი ხარბად შეისუნთქა. შეაჟრჟოლა, თუმცა უფრო ემოციური დაძაბულობისგან, ვიდრე სიცივისგან.

იმ დილით, France 2-ზე, პროგრამა „ხელოვნება, დრო და თაობები“ პოეტები მიეწვიათ. ისაუბრეს პარიზულ ბომონდზე, კულტურულ შეხვედრებზე, მონმარტრის საღამოებზე...

ყელზე შარფმოსხვეული ჟან-ბატისტი წელა, სვენებ-სვენებით საუბრობდა. სათითაო სიტყვას უკვირდებოდა. გარეგნულადაც შეცვლილიყო. თმა გაეზარდა და წვერიც მოეშვა. ჭალარაშერეული ხშირი თმა შუბლთან სპეციალურად აეჩენა. ლექსებიც წაიკითხა. მათგან რამდენიმე მისთვის მიძღვნილიც. ნაცნობი სტრიქონების გაგონებაზე შარლოტა ერთიანად აკანკალდა.

სექტემბრის ის შორეული დღე ამოუტივტივდა, St. Lazare-ს სადგურში, ნორმანდიისკენ მიმავალ მატარებელს რომ ელოდა. დარდისგან დაღეული ახალგაზრდა ქალი, მაშინ მტანჯველ სიყვარულს და ჟან-ბატისტს ერთდროულად გაურბოდა. ბრაზით და სიძულვილით იყო სავსე. დარწმუნებული იყო, რომ მხოლოდ გარემოს შეცვლა და დრო სჭირდებოდა, რათა გულიდან

და გონებიდან სამუდამოდ ამოეძირკვა ადამიანი, რომელიც სულამდე მიუშვა და ბოლომდე მიენდო...

ღმერთო! როგორ უყვარდა! ჟან-ბატისტი კი სიყვარულს თავისებურად აღიქვამდა. მისთვის სიყვარული – ლამაზი და მომხიბლავი მუზა იყო სხვადასხვა ქალში გაბნეული და მისი პოეზიისთვის გაერთიანებული. შარლოტა ამ ყველაფერს გვიან მიხვდა. მაშინ, თავზე რომ დაემხო ოცნების კოშკები და ზედ სულთან გადაუჭრეს დედობისკენ მიმავალი გზა.

ჟან-ბატისტი მოსაცდელში ელოდა. თავდაჯერებული, მზრუნველი და უზომოდ „კეთილი“.

...ნორმანდიაში ერთ წელიწადს დარჩა. ჟივერნიში გატარებული დრო საკუთარ მესთან დაბრუნების და სულიერი ძალების აღსადგენად გამოიყენა. ეს იყო მისი ცხოვრების გარდამავალი ეტაპი. საკუთარ თავზე ზრუნვის, განვითარების...


Sainte – Radegonde-ს ეკლესიის რვაკუთხა, ნაცრისფერი კოშკურა და მონეს საფლავი დაუდგა თვალწინ. საათობით იჯდა სასაფლაოზე და წარსულზე ფიქრობდა. ფიქრობდა მონეზე და მისი ცხოვრების გზებზეც. მუზეუმში მუშაობის დროს, ბევრი ისეთი რამ შეიტყო, რაც იქამდე არ იცოდა. გაიგო ისიც, რომ მონეს ცხოვრება თურმე სულაც არ ყოფილა მისი ნახატებივით ფერადი. ზოგჯერ სხვისი ტკივილები, თუდნაც უკვე გადავლილები, საკუთარი ტკივილების გაყუჩებაში გვეხმარებიან. ასე დაემართა შარლოტასაც.

ბოლო დღეს, ვიდრე ნორმანდიას დატოვებდა, გამგზავრებამდე რამდენიმე საათით ადრე, კლოდ ოსკარ მონეს საფლავთან მივიდა გამოსამშვიდობებლად.

ქვის გაბზარულ ნაწილს უკანასკნელად გადაუსვა თითები, ისე თითქოს მის გამთლიანებას ცდილობსო. მერე ორივე ხელისგული ერთდროულად დაადო და აჩურჩულდა – ყველა თავის გზას გაივლის! ყველა თავის გზას გაივლის! ყველა თავის გზას გაივლის!

შარლოტას გზა, ამჯერად, ნორმანდიიდან ელზასისკენ მიდიოდა. ჟან-ბატისტი და მისი სიყვარული წარსულს შეატოვა. ის მას და პარიზს აღარასოდეს დაბრუნებია...

შარლოტა სიცივემ აიტანა. სუფთა ჰაერი ერთხელაც შეისუნთქა და ოთახში შებრუნდა.





### ანდამატური მშოსანი

70 წელი შემოადა, ელვარე შემოქმედებით წვაში, უბრწყინვალეს ლირიკოსს, მწერალთა ასოციაცია „ლიტერატურული კახეთის“ თავმჯდომარის მოადგილეს – თინათინ თელაველს (მრელაშვილს).

მისი ნაკალმარი გამოირჩევა: მაღალი მხატვრობით, ფილოსოფიური სიღრმითა და მუსიკალობით.

მას ეკუთვნის, აგრეთვე, სახელგანთქმული ფრანგი მეზღაპრის – შარლ პეროს, ბავშვებისათვის უსაყვარლესი ზღაპრის, „ნითელქუდას“ პოეტური თარგმანი, რომელიც წიგნად გამოიცა.

ჯეროვნად დაფასდა ნიჭიერი შემოქმედის მოღვაწეობა და მწერალთა ასოციაცია „ლიტერატურულმა კახეთმა“ 2018 წელს დააჯილდოვა ჟურნალ „ოლეს“ სახელობის ლიტერატურული პრემიით.

ნიჭიერ კალმოსანს ვულოცავთ სიბრძნის ასაკს და ვუსურვებთ ბედნიერ წელთა მრავლობასა და ახალ-ახალ შემოქმედებით წარმატებებს...

### მწერალთა ასოციაცია „ლიტერატურული კახეთი“

„ოლეს“ მკითხველს ვთავაზობთ იუბილარი პოეტის ახალ ლექსებს:

**ნეტავ, გვეღირსოს!..**

მიყვარს ქართველი, მამულისთვის, ვინც მზედ ანთია,  
უსიყვარულოდ, ციკაბო გზა არ დაილია...  
ნეტავ, გვეღირსოს – შვებით შევხვდეთ ყოველ განთიადს,  
ჩვენ გვეყუდნოსო: ჩვენი თავი, – ბრძანა ილიამ...

**სიყვარულის სანყისი!**

რიჟრაჟს და ცისკრის ნათებას, მუდამ, იმედით მოველი,  
მუდამ, – მალხენს და მალალებს: მზეფიქრთა ფიფქთა მთოველი...  
სიყვარულია სიცოცხლის – სხივთა, უბადლოდ, მქსოველი,  
სიყვარულია სანყისი, – მისი მზით მზეობს ყოველი...

**სიყვარულში გავლიოთ!..**

დროის რაშნი, ზესწრაფნი, რა უჩინრად მიჰქრიათ,  
დრო – რაშს ჰგავს და... მგონია, ზოგჯერ, რაში – ფიქრია...  
მომქანცველი სრბოლებით, თითქოს წამებს მითვლიან, –  
ფიქრებს წამომიშლიან, – წამოქოჩრილს, ნისლიანს...



დროის რაშნი, – ზესწრაფნი, თავანყვევით მიჰქრიან, –  
სრბოლას სცნობენ – არც სხვაგვარს, არც სიყვარულს, ფიქრიანს...  
მოხედვასაც ვერ ასწრებ, დრო კი, უკვე, გასულა  
დღეს, რომ ეტრფი მომავალს, ხვალ დარჩება – წარსულად...

რაც არ უნდა იჩქარო, დროში, განა, ეტევი?!  
ვინღა ჩივის გასწრებას? ვერაფრით, ვერ ეწევი,...  
ამად, სჯობს, რომ სიცოცხლის – ზღვა შარბათის – დავლიოთ,  
სჯობს: სიცოცხლე, ნეტარი – სიყვარულში გავლიოთ...

### დგას შემოდგომა...

დრო გარდასულა, დგას შემოდგომა, –  
გული ვერ უძლებს ტკივილს,  
ნატრობს გაზაფხულს, მის, კვლავ დადგომას,  
მის დარ-მზეს, სულის ყივილს...

### მოხევის ჩივილი...

რით მწუნობს, ეს, მზექალა, –  
პირქუშად განწყობილა,  
ვერ გაჭრა, ვერც, ზე-ძალამ,  
პიტალო, რამ, ყოფილა...  
უარიც არ მიკმარა,  
სიყვარულს, ამ, ფოფინას, –  
ახლოს არ გამიკარა,  
შორით წვა მამყოფინა.

### მწამს, გაიბრწყინებს!..

მწამს, გაიბრწყინებს ბედის მზე თვალად, –  
რადგან იმედის ფანტელს მათოვებს,

ცხოვრებამ სვე, თუ, სხივით შეცვალა,  
ვიცი, გულნაკლულს რომ არ დამტოვებს...

### ბრწყინდება...

სინორჩით ტრფობა კიაფობს, –  
მაჭრობს და... მერე ღვინდება...  
წლებით: ის, ძველ ხიბლს, კი, არ თმობს,  
სიდარბაისლით ბრწყინდება...

### მიეფერ-მიეფოფინა...

მდელი ათქვირდა, ტყე-ველებს, –  
მზემ ოქროს სხივი მოჰფინა,  
ვერხვებს, ფესვდამზრალ მთეველებს,  
მიეფერ-მიეფოფინა...

### სურათი...

თოვს... შენზე ფიქრებით თენდება დღე,  
ცა, სჩუენის მიდამოს – განთიადს, – ძღვენს,  
რიჟრაჟი შეჰხარის ფანტელებს, – მმლერს,  
მე, კი, შენს სიყვარულს ვავედრებ ღმერთს...

### სიყვარულ მანც მასწავლე...

„გასრულდეს, ესე, ამბავი, ვითა, სიზმარი ღამისა“,  
ვერ გეალერსე და... ვინვი, მკლავს დარდი, – ერთი რამისა:  
ვერ-რით აგინთე, ეგ, გული, – დრონი მიჰქრიან წამისად...  
სიყვარულ, მანც, მასწავლე, – ვარ მადლობელი ამისა...

### ირმისთვალა ფანტელები...

ზამთარია... სივრცეს შვენის ირმისთვალა ფანტელები,  
მოფრინავენ ცეკვა-ცეკვით, გამოუსხამთ ნაზი ფრთები,  
ის, ბავშვობა გამახსენეს, სილალით, რომ ფანტეს წლები,  
თითქოს: მათთან ერთად ვცეკვავ, სიცოცხლის მზით ავივსები...

### სადაჯ, სიკეთე ზეიმობს!..

როცა ფიქრს აწრთობ, ამზევებ, და... სწრაფვა მიზანსრულია,  
როცა, გულისხმას ენდობი, თვლი, – სწორად მიმართულია,  
როცა, სიმართლეს მსახურებ, – შვება გულს შიგან რგულია...  
სადაც, სიკეთე ზეიმობს, იქ, მუდამ სიხარულია...





მარიამ  
ქაშუკაშვილი



მარიამ ქაშუკაშვილი

ის, - ორი ცრემლი...

დილიდან უყმური ამყვა...  
ცივი, მოქრუშული ამინდია, სანვიმარი ღრუბელია ჩამონოლილი, წვრილად ჟინყლავს. თითქოს უზარმაზარ საცერში იცრება ღრუბლების ცრემლი...

არაფერი მეხალისება, საქმეს გული ვერ დავუდე, - ფანჯრის რაფაზე შემოდებული გადაშლილი ნიგნისკენ, გუშინ რომ ვკითხულობდი, გახედვაც მეზარება. არც კი მიცდია ხელსაქმის ყუთისთვის სახურავი ამეხადა. მოკლედ, სახლში არ მედგომება. გარეთ კი უღიმღამო, უსიხარულო ამინდია...

რა ვქნა?! გულმა ისევ ქურჩისკენ გამინია.

- წავალ, გავივლი, გულს გადავაცოლებ, იქნებ, გუნებაც გამომიკეთდეს, - ვესაუბრები ჩემს თავს.

სანერ მაგიდაზე დაუდევრად მიყრილ ხურდებს და ხუთლარინს ხელი მოვუსვი, ჯიბეში ჩავიყარე, მეორეში ტელეფონი ჩავიტენე და თითქმის სირბილით გავემართე გაჩერებისკენ, - სამარშრუტო ტაქსისთვის მინდოდა მიმესწრო, მაგრამ, შენც არ მომიკვდე, - ავტომობილის კუდსლა გავაცოლე თვალი.

უნდა გამოგიტყდეთ, არასოდეს ვყოფილვარ გამორჩეული პედანტობით, იმ ადამიანებივით, რამდენიმე დღით ან ერთი კვირით ადრე რომ გეგმავენ საკეთებელს. თავში აზრი რომ გამკრავს, მინდა მყისიერად განვახორციელო, მკლავს ლოდინი, ამიტომაც დავაგვიანე ტრანსპორტზე. წინასწარ, იშვიათად თუ შეგხვდავ საათს, გზაშილა მახსენდება, რომ ყველაფერს თავისი დრო აქვს. თუმცა, ხშირად მიმართლებს შემთხვევითობა...

ნელი ნაბიჯით შევყევი აღმართს. ქოლგაც არ წამომიღია, - მსუბუქი ჟინყლი თმას მისველებს, წამწამებზე მტვერით მეფინება ნესტის უწვრილესი ნაწილაკები. მთავარ გზაზე ავედი. დიდი ხნის



მარიამ  
ქაშუკაშვილი

მოცდა არ დამჭირვებია... მოხერხებულად მოვიკალათე რბილ სკამზე. მესიამოვნა სითბო და ხალხის მოგუდული ბუბუნი...

გაჩერებაზე ჩამოვედი. თელავს ნაცრისფერი დასდებოდა. აქ მეტად იგრძნობა უამინდობა. ყადორის ქუჩა შევივლიმართე, ხიდი გადავჭერი და გეზი მოედნისკენ ავიღე.

ძველ ბაღში, ციხე-გალავანთან სიმშვიდეა, კანტიკუნტად გადი-გამოდის ხალხი. ფრთხილად მივავიჯებ ფოთოლშემოდარცვულ ხეების ხეივანში, მათი სილუეტები გაცრეცილი ცის ფონზე შავად მოჩანს.

მალულად ვაკვირდები გვერდით ჩავლილთა სახეებს, - ღიმილს ვეძებ, იქნებ, ვინმემ აღმიქვას ადამიანად, შემომხედოს, პატარა სიხარული მაჩუქოს, - უნდილად მაინც შემელიმილოს. ყველას საკუთარი საზრუნავი გასჩენია, ყველას ქვად ქცევია გული. მგონია, გაჭირვებული ადამიანი რომ დაინახონ, ისე ჩაუვლიან გვერდით, ზედაც არ მიხედავენ. მეც ვცდილობ, გულგრილი გამომეტყველება გადავიკრა სახეზე, მაგრამ, ვიცი, რომ არ გამომივა, - კვლავ, შორიდან ვათვალიერებ ყველა გამვლელს იმედით.

აგერ, ახალგაზრდებმა ჩამიარეს. ტელეფონში ჩართულები ერთმანეთს ყურადღებას არ აქცევენ. გზას კი არ მიჰყვებიან, გზას მიჰყავს ისინი.

ორი ხნიერი ქალი ხელკავით მიემართება. გაშლილი ქოლგის ქვემოდან ჩანს, ალბათ, ტკივილებისგან შეწუხებული ფერმკრთალი სახეები. ერთი ოდნავ კოჭლობს. საუბარში გართულან. მათ ირგვლივ, თითქოს სამყარო ჩანთქმულა ამინდის უღიმღამობაში.

ბიჭი ძალღს მისაყრნებს. მოუსვენრობს ჯიშინი ლეკვი, - გრძელი ჯაჭვი ხმელ ფოთლებს მიიხვეტავს, ფილაქანს ეხეთქება, ყრუ ხმას გამოსცემს.



პატრონს მეორე ხელში მობილური უკავია, გაფაც-  
იცებით ათამაშებს თითებს ღილაკებზე.

მოკლედ, ყველა თავის თავში ჩაკეტილა. მე, –  
უსაქმური დახვებიალობ უთავბოლოდ და ადამია-  
ნობას ვეძებ. ვიპოვი, კი?!...

შორიდანვე მიიქცია ჩემი ყურადღება წყვილმა,  
– ახალგაზრდა ქალს პანია, ასე ოთხი-ხუთი წლის  
თავთავისფერწაწაგვიან გოგონასთვის ჩაუჭიდა  
ხელი. სწრაფი ნაბიჯით მიდის, ბავშვი ძლივს ეწევა  
და მიაკონწიალებს გრძელ ძაფზე გამობმულ წითელ,  
საჰაერო ბურთს. დავინახე თუ არა, წინათგრძნობა  
გამიჩნდა, – ვიპოვე, რასაც ვეძებდი... მომიახლო-  
ვდნენ. პატარას მხერა ვიგრძენი. ერთხანს მიყურა,  
მერე ანცად გამიღიმა და სირბილით გაჰყვა დედ-  
იკოს.. რამდენიმე ნაბიჯით გავცდი. სულმა წამძლია  
მიმეხედა უკან, მინდოდა, კიდევ ერთხელ, შემეველო  
თვალი მისთვის, ვინც ამდენი ხნის ნაძებნი სიხარუ-  
ლი მომანიჭა. შემოვბრუნდი... დახეთ საოცრებას,  
ისიც მიყურებს, – ნახევრად ჩემკენ შემობრუნებულს  
დედა მთარბენინებს. დიდ ცისფერ თვალეებზე და პა-  
ნია კოკორივით შეკრულ ტუჩებზე ღიმი გადაჰფე-  
ნია. გარბის და მიყურებს. ღიმილით უუპასუხე და  
ხელი დავუქნიე. ხალხის ტალღამ მხედველობიდან  
მომტაცა ჩემი ანგელოზი.

საოცარი სიძლიერით აღმებეჭდა მეხსიერებაში  
უმანკო ღიმილი, რომელსაც ხშირად წარმოვიდგენ  
ხოლმე, განსაკუთრებით მაშინ, როცა ამქვეყნიური  
ამაოება ყელზე ბოლმად მომანვება. მადლიერებს.  
სიხარულის აურად მორგებული თან მდევს სიძნელ-  
ეთა გადასალახად...

ვიწრო ორღობით დავეშვი მოედნიდან... ხმელ  
ფოთლებს ამოუვსია ქვაფენილის ოღოროღორო;  
მოაჯირიანი საცალფეხო ბილიკის ასფალტზეც  
ბლომად ყრია; ქუჩის კიდეებზე მიყრილი ათასგვარი  
ნაგავი თვალისთვის მიუფარებია. აქაურობა სიმშ-  
ვიდეს მოუცავს. შემოდგომის ოქროს სუსტი ნიავი  
აჭორტმანებს. წყარო ფიქალითაა მოპირკეთებუ-  
ლი. წკრიალა, ცივი წყალი გადმოჩუხჩუხებს,  
უთავბოლოდ აჭრიალებს, ვინ იცის, რამდენი ხნის  
წინ პანია აუზში ჩავარდნილ ფოთოლს. პეშვი ავივსე,  
თუმცა არ მწყუროდა, მაინც მოვსვი. ხელებიდან  
წვეთები დავიბერტყე...

გულმა სახლისკენ გამინია...

– ბაზარში ჩავივლი, მწვანილს გავიყოლებ, –  
გავიფიქრე და ხალისიანად ჩავიბინე კიბე. ხალხის  
ტალღა წყლის ზედაპირზე მოტივტივე ნაფოტივით  
მაქანავებს აქეთ-იქით.

– გავალ, გარეთ ვიყიდი, იქ უფრო სიმშვიდეა, –  
გასასვლელისკენ გავემართე.

სანამ კართან მივალ, პატარა მოშიშვლებული  
ადგილია. ღონიერი წვიმის დროს ისეთი გუბე დგას,  
ჭირს მორიდება. ამ ადგილზე შეიძლება, ცოტა, თა-  
ვისუფლად ამოისუნთქო ხალხმრავლობისგან...

ზუსტად შუაში მხრებში მოხრილ ჩია ტანის  
ადამიანს ვკიდე თვალი. ქალს გავს. ყავისფერი,  
გაქუცული პალტოს ქვემოთ მტკაველზე მოუჩანს



*მხატვარი სოფიო ქელიძე*

გახუნებული კაბის ბოლო. შავწინდიანი ფეხე-  
ბი მოზრდილ, გვერდმოქცეულ, ალბათ, ქმრის  
ნაქონ ფეხსაცმელში აქვს წაყოფილი. შავი, ნაქსო-  
ვი, გაცვეთილი ხელთათმანებიდან გამხდარი თი-  
თის წვერები მოუჩანს. სიძველისგან გათხლებულ  
ქსოვილში ვერცხლისფერი ბეჭედი დავლანდე. ისეა  
გალეული, ალბათ, არასოდეს მოუშორებია. თავზე,  
ქუდის ზემოდან უზარმაზარი, ფერგადასული თავ-  
შალი დაუდევრად მოუხვევია, – სახე სრულად არ  
უჩანს. ფეხებთან, შავი, პოლიეთილენის პარკში რამ-  
დენიმე ბოლოკი თუ ხახვი უგდია... ყიდის... იქვე,  
ცარიელი ნაჭრის წვრილ თეთრკოპლებიანი, თავლია  
ჩანთა დევს... დგას ჩუმად, ხმას არ იღებს... ელოდე-  
ბა... დროდადრო, თითქოს, კანკალი წამოუვლის,  
ხელს სახესთან მიიტანს, ისე უღონოდ დაუშვებს.

გულმა რეჩხი მიყო. რამდენიმე წამი ნაბიჯის  
გადადგმას ვერ ვახერხებ. ბოლოს, როგორც იქნა,  
გონს მოვეგე. თავში ათასი ფიქრი მიტრიალებს.  
გვერდით ჩავუარე, გავცდი... რალაც მეჭიდება.  
თითქოს ტყვია ჩამასხეს სხეულში. ტვინში გამდნარი  
ფოლადი მეღვრება, თავი მიხურს. ჯიბეში ჩაყრილ  
ხუთლარიანს და ხურდებს ისე ძლიერ მოვუჭირე  
ხელი, ტკივილი ვიგრძენი. თავბედს ვინყველი, – რა-  
ტომ მეტი ფული არ მაქვს წამოღებული.

ახლა სხვა ფიქრი მეჭიდება:

– იქნებ, იმდენად თავმოყვარეა, არც კი აიღოს  
შეთავაზებულ;

– იქნებ გაუხარდეს?

ეს ჩუმი ჭიდილი რამდენიმე წამი გრძელდება.





ბოლოს, თავს მოვერიე, მტკიცე გადანყვეტილება მივიღე, – უკან მივტრიალდი. მივუახლოვდი, აკანკალებული ხელი დაუჭირე და ფული ჩაფუდე. ყინულის სიცივე ვიგრძენი, თბილი ხელები შემოვაჭდე. მინდოდა, მისი გამოფიტული, უსისხლო სხეულისთვის სიცოცხლე მიმეცა, შეკრულ მუჭზე მოვეფერე.

– ბებო, ხომ არ გენყინება, ეს მცირედი რომ შემოგთავაზო?...

ახლალა დავინახე მისი სახე. გამხდარი, მისავათებული. ბებრული, უნამნამო თვალის უპეებში ორი მბრწყინავი ცრემლი გზადაგზა ნაოჭებში იკარგება. უკბილო პირით რალაც ჩაიჩიფჩიფა, აშკარად მლოცავდა. რამდენიმე სიტყვა გავარჩიე:

გაიხარე, შვილო, დიდხანს იცოცხლე, ღმერთი გადაგიხდის სიკეთეს...

მეტი ვეღარ შევძელი. ყელში გაჩრილი ბურთი მახრჩობს. მოვტრიალდი გასასვლელისკენ. მინდა ვიყვირო, ქვეყანა შევძრა, მაგრამ ხმა მიწყდება, ცრემლი რა არის, ისიც ვერ გადმომიგდია.

ირგვლივ ვერაფერს ვამჩნევ, ისე ვარ ნახულით შეძრული.

– ნავალ, გავივლი, გულს გადავაყოლებ, გავერ-

თობი, – ნამომიტივივდა დილანდელი, – თურმე, ფუფუნება მიძებნია, ვბრაზობ ჩემს თავზე.

...ვილაცას ვეჯახები.

– თვალები გაახილე, – მესმის, სადღაც, ბურუსიდან, – ამ ხალხმა სულ დაკარგა ზრდილობა, ბოდიშსაც არ მოგიხდინან.

თვალებიც მიხილია, ვსუნთქავ კიდეც, მაგრამ მაშინვე ვერ ვხვდები ჩემი „უზრდელობით“ უკმაყოფილო ადამიანის ნათქვამს. არც ვაქცევ ყურადღებას. გონება და სხეული ერთ, დიდ ბოლმას შეუპყრია...

ვიტირე, როგორც იქნა. მლაშე ცრემლი ლოყებზე ჩამომდის, ნიკაპთან ინასკვება. არც მიცდია შემშრალება, რა აზრი აქვს, მოდის და მოდის... პატარა შვებას ვგრძნობ.

... დრო, კი, მიიზღაზნება...

გონებიდან არ მშორდება ბებრული თვალის უპეებში ორი, მბრწყინავი ცრემლი, სულს მიფორიაქებს...

ჯიბეში ყოველთვის მაქვს მისთვის გადანახული გროშები...

კიდეც ბევრჯერ მივედი ნაცნობ ადგილზე, მაგრამ მოხუცი აღარასოდეს მინახავს...

## პოეტის ეთი ექსი

### ღარაჯან ჭანკოტაძე

#### ჩემს დათყნას

#### ექღენება 8 წლის დავით აფაქიძეს

ჩიტებმა დედას ახარეს,  
დაგებადება ბიჭიო.  
მას თან დაჰყვება სიკეთე,  
ვაჟკაცობა და ნიჭიო.

მშობლების სიხარულია  
სიყვარული და იმედიც...  
სიმღერას როცა დაიწყებს, –  
მოფრინდებიან ჩიტებიც.

მართლაც გამოჩნდი პატარავ,  
ნეტარობს გულის სიმებიც;  
საქართველოს რომ ეზრდება  
ბიჭი, – სამშობლოს იმედი.





როლანდ გიორგაძე

როლანდ გიორგაძე

ყვირილოზე ყანის ზოლოდან თმაშეკრული ჭაბუკი გამოხატა, წამიერად შეყოვნდა, მერე თოხი შორს გასტყორჩნა და გაროფებულ რხენს წინ გადაუდგა. რხენმა ფეხებით ჰაერი დატორო და ფლოქვენი მინას დასრხო. ზიჟმა პატარა შეყოვნებით ისარგებლა და რხენს კისერზე ჩამოეკიდა. დამფრთხალმა და ქანჩგამოწლილმა გოგომ თავი ველარ შეიმაგრა და სიმინდის ზღვაში გადაეშვა. ჭაბუკი გოგოსთან მიიჭრა, ფრთხილად გადამოაზრუნა... ტკივილისგან კი არა, სირწხვილისგან აღონძული, ნუკრივით დამფრთხალი გოგოს წრემლონის გუნძიდან ორი გიშერი იშორებოდა... გადარჩა, გაიფიქრა ზიჟმა და ღიმილადქრეულმა თავისი ზეურსავით კრიალა თვალონი შეანათა.

როლანდ გიორგაძე



როლანდ გიორგაძე

ტილოზე ამოქარბული მზე

ვუძღვნი მეუღლეს მარინე ტორონჯაძეს

საიმედო ვერაფერი უთხრეს – მედიცინას გასაოცარი მიღწევები აქვს თვალის დაავადებათა თანამედროვე მეთოდებით მკურნალობაში და ეს უწყვეტი პროცესიაო. კიდევ ბევრი რამ თქვა ექიმმა. ოთარი ზრდილობის გამო უსმენდა. მისთვის ყველაფერი ნათელი იყო – ყველაზე უარესისთვის უნდა მომზადებულიყო. იმ დღიდან მოყოლებული ცდილობდა თვალდახუჭულს ევლო. ნაბიჯებით ზომავდა მანძილს სახლიდან ავტობუსის გაჩერებამდე, ბაღში ტოტებგაშლილ, უზარმაზარ ხის ძირას ჩაბეტონებულ ძელსკამამდე. სახლში ყველა ნივთს აკვირდებოდა, წვერსაც კი თვალდახუჭული იპარსავდა. ჯერჯერობით მთლად საგანგაშოდ არ ჰქონდა საქმე, მაგრამ ფერთა გამაში თეთრი ფერი გაბატონდა და ეს უკვირდა ექიმს, იშვიათი შემთხვევაა ჩემს პრაქტიკაშიო, უფრო სიმუქეს უჩივიანო. არ უნდოდა მწარე ხვედრს გულხელდაკრეფილი შეხვედროდა. გულში კი გაივლებდა, იქნებ დავასწრო ამ განსაცდელს და მზერადაუშრეტელი გავიდე სააქაოდანო. ყველაფერი ღვთისგანაა, მის ნებას ვინ გადაუვაო. თხოვნაც კი ერიდებოდა, რა წმინდა ცხოვრებით მე მიცხოვრია ჩემი თხოვნა ღმერთმა რომ შეისმინოსო. დღეებს დაეშურა, ადრიახად გადიოდა სახლიდან, ათვალეირებდა არემარეს. დიდხანს შესცქეროდა ცის თალს, მზეს, იმახსოვრებდა ფერებს, დაჟინებით აყურადებდა ფოთოლთა შრიალს, ფრთოსანთა მხიარულ ჟივილ-ხივილს და ცდილობდა ჩიტები ჭიკჭიკის მიხედვით გამოეცნო.

იმ დღესაც ადრიახად დაადგა გზას, ბაღამდე ათასი ნაბიჯი იყო. პატარა შადრევანთან ჩამოჯდომამ უყვარდა, რომლის მოჩუხჩუხე ნაკადში ბელურები ბანაობდნენ ხოლმე. ჩაიყურყუმელავებდნენ, მერე ფრთებზე გადავლებულ წყალს დაიფერთხავდნენ და სივრცეში გაიჭრებოდნენ,

ბაღს წრეს დაარტყამდნენ და ხეზე ჩამოსხდებოდნენ. შადრევანთან მის სათაყვანო შაშვს თვალი ვერ მოკრა. შაშვის გალობა ყველაფერს ავიწყებდა. იჯდა გარინდებული და მოგონებების უკიდევანო სივრცეში ინთქმებოდა...

\* \* \*

ქალი დიდხანს იჯდა სარკესთან. ცივი შუშინდან არეკლილი ორეული შესცქეროდა, დაჟინებით უმზერდნენ ერთმანეთს. დანანებით გადაიქნია თავი. მერი შერვაშიძის ფოტოს დაჰყურებდა ხშირად. უკვირდა, როგორ შეინარჩუნა ღრმა სიბერემდე მომხიბვლელობა და მოხდენილობაო. მას კი თმა არასოდეს შეუღებავს. უცნაური, ვერცხლისფერი კი არა, უფრო ფერფლისფერი შეფერილობის თმა ახალგაზრდობიდან გამოჰყვა, რომელიც შინაგანად თბილს, ამაყ და გოროზ იერს აძლევდა და მის მიმართ კრძალვით განგანყობდა. კიდევ ერთხელ შეავლო თვალი ორეულს, აქნილ წარბებზე თითები გადაისვა და წამოდგა. შარვალი თუ კაბა? შარვალი ამჯობინა, უფრო დამაჯერებლად გრძნობდა თავს. ისევ მოხდენილად დადიოდა, თვალსაც კი გააყოლებდნენ ხოლმე... ქალი ეზოში გამოვიდა და ნაცნობ გზას დაადგა.

ამას წინათ ქუჩაში მიდიოდა. მოზრდილი გოგონები შეეფეთნენ. თამამად ჩაცმულნი, მოშილიფებულნი. ფეხი შეანელეს და ცნობისმოყვარეობით ახედეს, ჩაიფრუტუნეს და გადაიკისკისეს. ყურში მოესმა, როგორ თქვა ერთმა – მოხდენილად კი გამოიყურება, მაგრამ მის ასაკში შარვალი მეტისმეტიო. ჰმ, ჩაიციანა, ერთი პირველთაგანი იყო ვინც შარვლით შეიმოსა. ეჰ გოგობო, მოვა დრო და მიხვდებით, რომ თითოეული ადამიანი ნაუკითხავი წიგნია და ყველას როდი ხელუნიფება მისი ნაკითხვა.



\* \* \*

ზაფხულის სვავტი იდგა, ჰაერი არ იძვროდა. მიუხედავად აუტანელი სიცხისა მკვირცხლად ამოიბრინა აღმართი. მდინარეში ნაბანავებს სველ ტანზე მიკვროდა სამოსი. ბეჭებზე დაცემულ თმებსაც ვერ მოესწრო გამრობა. ქვაყუნციასთან ღარის წყალს დაენაფა, გული გაიგრილა, მერე სახეზეც შეისხა და აღმართს აუყვა. მალეობიდან ამაყად იმზირებოდა ორსართულიანი ოდა სახლი. პირველი სართული ქვითკირისა იყო, მეორე სართული მთლიანად ნაბლის ხის, რომელიც განსხვავებულ, მისთვის დამახასიათებელ სურნელს აფრქვევდა, სასიამოვნოს. სახლში არავინ იყო. კიბე აირბინა. ბევრი ღვინისა და ქეიფის მომსწრე აივანი ისეთი გრძელი იყო ას კაცს თავისუფლად უმასპინძლებდა. აივნიდან თვალწარმტაცი ხედი იშლებოდა მდინარე უძინარას ხეობაზე თავისი მალეობებითა და დაბლობებით, ყანებითა თუ ვენახებით. ჩამოჯდებოდა აივანზე თოთხმეტი წლის ახტაჯანა, ობოლი გოგონა, რომელსაც არც მამა ახსოვდა, არც დედა – მამა ომმა შეინირა, დედა დარდმა. შეუხორცებელი იარა მის გულში ვერც დრომ და ვერც ასაკმა შეახორცა. თავისი სამყარო ჰქონდა და მის სამყაროში არავის ახედებდა. ბაბუა თუ გამოაფხიზლებდა და ირეალურიდან გამოიყვანდა: არ გადმოვარდე, არ დამლუპო შვილო, აივნის მოაჯირი ცხენი ხომ არ არის, რომ შემოსკუბებულხარო. ყველა სურვილის შემსრულებელი ბაბუა მხოლოდ თოფთან მიახლოებას უკრძალავდა. ცნობილი მონადირე იყო ბაბუა. იმ საშინელი ომის, შიმშილისა და სიდუხჭირის დროს იმდენი ნანადირევი მოჰქონდა მეზობლებსაც კი უნანილებდა... თოფი ქალის საქმე არ არისო – იტყოდა ხოლმე და თვალისჩინივით უფრთხილდებოდა, – ბაბუაჩემის ჩამოტანილია ტრაპიზონის ომიდანო. გოგოს კი ანდამატივით იზიდავდა იარაღი, ერთი სული ჰქონდა ხელი შეეველო. ჩქარი ნაბიჯით გადაჭრა აივანი და დიდ ოთახში შევიდა. მოპირდაპირე კედელზე გაკრულ უზარმაზარი ხალიჩიდან ამაყად შემოსცქეროდა ქორბუდა ირემის დატოტვილი თავი. აქვე ეკიდა ხმალი, ხანჯალი და მისი სანუკვარი ორლულიანი სანადირო თოფი. მიუახლოვდა, ფრთხილად მიიღგა სკამი და საოცნებო ნივთი კედლიდან ჩამოხსნა. ემძიმა, კონდახზე ფრთხილად ჩამოუსვა ხელი, თითქოს ეალერსებოდა. ძირს დაუშვა, ამოაბრუნა და ლულაშიც ჩაიჭყიტა. მერე ჩახმასხაც შეავლო ხელი და აივანზე გავიდა. მერცხლების გაუთავებელი ჟღურტული ისმოდა. გოგონამ თოფი შემართა, ბაბუასავით მხარზე მიიყრდნო, ნიკაპიც მჭიდროდ მიაბჯინა. უხილავ მტერს მიაძახა: ბუჰ, ბუჰო! მერე რამდენიმე ნაბიჯი გადადგა და მისდაუნებურად სასხლეტს ხელი გამოჰკრა. იქუხა, რასაც თვალი შეასწრო ლულიდან გამოვარდნილი ალი იყო. საშინელმა ტკივილმა ძირს დასცა და



*მზატვარი სოფიო ქელიძე*

გონი დაკარგა. თოფის ქუხილზე ყანიდან მომავალი ბაბუა მოვარდა. ნატყვიარს მერცხლის ბუდე ნაფლეთებად ექცია და რამდენადაც გასაკვირი არ უნდა იყოს, აივნის წინ აშოლტილ მსხლის ხიდან ყვავიცი გადმოეგდო. კარგა ხანს გაყვა მხრისა და ყბის ტკივილი.

\* \* \*


მიუყვებოდა გზას მოხდენილი ასაკოვანი ქალი და ფიქრებს ელაციცებოდა. რა ქარმა გადმოაგდო ნეტავ ეს კაცი ჩემი ადგილი რომ დაუმისებია? თვითონაც არ იცოდა, რატომ არ ჩამოისვენა ამოჩემებულ სკამზე. მოერიდა იმ მამაკაცის, რომელიც მსცოვანების ბილიკს შესდგომოდა. საკმაოდ მოხდენილი კაცი იყო. თითქმის ყოველდღე ხედავდა. იმ დღეს თვალეებით შეეფეთა. შედრკა. სხეული ჟრჟოლამ მოიცვა. სწრაფად დახარა თავი და რომ არ ნაქცეულიყო სკამზე ჩამოესვენა. კაციც შეცბა. კვლავ ქალს შეავლო მზერა. შეუძლებელია... ბედისწერად ქცეული, ცრემლის ტბაში მოტივტივე ორი გიშერი. სწრაფად წამოდგა და ფეხარეული აგურისფრად მოკირწყლულ ბილიკს გაუყვა. ქალი კარგა ხანს იყო გაოგნებული. წარსულიდან მომზირალმა ნაცნობმა თვალეებმა ისეთი თრთოლვა მოჰგვარა, როგორც შორეულ ყმანვილქალობაში. აფორაჯებულმა და აფორი-აქებულმა თავი ჩალუნა, თავისდაუნებურად წარბებზე ცერა თითები გადაისვა. უკან მიიხედა,



სიყრმეს მიაპყრო მზერა და იქაურობა კარგად მოჩხრიკა. ნუთუ ის არის?!

\* \* \*

მზეს ჯერ კიდევ ვერ მოეკრიბა ის ძალა, საჩრდილობელს რომ მოგაძებნივს. სისხამზე სიმინდს ნამბული დჰკრავს, მინასაც დაანოტიოებს და ყანაც ადვილად ითოხნება. არაფერი ისე არ ართმევს კაცს არაქათს როგორც თოხი, ოფლს ღვარად დაგადენს. ყველა სათოხარში იყო გაკრეფილი. ზღვასავით ლივლივებდა წელამდე ამოზიდული სიმინდის ყანა. თინიკო კი სახლის მეთვალყურედ იყო გამწვანებული. დილის საქმეები მოითავა, ქათმებიც დააპურა და ღორიც გადააბა. ახლა თავის საყვარელ აივანზე, სკამზე იჯდა. ბაბუამ გააფრთხილა, აივანის მოაჯირზე შემომჯდარი აღარ გნახოო. წელს სკოლას ამთავრებ, გასათხოვარი გოგო ხარ უკვეო. რას ამბობ ბაბუ, სანამ ჩემი პრინცი არ ჩამოიგელებს და აივნიდან არ მომიტაცებს სახლიდან ფეხის გამდგმელი არა ვარო – უპასუხებდა კისკისით. ვატყობ, დიდი ღოდინი არ დაგჭირდება, შენ რა გიჭირს, მე რა მეშველება უშენოდო. შენც თან ნაგიყვან ბაბუკელა, შენ როგორ დაგტოვებო და კისერზე ჩამოეკიდებოდა ბერიკაცს. იჯდა ღიმორეული, იდაყვებზე თავჩამოყრდნობილი და ნაცნობ პეიზაჟს გასცქეროდა. მზე უშურველად აფრქვევდა მწველ სხივებს ცისქვეშეთს. მერე კი ყველა სხივი ერთ დიდ კონად შეკრა და მდინარეში მოელვარე სვეტივით ჩაუშვა. ცოტა ხანში წყალი აფუთფუთდა, ამოდულდა და მთელი ხეობა რძისფერ ნისლში გაეხვია... ყმანვილი ქალი უცნაური ზმანებიდან ცხენის ჭიხვინმა გამოიყვანა. თავი წამოსწია. ეს ხომ მერცხალაა, ნეტავ მარტო რად მოვიდა? სადაა დედამისი? დედა მართლაც რომ დინჯი ჰყავდა. იმდენად უწყინარი და მშვიდი, ფაშატს დინჯა შეარქვეს. თინიკოც არაერთხელ ამხედრებულა დინჯაზე, – შეკაზმულზეც და უბელოზეც. მაგრამ გამორჩეულად მაინც მერცხალა უყვარდა – ყორანივით შავი ულაყი, თითქმის მის ხელში რომ გაიზარდა. არაფერს არ აკლებდა, ბანდა, ასეირნებდა. ნატეხი შაქარი სულ ჯიბეში ედო და მალულად აჭმევდა, იმიტომ რომ ბაბუა უშლიდა – კბილებს გაუფუჭებსო. დაინახავდა თუ არა ცხენი ჩიჩვირით ჯიბეში უძვრებოდა. თინიკოც შემოხევეოდა ყელზე და ფაფარს უვარცხნიდა, ხან უწნავდა. განუყრელი მეგობრები იყვნენ. ბაბუამ ბოლო დროს მის გახედნაზე დაინყო საუბარი. ჯერ უნაგირს უნდა შეეჩვიოსო. რამდენჯერმე შეეცადა ალექაზმა უნაგირით, მაგრამ არ იგუა. თრთოდა, ჭიხვინებდა, ყალყზე დგებოდა,



როლანდ გიორგაძე

კინალამ ღობეები დალენა. ბაბუა იცინოდა და ამბობდა: რამდენიც არ უნდა იხტუნოს მაინც მოუნვეს თავის ხვედრთან შეგუებო... მაგრამ მე აღარ შემიძლია, კარგი ვაჟკაცი უნდაო... თინიკო გულში ფიქრობდა: რალა ვილაც უცხო უნდა შეასკუბდეს ჩემ გაზრდილ ცხენსო. მე ვიქნები პირველი, პირველობას არავის დავუთმობო. გაიხედ-გამოიხედა, არავინ ჩანდა. ამაზე ხელსაყრელი დრო არ მექნებო და ეზოში ჩაირბინა.

– მერცხალ, მერცხალ! – დაიძახა. ულაყმა ყურები ცქვიტა.

ჩაიხვივნა და თინიკოს მიუახლოვდა.

– აი, ჩემი საჩუქარი, ჩემო ლამაზო, – თინიკომ ერთი მუჭა ნატეხი შაქარი გაუნოდა. ცხენმა ხრამახრუში აუტეხა ნუგბარს, – ხომ ხედავ, მე ყველანაირ სურვილს გისურლებ, ახლა შენც უნდა შემისრულო, მე უნდა ვიყო ის პირველი, ვინც შენზე ამხედრდება.

თითქოს რალაცის მოლოდინში ცხენი აცახცახდა. თინიკომ ისიც კი გაიფიქრა, ხელი ხომ არ ავილო ჩემს განზრახვაზეო, მაგრამ ეს იყო ნამიერი ორჭოფი. ცხენს მიუახლოვდა, თვალბეზე ეამბორა, ფაფარი გადაუვარცხნა, ხელი კისერზე მოუთათუნა და მერე ელვის უსწრაფესად ზურგზე მოექცა. ცხენი ჯერ გაოგნდა, მერე ყალყზე დადგა, დაიჭიხვინა, ადგილიდან უსწრაფესად მოწყდა და ხის დაბალ ჭიშკარს გადაეველო. გოგო ჭინკასავით ჩააფრინდა ფაფარში, ფეხები შემოსალტა და კისერზე განვა. ერთსხეულად ქცეულნი ქარზე უსწრაფესად მიფრინავდნენ. თავქვე მიმქროლავ გოგონას უფრო და უფრო უჭირდა თავის შემაგრება. როგორმე უნდა შევაჩერო, როგორმე უნდა შევაჩეროო! რეკდა გონება. ქვიან შარაზე გადმოვარდნა სიკვდილის ტოლფასი იქნებოდა. ცხენი კი ყოველნაირად ცდილობდა აბეზარი ტვირთისგან გათავისუფლებას. გაცდა თუ არა ორლობეს ცხენი თქარათქურით მწვანედ აბიბინებულ ყანებს შორის განოლილ საურმე გზას დაადგა. ყანების ბოლოს დიდკლდოვანი ხევი იყო, საიდანაც მდინარე უძინარას შემზარავი ხაფი ხმა და გუგუნის ისმოდა. გოგო შიშმა შეიპყრო, ცხენის შეჩერების არანაირი ძალა აღარ გააჩნდა. განწირულმა რამდენჯერმე დაიკივლა – მიშველეთ! მიშველეთო! მემორადეები\* კანტიკუნტად გამოვიდნენ ყანიდან. ტყვიასავით ჩაიქროლა ულაყმა. ცხენი საბედისწერო ხევის უახლოვდებოდა. თავზარდაცემული, საძრაობადაკარგული გლეხები შიშით შესცქეროდნენ თავანყვეტილ ულაყს, საკუთარი უილაჯობით დათრგუნვილნი მხოლოდ ხელებს ასავსავებდნენ

\* მორადი – ყანის მეორედ გათოხნა







და ხმამაღლა გაჰყვიროდნენ... ყვირილზე ყანის ბოლოდან თმაშეკრული ჭაბუკი გამობტა, წამიერად შეყოვნდა, მერე თოხი შორს გასტყორცნა და გაცოფებულ ცხენს წინ გადაუდგა. ცხენმა ფეხებით ჰაერი დატორა და ფლოქვები მიწას დასცხო. ბიჭმა პატარა შეყოვნებით ისარგებლა და ცხენს კისერზე ჩამოეკიდა. დამფრთხალმა და ქანცგამოცლილმა გოგომ თავი ველარ შეიმაგრა და სიმინდის ზღვაში გადაეშვა. ჭაბუკი გოგოსთან მიიჭრა, ფრთხილად გადმოაბრუნა... ტკივილისგან კი არა, სირცხვილისგან ალანძული, ნუკრივით დამფრთხალი გოგოს ცრემლების გუბიდან ორი გიშერი იმზირებოდა... გადარჩა, გაიფიქრა ბიჭმა და ღიმილადქცეულმა თავისი ზეცასავით კრიალა თვალები შეანათა. შუბლიდან სახვევი მოიხსნა, საფეთქელთან ახლოს გამოჟონილი სისხლი ფრთხილად მოწმინდა. შუბლზე ხელი გადაუსვა და ჩამოშლილი თმები უკან გადაუნია, მერე კი ფრთხილად შეუკრა. ხელის შეხებისას გოგოს უცნაურმა ჟრუანტელმა თხემით ტერფამდე დაუარა. ინვა დარცხვენილი და გარინდებული. ოფლიანი თავსახვევის სუნი ცხვირს უწვავდა და მისდა გასაოცრად ზიზლის ნაცვლად რალაც გამოუცნობ ბურუსში ხვევდა. ეს არ იყო მარტო ოფლის სუნი, მას კიდევ რალაც სხვა სურნელი ახლდა, რომელმაც მისთვის შეუცნობელ სამყაროში გადაისროლა...

\* \* \*

ფეხარეულ კაცს დიდხანს არ უვლია. საშინელმა მოთენთილობამ შეიპყრო. არ წავიქცეო, გაუელვა გულში. მტირალა ტირიფს შეაფარა თავი წვრილი ტოტები ქალის თმასავით რომ ჩამოშლოდა. ძელსკამზე ჩამოჯდა, ბეჭებით საზურგეს მიესვენა. ასევე ჩამოშლოდა გოგოს იმ საბედისწერო დღეს სახეზე თმები, რომლის მიღმა, ცრემლებში მობანავე ორმა გიშერმა სააქაოს მოსწყვიტა ბიჭი. ვერც ვერასოდეს დაივინყა. რომ არა ის შემთხვევა, ნეტავ როგორ წარიმართებოდა მისი ცხოვრება?

\* \* \*

ხომ შეეძლო ცხენს ოთარი გადაეთელა? სად იყო ფიქრის დრო, განწირულმა ყვირილმა გამოაგდო ყანიდან და რაც შემდეგ მოხდა ღვთის სასწაულად მიიჩნია. არც ხალხის შეძახილები ესმოდა, ვერც თვალცრემლიან მოხუცს ხედავდა, რომელიც გულში იკრავდა. ვაჟკაცის სახელი გაუვარდა. დიდი ღვთის გადაიხდა თინიკოს ბაბუამ. თინიკო მეზობლის ქალებთან ერთად სუფრას ემსახურებოდა. გამომშვიდობებისას თინიკოს ბაბუამ, გერასიმემ შვილიშვილს დაუძახა – შენ გადამრჩენელს, ჩვენ გადამრჩენელს მად-



ლობა უთხარი შვილო, მადლობა უთხარი რომ არ დავიღუპეთ და გამწარებული არ გამიშვა სამარეში. ოთარს მისი მადლობა რად უნდოდა, თვალები ისედაც ყველაფერს ამბობდნენ. მოსაუბრეებს მეზობლის ენაკვიმატი ქალი ფოტინე მიუახლოვდა, ხელში თევზები ეჭირა და პირველი სართულისკენ მიემართებოდა. სანამ კიბეს დაუყვებოდა თავი მოსაუბრეებისკენ მოაბრუნა და სიცილგარეული ხმით თქვა: გერასიმე, გერასიმე, ბედი კარზე მოგდგომია, ხელი არა ჰკრაო! ბაბუას უცბად არ უპასუხნია, პირველად სახე შეეკუშტა, მერე ღიმილმა გადაკრა და უპასუხა: ეჰ, ფოტინე, ფოტინე, აქამდე უბრად იმიტომ იყავი ეგ რომ გეთქვა? მარტო მე კი არა მთელი სოფელი ასე ლაპარაკობს, უკეთეს სასიძოს სად იპოვისო. ახალგაზრდებს აღმა გადაჰკრათ სახეზე, უხერხულობისგან აღარ იცოდნენ საით გაეხედათ. ისევ ბაბუამ განმუხტა სიტუაცია. რა დროს სიძე-მაცრობაა ფოტინე, ესენი ხომ ჯერ ბავშვები არიან! პატარა პაუზის შემდეგ კი დაამატა: ხომ გაგიგონია ადამიანთა ბედი აქ კი არა ზეცაში წყდება, ზეცაში... მეტი არაფერი უთქვამს. უკან შებრუნდა და სუფრაზე შემორჩენილ მოქიფე სტუმრებისკენ გაემართა. თინიკომ ჭიშკრამდე გააცილა სტუმარი. დამშვიდობებისას ოთარმა ხელი გაუნოდა. მის ვაჟკაცურ ხელში გოგოს ნაზი თითები ბელურასავით აფართხალდა. მხოლოდ ორი სიტყვა უთხრა – მალე გნახავო და თავქვე დაეშვა. თინიკოს ხელი ისე უხურდა გეგონებოდა ნალვერდალში შეეყო. უცნაური გრძნობისაგან აფორიაქებულმა სირბილით გასწია სახლისკენ.

\* \* \*

ოთარმა ხელები მოიფშვნიტა, მუხლებზე დაიკრა და ფეხზე წამოდგა. გამოვიდა ტირიფის კორომიდან, მიიხედ-მოიხედა, დეკორატიულ ქვის კედელთან მოწანწკარე წყალი შენიშნა, ახლოს მივიდა და ცივი წყალი სახეზე შეისხა, მერე დაენაფა, გული გაიგრილა და ისევ ტირიფის კორომში შეიძრა. ჩამოჯდა, თავი ჩაქინდრა და განყვეტილ ფიქრს აედევნა.

\* \* \*

ოთარი მეზობელ სოფლიდან იყო, დედუღეთში ბებიასთან და ბაბუასთან ხშირად ჩამოდიოდა, მარტოდ დარჩენილ მოხუცებზე ზრუნავდა და ეხმარებოდა.

იმ წელს მისაღები გამოცდები უნდა ჩაებარებინა თბილისის სახელმწიფო უნივერსიტეტში, ფილოლოგობას აპირებდა. დავბრუნდები სოფელში, ოჯახს შევქმნი და მასწავლებლად ვიმუშავებო. სამხედრო სამსახურში მოულოდნელმა განწვევამ მთელი ცხოვრება აურია. თინიკოც კი

ვერ ნახა. გზიდან წერილი მონერა და სიყვარულიც წერილით გაუმხილა. სამწლიანი განშორება ადვილი არ იყო.

სამხრობისას ცაგო თინიკოს ჭიშკარს მიუახლოვდა და დაიძახა:

– თინიკო! თინიკო!

პირველ სართულზე სამზადის ორნამენტებიანი, ნაბლის მძიმე კარი გაიღო და თმაშეკრულმა თინიკომ გამოიხედა.

– ცაგო ბიცოლა, აქ რას დგახარ, შემოდი! – შინ შეიპატიჟა მასპინძელმა.

– სად მცალია გოგო, ისეთ დღეში ვარ ცუცხლი მიკიდა, სტუმრები ჩამომივიდნენ დედაქალაქიდან, მეტად საპატიო სტუმრები, არ მინდა რომ შევრცხვე, უნდა დამეხმარო. მერე მე ვიცი შენი პატივისცემა, – არ ცხრებოდა ცაგო. – მეტად საპატიო სტუმრებია, საკადრისად უნდა დავხვდეთ.

– ცაგო ბიცოლა, რა პატივისცემაზეა ლაპარაკი. სიმინდის ფქვილს ვცრიდი, ბაბუასთვის ჭადები მინდოდა გამომეცხო.

– რა დროს მჭადებია, – არ დაამთავრებინა ცაგომ, – სალამოსთვის სუფრა გვექნება. რა თქმა უნდა, ბაბუაც დაპატივებულია. კარგად გამოიპრანჭე, ქალაქელი გოგოებია, ერთი მზეჭაბუკიცაა, თვალი უნდა დავუყენოთ გოგო, თვალი! – ეშმაკურად გაიღიმა, მხრები შეარხია, თავი მალა ასნია და წარბებიც აძგობა.

– კარგი, ცაგო ბიცოლა, დაგეხმარები. – ცოტა შეცბუნებულმა უპასუხა თინიკომ.

სალამოს გერასიმე შვილიშვილთან ერთად მეზობლის ოჯახს ესტუმრა. დიდებული, ნამდვილი ქართული სუფრა იყო გაშლილი. ქალაქიდან არცთუ ისე ბევრი სტუმარი იყო ჩამოსული – ოცდაათს გადაცილებული მამაკაცი, მისი ორი და, და ბაბუას ტოლი მხცოვანი მამაკაცი – მათი მამა. კარგად მოილხინეს. ახალგაზრდა მამაკაცი მისდა გასაკვირად ძალიან მალე გაუშინაურდა, უმრავრამეს ეკითხებოდა და ისიც გულუბრყვილოდ ყველაფერზე პასუხობდა. რამდენჯერმე მოხუცი კაცის მზერა დაიჭირა, მუშტრის თვალით რომ ათვალეირებდა. არ ესიამოვნა, მოიწყინა და სახლში წასვლა დააპირა.

– ბაბუ, ბაბუ, – მკლავში ხელი მოჰკიდა და ყურში ჩასჩურჩულა – სახლში მინდა წასვლა.

– რას ლაპარაკობ შვილო, სირცხვილია, თუ პატივისცემა ოჯახს ბოლომდე უნდა ვცეთ პატივი, ასეთია ბაბუა სუფრის წესი.

ლხინი გახურდა. ცელქმა ცოლიკაურმა ყველა გაახალისა და ისედაც თბილი ატმოსფერო კიდევ უფრო დაათბო. სიმორცხვის და უხერხულობის გუშაგებმაც მიიძინეს. ახალგაზრდა კაცი გიტარას დასწვდა და ქალაქური მელოდია დაამღერა. ვერაფერს იტყვი, საუცხოოდ მღეროდა. მოხდენილი კაცი იყო, შავგვრემანი და შავთმი-

ანი, ლამაზად ჩანნიკნიკებული თეთრი კბილებით. უხდებოდა ღიმილი, რომელიც სახეს სანდო იერს აძლევდა. თინიკომ რამდენჯერმე მისი მზერაც დაიჭირა. შეკრთა, დაირცხვინა და ლხინის დამთავრებამდე მისკენ აღარც გაუხედავს. დაახლოებით ერთი კვირა დარჩნენ სტუმრები და ერთი კვირა ეხმარებოდა თინიკო ცაგოს. ახალგაზრდა კაცს თენგიზი ერქვა, მის დებს – ია და ეკა. ია გვერდიდან არ შორდებოდა თინიკოს და საქმიანობაში ეხმარებოდა. ათას რამეზე საუბრობდნენ, უფრო სწორად ია საუბრობდა. ხანდახან მოხუცი კაციც ჩაერეოდა და თავის ჭროლა, მჩხრეკავი თვალელებით შიშს ჰგვრიდა თინიკოს. ერთი ორჯერ ბიჭიც ჩაერია, ლამაზი ქართულით საუბრობდა. ჰკითხა ისე, სასხვათაშორისოდ, სკოლა როდის დაამთავრეთო. ეს იყო და ეს. კვირის ბოლოს ცაგოს სტუმრები ქალაქს გაემგზავრნენ.

თინიკოს ყველაზე დიდი სიხარული ოთარის წერილის მიღებისას ეუფლებოდა. მიუხედავად იმისა, რომ უჭირდა მისთვის მოულოდნელი გაქრობა ეპატიებინა. ჩემს უნახავად როგორ წავიდა, ყველაფერი უნდა ელონა რომ ვენახეო.

ამ ამბიდან არც თუ ისე დიდი დრო იყო გასული, ბაბუამ თინიკოს რომ უთხრა: ბაბუ, თუ სადმე გახვალ დროულად დაბრუნდი, უნდა ვისაუბროთო. შეფიქრებულნი ჩანდა ბაბუა. თინიკოს გაუკვირდა:

– ბაბუა, რა სასაუბრო გაქვს, ახლავე მითხარი, სალამომდე რა გაძლებს. თუ კარგი ამბავია ახლავე მითხარი, საჩუქარი მიყიდე? – არ ისვენებდა თინიკო. – არ მითხრა ახლა ველოსიპედი გიყიდეო.

– ხომ არ დაგავიწყდა შენ ქალი რომ ხარ, მთელ სოფელში გინდა მომჭრა თავი? – ბაბუა სასტიკ უარზე იყო, – ჯერ იყო და ცხენით კინალამ დამღუპე, ახლა კიდევ ველოსიპედი? არა ბაბუ, ველოსიპედი არაა ქალის საქმე, ვინ დადის ჩვენთან ველოსიპედით. მხოლოდ ქალაქში ვნახე ვიღაც ქალი ველოსიპედით რომ დადიოდა, იქაც უამრავი ცნობისმოყვარე უცქერდა.

– კარგი ბაბუ, რა გაენწყობა, შენზე უკეთესი მოსაუბრე ვინ მყავს, შენთან საუბარი ყოველთვის სახალისო და სასიამოვნოა. გადავდებ ყველა საქმეს, არ ვნახავ არც ლელას, არც მაგდას და სალამოს ვისაუბროთ, ისე როგორც ბავშვობაში ზღაპარს რომ მიკითხავდი, – თქვა ღიმილმორეულმა. – შევეთანხმდით ხომ, წავედი ახლა მე, ერთი სული მაქვას როდის მოვა სალამო, ცნობისმოყვარეობა მკლავს.

– წადი ბაბუ, წადი!

თინიკომ შენიშნა ბერიკაცს თვალელები დანამოდა. ცხოვრებისაგან სვებედგამწარებული და გულგაკერპებული მხოლოდ ერთხელ ნახა ცრემლიანი. ცხენიდან რომ გადმოვარდა, მაშინ. ნეტა რა ხდებოდა?





ვახშმობის შემდეგ ბაბუა აივანზე გავიდა, სკამზე ჩამოჯდა, თინიკოს მოუხმო და უცნაურად დაინყო:

– რა მშვენიერია ბაბუ სამყარო, რა მშვენიერია ჩვენი კუთხე, ამაზე უკეთეს სამოთხეს სად ნახავ, – მერე ცოტა შეეყოვნდა, გულისჯიბიდან პრიმის კოლოფი ამოიღო, ძლივს გახსნა. ხელები უკანკალებდა, ეტყობოდა რომ ძალზე ღელავდა. ერთი ღერი ამოიღო, მოუკიდა და გააბოლა, – ლამაზია ბაბუ წუთისოფელი, მაგრამ ამასთან ერთად მაცდური და დაუნდობელი, – ისევ შეეყოვნდა, ჩაფიქრდა. ცოტა ხანში სახეზე ღიმილმა გადაჰკრა და გააგრძელა, – გახედე ერთი უფინარას ხევის, მზე როგორ გადაგორდა მთის მიღმა, რა ფერებია, გეგონება მთის თავს აღმური ასდისო.

უკვირდა თინიკოს, ადრე როგორც ბავშვს ისე ესაუბრებოდა, ახლა კი როგორც მის ტოლს. რალაც მნიშვნელოვანი ხდებოდა მის ცხოვრებაში. სკამი ბაბუასთან მიაჩოჩა და სმენად იქცა.

– შეხედე ბაბუ, შეხედე, რა სილამაზეა. სიკვდილი იმიტომ უჭირს ადამიანს ამ სილამაზესთან განშორება რომ უნევს. ერთი რამე გახსოვდეს კარგად, ისე არაფერი აბრძენებს კაცს, როგორც ეს ტიალი წუთისოფელი.

– რა იყო ბაბუ, რა გაცოცხლებული მიყურებ? – შვილიშვილი შიშმა შეიპყრო.

– მოინი, აქეთ მოინი და კარგად მომისმინე. ოღონდ არ შეშინდე, ჭკვიანი კაცის ნათქვამია, შიში დროის უქმი დაკარგვააო. ბაბუაშენს იმდენი რამე აქვს ნანახი და განცდილი შიშის გრძობა კარგა ხანია დაკარგა და არც მეგონა თუ ოდესმე გამახსენებდა თავს. ექიმთან ვიყავი, სასიკეთო ვერაფერი მითხრა, გარდაუვალზე მიმანიშნა მხოლოდ. თავს გაუფრთხილდიო, ნაკლები ჯაფა და მეტი დასვენებაო. სიკვდილს ვინ გაქცევია ჩემო პატარა, მაგრამ არ მეგონა თუ ასე ახლოს დაძრწოდა. სიკვდილის არ მეშინია, შენს გამო შემომეპარა შიში. ყველაფრისთვის მზად უნდა იყო.

თინიკოს ცრემლი წასკდა.

– ბაბუ! ყველა უბედურებამ ჩემთვის რატომ მოიცალა, ნეტავ რით მოვხიბლეთ? დედა მე არ მახსოვს და მამა, არც მათი ალერსი და ჩახუტება. მათ ჯავრს ბეზიაც გადაჰყვა, ნუთუ საკმარისი არ არის? ნეტავ კიდევ რა მელოდება წინ? შენ იყავი ჩემი ბურჯი და იმედი და შენც მტოვებ? მე რა გამაძლებინებს, ვის უნდა შევეკედლო?

– ჰოდა, მაგაზე მინდა დაგელაპარაკო ჩემო ერთავ და ჩემო ანგელოზო. ოღონდ მშვიდად მომისმინე და მერე მშვიდად გადავწყვიტოთ. ცაგოსთან რომ სტუმრად ოჯახი იყო ჩამოსული, ხომ გახსოვს? – პატარა ხანს ჩაფიქრდა, სახენამონითლებულმა ღრმად ჩაისუნთქა და პირგამშრალმა ძლივს ამოთქვა, – იმ ოჯახს რძლად უნდებარ. ხო, რძლად ბაბუ, რძლად. კარგი ოჯახი აქვთ, შეძლებულებიც არიან და ეს ცოტას არ

ნიშნავს. დედაქალაქში ცხოვრობენ, შენს სწავლა-განათლებლაზე ისინი იზრუნებენ. არაფერს არ მოგაკლებენ. სასიძო არ არის ურიგო ბიჭი, არც შეხედულება აკლია და არც ჭკუა-გონება. ხელის გულზე ეყოლები, – ჩქარა ლაპარაკობდა ბაბუა, უნდოდა სათქმელი სწრაფად ჩათავებინა. გაოგნებულმა გოგომ, რომ არაფერი თქვა, თავჩაღუნულმა განაგრძო, – ვიცი არ არის ადვილი გადასანყვეტი. იფიქრე ხვალამდე, ისე კი იცოდე, მე დამშვიდებული მაშინ გავალ ამ ქვეყნიდან, როცა მეცოდინება რომ შენ თავმესაფარიც გაქვს, ოჯახიც და სარჩო-საბადებელიც. ვიცი ბაბუ, ვიცი და ვიხედები შენს გულში, სიყვარულზე დიდი და ამაღელვებელი გრძობა ამქვეყნად არ არსებობს, დიდი ბედნიერებაა სიყვარულით შექმნილი ოჯახი, მაგრამ ცხოვრებას თავისი უცნაურობები ახასიათებს, რომლის ამოხსნა ყოველთვის არ ხერხდება. ჩვენს სოფელში ოჯახების უმრავლესობა გაცნობა-გარიგებითაა შექმნილი, სადაც თვალისჩინივით უფრთხილდებიან ოჯახის სინმინდეს, სიმტკიცეს. მოწონებით იწყება ყველაფერი, იმ ბიჭს ძალიან მოწონხარ, მოწონება და ურთიერთპატივისცემა კი დიდ სიყვარულში გადაიზრდება.

რა ექნა ბაბუას, შექმნილი მდგომარეობიდან მხოლოდ ერთადერთ გამოსავალს ხედავდა:

– ახლა გვეყოფა ჩემო პატარავ, ოღონდ ჩახუტების გარეშე არ დამტოვო ცხოვრებისგან დაწინილული ბერიკაცი.

თინიკო ფეხზე წამოვარდა, ცრემლდადენილ და მხრებაცხცახებულ ბაბუას გამხმარ მკერდში ჩახუტა.

გერასიმემ თავის ერთას კარგი ქორწილი გადაუხადა. სამ დღეს ილხენდნენ. თინიკოს ქორწილისთვის გადანახული შუმი ღვინით სავსე ჭურს მოხადეს თავი. გარეგნულად ყველაფერი ბრწყინავდა. ბაბუა გახარებული იყო, ჩემს შვილიშვილს საიმედო პატრონი და ღირსეული ვაჟკაცი გამოუჩნდაო. სნეულებაც კი გადაავიწყდა. მხოლოდ ერთხელ უსიამოდ ეჩხვლიტა გულში, როცა ფოტინემ უთხრა: გერასიმე, ვითომ გააბედნიერე შვილიშვილი? იმ ბიჭს რაღას ეუბნები სიკვდილს რომ გადაგიჩინაო.

ახალი ოჯახი თინიკოს თან ჰყვებოდა, რომ იტყვიან ხელისგულზე ატარებდა. დედოფალივით იყო, ყველა სურვილს უსრულებდნენ. ქმარი გვერდიდან არ ცილდებოდა. თუ მეუღლეს უგუნებობას შეამჩნევდა, სანამ არ გაამხიარულებდა, თავს არ ანებებდა. შესაშური ხასიათი ჰქონდა, დიდსულოვანი პიროვნება იყო. თინიკო უცხო ენების ფაკულტეტზე მოეწყო. მის ბედს ბევრი შენატროდა. ყველა ხორციელი სნეულება მოშუშების შემდეგ დავინყებას მიეცემა ხოლმე. სულის ჭრილობა კი მარადიულია და განკურნებას არ ექვემდებარება. ღამე არ გაივლიდა ისე, მის





ზმანებებში ოთარის ხატება რომ არ ამოსვეტილიყო. ვერაფერი ვერ მოუხერხა, რამდენიც არ ეცადა ვერ ჩაგმანა ის კარი, ვერ გაახვია დავინწყების ბურუსში. ოჯახს მემკვიდრე სურდა, თინიკოს კი შვილი არ უჩნდებოდა.

ოჯახის უფროსი ნუხილს აშკარად გამოხატავდა: ისე არ მინდა მოვკვდე, შვილიშვილს რომ არ მოვესწროო. თინიკო თვითონაც განიცდიდა. ძნელი გასაძლებია, როცა ზურგს უკან ჩუმ-ჩუმი საუბარი ისმის და შენს მიახლოებაზე ჩუმდებიან. ერთდერთი ვინც ამას ყურადღებას არ აქცევდა მეუღლე იყო. ისევ ძველებურად შესცივინებდა, ნამოავლებდა ხელს და ოთახებში დაარბენინებდა. თავდავინწყებით უყვარდა თავის სიფრიფანა გიშრისთვალემა მეუღლე, მაგრამ ერთ დღეს, როცა ოჯახის უფროსმა ყველას გასგონად თქვა: უნაყოფო ხეს ჭრიანო, ყველაფერი დამთავრდა.

არანაირმა ხვეწნა-მუდარამ არ გაჭრა, თინიკომ კატეგორიულად მოითხოვა განქორწინება. მე შვილი არასოდეს მეყოლება და არ მინდა ეს ოჯახი უშვილოდ დარჩესო. მეუღლემ შესთავაზა, ბავშვი ვიშვილოთ და გავზარდოთო. თინიკო უარზე იყო: მამაშენს თავისი სისხლი და ხორცი უნდაო. რას იზამდნენ, დაშორდნენ ერთმანეთს. მიუხედავად გაყრისა, მეუღლე სიცოცხლის ბოლომდე არ აკლებდა მზრუნველობას, კეთილმონყობილი ბინაც უყიდა. დაშორებიდან ორი წლის თავზე, ოჯახის დაძალებით, თენგიზმა სხვა ქალი შეირთო, ბავშვებიც გაუჩნდათ. თინიკოს სიყვარული იყო თუ სხვა მიზეზი, ბოლო ხანს სმას მიჰყო ხელი, უკურნებელი სენი შეეყარა და გარდაიცვალა. თინიკომ მტკივნეულად განიცადა თენგიზის სიკვდილი, სამძიმარზეც იყო და ჭირისუფლებს დაკრძალვამდე არ მოშორებია. ნუხდა, თავს იდანაშაულებდა, მეც მიმიძღვის ბრალი მის სიკვდილშიო.

სხვა მრავალ სატიკვართან ერთად თინიკოს გულში ხინჯად ჰქონდა ჩარჩენილი, ბავშვობისას, მის მიერ გასროლილმა თოფმა როგორ იმსხვერპლა მერცხალი და მისი ბარტყები, არც ყვავს დაუშავებია რამე. ბარტყები რომ ვიმსხვერპლე, ალბათ ამიტომ არ მომცა ღმერთმა შვილიო. ხეების დარგვა დაიწყო. ყოველ წელს სახლის გარშემო ნარგავებს რგავდა, გაიზრდებიან და ჩიტები ბუდეებს გაიკეთებენო. მართლაც გაიკეთეს ჩიტებმა ბუდე, ბარტყებიც გამოჩეკეს და კიდევაც დააფრთიანეს.

თინიკოს გათხოვების ამბავი იმდენად მოულოდნელი იყო ოთარისთვის, ეგონა ფეხქვეშ საყრდენი გამოეცალა და ცა დაემხო. ღალატით დანავსულმა სულის ტკივილმა ცხოვრების საზრისი დაუკარგა, ავად გახდა და ჰოსპიტალში მოათავსეს. საშინელი მელანქოლია ტანჯავდა. ექიმებმა ვერაფერი გაუგეს და ერთი თვის თავზე ისევ სამხედრო ნაწილში დააბრუნეს. დრომ ყველაფერი

თავის ადგილზე დააღაგა. სამხედრო სამსახურის დამთავრებისთანავე დედაქალაქში დაბრუნდა და ფილოლოგიურზე მოეწყო. თავდადებით შრომობდა. ცნობილი ფილოლოგი გახდა. ცხოვრობდა ჩვეულებრივი ინტელიგენტი კაცის ცხოვრებით. ჰქონდა იმდენი, რაც არსებობისთვის იყო საჭირო. არასოდეს არ ყოფილა ნივთიერით გატაცებული. საბედისწერო შემთხვევამ და უიღბლო სიყვარულმა, გულში ჩაბუდეულმა ქალის ხატებამ საქალეთი გადაავინწყა, ოჯახიც კი არ შეუქმნია და შეხორცებული ჭრილობა კვლავ გაიხსნა, ააფორიაქა და საგონებელში ჩააგდო.

\* \* \*

ყოველ დილით ასაკოვანი ქალი და მამაკაცი თითქმის ერთდროულად ქუჩის სხვადასხვა მხარეს აჩქარებული ნაბიჯებით მიუყვებოდნენ გზას. პარკის შესასვლელთან ცოტა ხანს ჩერდებოდნენ, თითქოს გზას უთმობდნენ ერთმანეთს, მერე კი ამოჩემებულ სკამებზე სხდებოდნენ. ერთმანეთს არასოდეს გასაუბრებიან, მხოლოდ თვალებს თუ შეანათებდნენ ხოლმე. მერე ქალი წამოდგებოდა და თავის გზას გაუყვებოდა. კაცი კი მოგვიანებით დაადგებოდა შინისაკენ მიმავალ გზას.

ოთარი იმ დღეს ჩვეულებისამებრ გაუყვა ქუჩას. შევიდა ბაღში და შადრევანთან სკამზე რომ უნდა ჩამომჯდარიყო, თვალში მოხვდა გამჭვირვალე ცელოფნის პარკში ჩადებული თეთრი ფერის ქსოვილი. გაიფიქრა, ალბათ ვინმეს დარჩა და მოაკითხავსო. ჩამოჯდა, იქაურობა მოათვალიერა, არც ქალი ჩანდა შადრევნის მოპირდაპირე მხარეს. ალბათ, რაღაც საქმე გამოუჩნდა და მოგვიანებით მოვაო. აწრიალდა, წამოდგებოდა, იქვე გაივლ-გამოივლიდა და ისევ ჩამოჯდებოდა. მტანჯველად გაინელა დრო, ჩამოცხა. ქალი კი არ ჩანდა, არც ნივთს აკითხავდა ვინმე. ცნობისმოყვარეობამ ქსოვილზე გადაათანინა მზერა. მიწვდა, გახსნა. პირსახოცი იყო, ოღონდ ძველებური, ოდნავ გახუნებული. გადაატრიალა, მისი ყურადღება ტილოზე ამოქარგულმა მზემ მიიპყრო. თითქოს რაღაც გაახსენდაო, კიდევ ერთხელ გულდასმით შეათვალიერა და შეცბუნებულს კინაღამ ხელიდან გაუვარდა. ეჭვგარეშეა, ეს ხომ ბებიას ნაჩუქარი პირსახოცია მზითა და მისი ინიციალებით ამოქარგული, რომლითაც მაშინ თინიკოს სისხლი მოწმინდა და თავი შეუკრა. გაოგნებული კაცი სკამზე ჩამოესვენა, კარგა ხანს იყო გარინდული. როდის-როდის გამოერკვა, ცას ახედა, ტყვიასავით ჩაუქროლა აჭახჭახებულმა შაშვმა, მისმა საყვარელმა ფრთოსანმა. სახეზე ღიმილმა გადაჰკრა, წამოინია, აქეთ-იქით მიმოიხედა, აფართხალეზულ გულზე პირსახოცი მიიკრა და პატარა ბიჭვით აცუნდრუკებული ჩქარი ნაბიჯით გაუყვა გზას.



ლელა  
კურტანიძე

სიამოვნებათა რუკაზე გამოფენილ  
სახესხვაობებიდან  
ზამთარში  
ჭარბობს მყუდრო სახლი,  
მონიტორები და კაქტები,  
კატაჟი,  
ბუხრის წინ,  
ნახევრადდაღლეული ღვინო  
და გამოუღვეველი სიმარტოვე.

ლელა კურტანიძე

მ  
ლ  
ა  
ნ  
ა  
ნ  
ა  
ნ  
ა  
ნ  
ა  
ნ  
ა  
ნ  
ა  
ნ  
ა  
ნ  
ა  
ნ  
ა

36



\* \* \*

მე  
არ აგინევ ხელებს  
ცაში,  
რადგან თვალები  
ისედაც მაგონებს ტბის პირას ანთებულ სანთლებს.  
გახსენებული ნიავი  
ისევ ისეთი ნაცრისფერია  
და ისევ დაკრავს სევდა  
წელზე შემოხვეული მკლავების,  
რომელიც არ მთხოვდა მოფერებას  
არამედ შველას.

არ გადაგინევ თმას,  
რათა დავინახო,  
როგორ ჩავიკარგე ამაზონის ტყეში  
და ჯუნგლებით სავსე გაქანება  
ფრთხილად გადავწმინდო.  
შენი მკერდი კი  
ჩამქრალი ვეზუვია  
სადაც მნიფობენ ფორთოხლის არომატები.

გეხები ყელზე და ვფიქრობ,  
თოვლის დედოფალი არც ისე ცივია,  
არამედ სიყვარული  
კრისტალებში გადატყდა  
და მისუსხავს თითებს.

კანზე ალენილი ვნების თხილამურები  
უმისამართოდ მიაქანებენ სიტყვებს  
სადაც ფინიშის ხაზი შენი ტუჩებია,  
რომელიც მას ღამე წამიკითხავს.

არ აგინევ ხელებს  
რადგან ცა აქვე მაქვს,  
და აქვე მაქვს მინის გული,  
როგორც ულაპარაკო ჯოჯოხეთი,  
რადგან ცა ასე შორია,  
რადგან შენს თითებზე ისევ თრთიან  
შემოდგომის არომატები,  
რადგან შენს მუცელზე  
მხოლოდ შენივე საფლავების ანაბეჭდებს ვხედავ,

რადგან შენი მუხლები  
ჩემი ართქმული სურვილებივით იკეცებიან,  
რადგან,  
რადგან ცა ხარ,  
რომელსაც ვერ შევწვდი,  
ჩემო თავო, გამოდი შენგან,  
„გაიქეცი ბაბილონისგან“.

\* \* \*

ფიქრობ, პარასკევი საღამოები  
ლექსის მოძღვნას იმსახურებენ  
და ის ქალები,  
რომლებიც პარასკევი საღამოზე წერენ,  
არასოდეს გაამხელენ,  
რა მოხდა პარასკევს  
და რამდენ დღედ არის დაყოფილი  
მათი ერთი კვირა.

სიამოვნებათა რუკაზე გამოფენილ  
სახესხვაობებიდან  
ზამთარში  
ჭარბობს მყუდრო სახლი,  
მონიტორები და კაქტები,  
კატაც,  
ბუხრის წინ,  
ნახევრადდაღლეული ღვინო  
და გამოუღვეველი სიმარტოვე.

სოფლის ეზოებს  
ძაღლების ყეფაც ემატებათ  
ქალაქებში კი –  
უნესრიგოდ გადაყრილ ნაგავს  
შემოჯარული ცხოველები.

ყველა გზა ხსნილია სინამდვილეში  
კომენდანტის საათისას,  
რადგან ბინების ჩაბეტონებული ჩრდილებიდან  
გამოდიან არსებები,  
რომლებსაც ვერაფერს უკრძალავენ  
რადგან არავის ესმის მათი ენა  
და არ აღიარებენ ტოლად  
და სწორად.



ასეთი შეკრებები  
 ნაგვის ბუნკერებთან  
 არ უხდება პარასკევ საღამოს,  
 როცა წესით  
 ყველაფერი კარგად უნდა იყოს,  
 თუნდაც ყინავდეს.  
 მაგრამ ამისთვის საჭიროა  
 ოცდაოთხი საათი კომენდანტი იყოს  
 და პარასკევ საღამოს  
 არ წერდნენ ქალები  
 პარასკევი საღამოების შესახებ,  
 რადგან ეს დროის სხვაგვარ  
 ათვლას ნიშნავს,  
 რომელიც არც უკეთესია  
 და არც უარესი.



**ლელა კურტანიძე**

სიყვარული ყავისფერი მარცვლების  
 ორთქლადენილი არომატია!

ხომ არ დამპატიყბდი ფინჯან  
 ყავაზე?  
 იქნებ ვისეირნოთ ნაცრისფერ  
 ქალაქში  
 სადაც აღარ არის წვიმა  
 და მშრალია კაბა.  
 ლამპიონები საღამოს ექვსიდან  
 ანათებენ,  
 ქარის ხმა ისმის,  
 მაგრამ ისიც ისევე წარმავალია,  
 როგორც სიტყვა „ნახვამდის“,  
 როგორც სიტყვა „ხვალე“  
 რადგან ყავა მიცივდება  
 და მელის აივანი  
 უშენოდ  
 უჩვენოდ  
 უჩუმრად.

\* \* \*

ხომ არ დამპატიყბდი ფინჯან ყავაზე?  
 იმ აივანზე,  
 საიდანაც დიდებულად მოჩანდა  
 ჩვენი მომავალი.  
 ახლა ირგვლივ მხოლოდ ნანგრევებია  
 და ქუჩა,  
 სადაც ლამპიონი მხოლოდ ღამით ანათებს.

გამომივლიდი,  
 მკლავს მკლავზე მომადებდი და  
 დამალული ღიმილი მომკლავდა,  
 რადგან გალიმება  
 სისხლის სამართლის კოდექსით აკრძალეს.  
 ჩვენ დავიზეპირებთ ყავის გემოს  
 და სუნი საუკუნო ფარდად ჩამოწვება  
 ჩვენ შორის,  
 ოღონდ ჩამოდი  
 მაგ სიმალეებიდან,  
 მზემ არ წაგიღოს.

მოვითხოვდი გაზაფხულს  
 სპონტანური შეხვედრის მახარობლად  
 და ჩემი კაბა  
 გავფინე მარადიულ წვიმაში,  
 აივანზე კი მოჩვენებები დგანან,  
 ანურულები  
 და გაკვირვებული მოგვჩერებიან.

უნდა დაგეცვა ჩვენი აივანი  
 და ყავის გემო,  
 რომელიც მოკლეს სიტყვებით  
 „ნახვამდის“  
 ვინაიდან სიყვარულს არ აქვს  
 „ხვალე“  
 არც „გუშინ“  
 და არც „დღეს“

\* \* \*

ჩემი აზრით  
 ნუთი ნუთზე მოვა მატარებელი,  
 რომელშიც ჩავსხდებით  
 და რომანტიულ ვახშამს გავმართავთ,  
 შემდეგ რომანტიულ ღამეს.  
 მე ფრიგიდული ვიქნები და  
 შევასრულებ მხოლოდ მოვალეობებს.  
 მოგეცემი.  
 და ყველაზე მოკრძალებულ პოზაში  
 თავს საწოლის კიდეზე გადავადგებ,  
 დავაკვირდები მთვარეს და  
 ვარსკვლავებს  
 გაქანებული მატარებლიდან.  
 შენ კი არც მოგაფიქრდება  
 ყელზე შემახო  
 ყველაზე დიდი შეცდომა –  
 ამომნიო დაქანებული უფსკრულებიდან,  
 ასეთი მოძრავი ღამისგან.  
 ამის ნაცვლად  
 შენ ჩემს ბნელ ხვეულებში მიძვრები  
 და დასაბამის და დასასრულის  
 მნიშვნელობებს არკვევ.  
 და მე აღარ ვაქცევ ყურადღებას  
 ჩვენს სიშორეს,  
 რადგან მატარებელი ღამეში მიჰქრის,  
 შენ კი ჩემს სხეულებრივ ღამეებს იკვლევ.  
 ასეთი რომანტიული ღამე  
 მატარებელში უნდა გქონდეს,  
 რადგან მოძრაობამ მაინც გადაგარჩინოს  
 საკუთარი სხეულის უფსკრულებისგან,  
 მხოლოდ ინერციით თუ მიაღწევ  
 მეორე ნაპირს,  
 როცა გზა აღარ არის.





პაუა  
მიროტაძე

სადალაქოში, კარზე გაკრული აბრის ქვეშ ვიღარვს  
წითელი საღებავით მიენერა: ორი კოტე.

დალაქებს თავიდან ერთი-ორჯერ მაინც წაეშალათ  
ეს წარწერა, აქაოდა კანტორიდან ვინმე ინტრიგანი არ  
მოგვადგეს და არ დაგვსაჯონო, მაგრამ წარწერა შავმუშამ-  
ზავადაკრულ კარზე ისევ ჩნდებოდა და ორივე კოტე თან-  
დათან შეეგუენ ამ ამბავს – გულში კიდევ უხაროდათ,  
რომ ხალხის სიყვარული დაიმსახურეს.

ვაუა მიროტაძე

მ  
ლ  
ა  
ქ  
ე  
მ  
ს  
ა  
ვ  
ა  
მ  
ი  
რ  
ო  
ტ  
ა  
ძ  
ე

ორი კოტე

კოტე კობრეიძისათვის რომ გეკითხათ  
შენ უფრო ადრე მოხვედი ამ სადალაქოში თუ  
მეორე კოტეო, ყელს გამოიბდღვნიდა შაფა-  
ქიძე რას მიქვია, კაცს კი არადა ყვავსაც კარ-  
გად არ ეხსომება ჩემი აქ მოსვლაო, – იტყო-  
და ხოლმე სიამაყით...

ახლა მეორე კოტეს წაეკიდებოდა სახეზე  
ალმური: რა კობრეიძე, რის კობრეიძე, მე და  
პიმენა უფრო ძველები ვართო...

პიმენ დვალი კაი ხნის გარდაცვლილია და  
რა თქმა უნდა მოწმედ ვერ გამოადგებოდა  
შაფაქიძეს, ამიტომ ვერ გაერკვიათ ამ შემთხ-  
ვევაში კობრეიძე იყო მართალი თუ შაფაქიძე.

სიმართლეს ვერც მე გეტყვით, რადგან  
თბილისში რომ ჩამოვედი და უნივერსიტეტის  
სტუდენტი გავხდი, სადალაქოში უკვე ორივე  
კოტე მუშაობდა.

საპარკმახეროს ორთაჭალაში სამსარ-  
თულიანი კომუნალური სახლის პირველ სარ-  
თულზე ერთი მოზრდილი ოთახი ეჭირა, და-  
წარჩენში ფოსტა-ტელეგრაფი, ბიბლიოთეკა,  
სასურსათო და შერეული საქონლის მაღაზია  
და ფეხსაცმელების სახელოსნო იყო.

სადალაქოში, კარზე გაკრული აბრის ქვეშ  
ვიღაცას წითელი საღებავით მიენერა: ორი  
კოტე.

დალაქებს თავიდან ერთი-ორჯერ მაინც  
წაეშალათ ეს წარწერა, აქაოდა კანტორი-  
დან ვინმე ინტრიგანი არ მოგვადგეს და არ  
დაგვსაჯონო, მაგრამ წარწერა შავმუშამბაგა-  
დაკრულ კარზე ისევ ჩნდებოდა და ორივე  
კოტე თანდათან შეეგუენ ამ ამბავს – გულში  
კიდევ უხაროდათ, რომ ხალხის სიყვარული  
დაიმსახურეს.

დასჯის რა მოგახსენოთ, მაგრამ „ზე-

მოდან“ რამდენიმეჯერ შენიშვნაც მიიღეს  
ამის გამო, თუმცა მერე და მერე, როცა მათ-  
თან შეივლიდნენ, წარწერას თვალს არიდებდ-  
ნენ, თითქოს ვერ ამჩნევდნენ. სამაგიეროდ  
კლიენტურა იყო მაღლიერი. ასეთი ბევრი  
ჰყავდათ სეხნია დალაქებს. დღე არ გავიდოდა  
ამ პატარა, დაბალჭერიან სადალაქოში, რო-  
მელიც პელეს, მაცოლას, იაშინის, მესხის და  
მეტრეველის სურათებით იყო აჭრელებული,  
ზურგის კედლიდან კი იშვიათი მომხიბვლე-  
ლობით „ნეიზვესტნაია“ იმზირებოდა, ვინმე  
ბობოლა პარტიული ან სამეურნეო მუშაკი არ  
შემობრძანებულეო გასაკრეჭად.

ახლავე ბატონოო, მყისვე დაფაცურდე-  
ბოდა კობრეიძე...

ასეთ დროს შაფაქიძე კეთილი შურით  
გადახედავდა კოლეგას. კობრეიძეს რას გა-  
მოაპარებდი, ყველაფერს ხვდებოდა, თუმ-  
ცა არ იმჩნევდა და ყოველი თვის ბოლოს,  
როცა ყველაფერს მოიანგარიშებდნენ: ეს  
სახელმწიფო გეგმაო, ეს შავი ანგარიშებიო,  
ცერათითდასველებული კიდევ ერთხელ გა-  
დაითვლიდა მთელი თვის ნაღვან თანხას და  
ზუსტად, თანაბრად გაუყოფდა შაფაქიძეს.

კოტე შაფაქიძემ კარგად იცოდა, რომ შე-  
მოსავლიდან ლომის წილი კობრეიძეს ეკუთ-  
ვნოდა, რადგან თითქმის ყველა კლიენტი  
კარგად უხდიდა კობრეიძეს, მაგრამ ოჰ, არა,  
არაო, ერთი-ორჯერ იუარებდა, მერე მადლო-  
ბელი, მადლობელიო და შეთავაზებულ თანხ-  
ას საბოლოოდ მაინც აიღებდა.

მადლობა მერე იყოს, ოჯახი დროზე შეჰ-  
ქმენიო, მერამდენედ დაარიგებდა ერთი კოტე  
მეორე კოტეს. თვითონ კობრეიძეს სამი შვი-  
ლი ჰყავდა, ორი გოგო და ერთი ნანატრი,



ნაბოლარა ვაჟი. მათზე ამოდიოდა მზე და მთვარე, სულს ლევდა ოჯახისთვის, შრომაც უხაროდა და ცხოვრებაც.

კოტე შაფაქიძეს მშობლები ადრე გარდაცვლოდა და დედისერთას ახლა ცხოვრების კალო მარტო უნდა ელენა. ორმოც წელს გადაცილებული ოჯახს არ ეკიდებოდა, თუმცა რასაც შოულობდა კაპიკ-კაპიკ შეჭქონდა შემნახველ სალაროში.

თავიდან თითქოს არაფერი, მერე ისე შეეჩვივნენ ერთმანეთს, რალა ისინი და რალა ალალი ძმები, ერთმანეთს არაფერს უმაღავდნენ.

შაფაქიძე კოტე ხშირად სტუმრობდა კობრეიძე კოტეს და სამეურნეო საქმეებში ეხმარებოდა (კობრეიძეს კაი მოზრდილი ბაღრა და ბალ-ვენახი ედგა ორთაჭალაში).

კობრეიძეს უყვარდა ფიზიკური შრომა, შაფაქიძეს არც იმდენად, მაგრამ მეგობრის ოჯახში ბოლომდე იხარჯებოდა. რთველი უყვარდა განსაკუთრებით, რთვლობას დალაქი უჩვეულოდ აღტაცებული დაგემოვნებით კრეფდა ჩაშაქრებულ მტევნებს, რალაცნაირი დანანებით გაჰყურებდა გაღმა, მტკვრის ფერდობებზე სიყვითლეშეპარულ დიდრონ ხეებს და უცნაურად სევდამორეული სან-ნახელში ნელი, მონოტონური მოძრაობით ჭყლეტდა შემოდგომის მზით სავსე ბუდეშურ მტევნებს.

ჩუხჩუხა ბადაგით ქვევრებს რომ აავსებდნენ (კობრეიძეს ერთი ოცფუთიანი ქვევრიც ედგა სხვა პატარა ქვევრებთან ერთად) საჩურჩხელე-სათათარე ტკბილს შეინახავდნენ, ქართულ გულაბს, ჩაყვითლებულ ხიდის-თაურ ატამს, უტკბეს ხომანდულს, აჩაღულ სიმინდს, ორშიმო გოგრებსა და ყოველგვარ ნამამაგარს რომ დააბინავებდნენ მოყვარე-მოკეთეებს დაუძახებდა წლის მოსავლის დასალოცად მასპინძელი.

თამადა ასეთ დროს კოტე იყო, შაფაქიძე.

ხომ შუალამემდე ლხინობდნენ, რალა თქმა უნდა დილას თავისტიკვილაყოლებულები, მაგრამ სამსახურში მაინც არ დაიგვიანებდნენ, აუგს არავის ათქმევინებდნენ.

ჯერ კობრეიძე მიადგებოდა სადალაქოს, დიდ, იტალიურ ფანჯარას გამოაღებდა, ქოთნის ყვავილებს გულმოდგინედ მორწყავდა, თუნუქის ღუმელზე სათლს შემოდგამდა, ოთახში გაბმული ჭრელზოლებიანი თოკიდან წინა დღეს გარეცხილ-გაქათქათებულ საფენებს ჩამოხსნიდა, გააუთოებდა, კლიენტს მოხ-

ერხებულად ჩაუფენდა, ხაზის რადიოს აუნვედა და მუშაობას იწყებდა.

დაგვიანება არც შაფაქიძეს სჩვეოდა. უყვარდა ცაგამთენია ჩიტების ჟღერტული, მსუბუქ ქარბორიოში სიარული, ფეხით გადმოსჭრიდა ხოლმე პარალელურ ქუჩას და ათიოდე წუთში სადალაქოში იყო...

– როგორ ხარ? – ეკითხებოდა კობრეიძე...

– კარგად, კარგად...

– მგონი ზედმეტი მოგვივიდა წუხელ...

ასეთ დროს შაფაქიძეს ელიმებოდა, ელიმებოდა და არაფერს ამბობდა.

მერე მუშაობდნენ, მუშაობდნენ, სალაპარაკოდაც ვერ იცლიდნენ. როცა ხალხი შეხალვათდებოდა ან სულაც მიილეოდა, მაშინ თუ გაახსენდებოდათ, რომ სადილობა კაი ხნის ჩავლილი იყო.

ამ დროს ერთ-ერთი მიდიოდა ძია იორამასთან (იორამა ჭოხონელიძე რაჭველი კაცი, მათ გვერდით სასურსათო-სამეურნეო მაღაზიის სურსათის სექციაში მუშაობდა გამყიდველად) იღებდა ნახევარ კილოგრამ ძხვს, „კილკას“ ტომატის სოუსით, კომბოსტოს, ნივრის, კიტრის, წინაკის მწნილეულს, პურს, ცოტა ყველს, შედარებით იაფფასიან არაყს, საგულდაგულოდ გადანმენდნენ კუთხის მაგიდას, გადააფარებდნენ ზედ ალაგ-ალაგ ჩრჩილისგან შეჭმულ გაცრეცილ გადასაფარებელს, გადმოალაგებდნენ თეფშებს, ჭიქებს და ღმერთო შეგვენიყო, – პირჯვრისწერით გატეხდნენ ლუკმას.

სადილს ტრადიციულად იორამა უძღვებოდა. ენაწყლიანი კაცი იყო, ძველი ბულალტერი, ომში და ათას დარჯაკში გამოვლილს, ცხოვრებისაგან უღმერთოდ ნაჟეჟ-ნაგვემ კაცს, ცალი ფეხი ქერწში დაეტოვებინა, ფეხი კი არადა ახლაც უკვირს საერთოდ როგორ გადაურჩა იმ მენთატეხას.

– მოდით, ნაჩუქარი სიცოცხლის სადღეგრძელო დავლიოთო, – იტყოდა ძია იორამა და თვალებზე ცრემლი მოადგებოდა...

კლიენტი აღარ აწუხებდათ და ძია იორამაც კოტეებთან პურობას გააგრძელებდა, მარტო მე და ერთი ჯეელი ვუცდიდით დალაქებს.

– ჩაუფინეო, – ჭიქას ბოლომდე მივსებდა კობრეიძე...

– შეგერგებაო, – კვერს უკრავდა შაფაქიძე...

ჯუარობდი, ლექციებზე ვიყავი წასასვლელი, სალამოს დასწრებულზე ვსწავლობდი.





*მხატვარი სოფიო ქელიძე*

იორამას გული საგულეში ჰქონდა. ერთ თვეზე მეტია პრაქტიკაზე გოგონა გამოუგზავნეს. ის დალოცვილი ისე მალე და კარგად გაერკვა ყველაფერში, იორამა არსად არ ჩქარობს, დარწმუნებულია, რომ მისი შემცვლელი საქმეს არ გააფუჭებს.

– კოტე! – მიუბრუნდება იორამა ძია შაფაქიძეს, – შეირთე შვილო ნათელა (იმ პრაქტიკანტზე ეუბნებოდა) ანგელოზია და ანგელოზი...

კოტეს ეღიმებოდა და ამით მთავრდებოდა ყველაფერი.

ჯეელი კი ბოლომდე ცლიდა იმ ჭიქას, იმ ჭიქას და მომდევნოსაც.

– პოეტი ხარ, ნუ დაღევე, ისე გვითხარი რამეო, – ყელს მიწევდა შაფაქიძე.

– მოდი უთხარიო, – მხარს აუბამდნენ იორამა ძია და კოხრეიძეც.

ბონდოია ბიჭო, მარწყვი დამწიფებულა, შენს საფლავზე ბონდო, ნუხელ განვიმეზულა...

ჩვენი საამაყო ძმა ხარო, – აღტაცებას ვერ მალავდნენ თვალცრემლიანი დალაქები და გულში უმცროსი ძმასავით მიხუტებდნენ.

ის ჯეელი გაოცებული მიყურებდა, შურიანადაც...

მე ვიჯექი შეზარხოშებული კოტე შაფა-

ქიძის სადალაქო სკამზე, ჩემს გვერდით ის ჯეელი მოკალათებულიყო და ელექტრომანქანის ლულუნში სულს ორი კოტეს სევდიანი სიმღერა მიფორიაქებდა, რა არის ჩვენი სიცოცხლე, ჩიტივით გაგვიფრინდებაო...

ასეთ დროს რალაცნაირი ჩუმი სევდით ვითვრებოდ-ვითენთებოდი და მიყვარდა, ძალიან მიყვარდა ძია იორამა და ორივე კოტე. კვირა არ გავა დალაქებს არ მივაკითხო.

– მოვიდა ჩვენი ბულბულიო, – ერთხმად მომაცხებდნენ და მერე დანვრილებით გამომკითხავდნენ: რას ვჭამ, რას ვსვამ, ხომ არაფერი მიჭირს, ხანდახან კი, ვითომ შემთხვევით, ფულს სიძველისგან გახუნებულ-გაქუცულ პალტოს ჯიბეში ტაქტიანად ჩამიცურებდნენ.

\* \* \*

თბილისიდან რუსეთში სამუშაოდ ისე წავედი მეგობრებს ვერ დავემშვიდობე.

უცხოეთში ხშირად მახსენდებოდა ორივე კოტე და ბიძია იორამა, მით უმეტეს თუ საპარიკმახეროში მოვხვდებოდი.

წლების მერე დავბრუნდი საქართველოში.

ძირეულად შეცვლილი დამხვდა თბილისი, უცხო, მონყენილი ხალხით და უსიხარულო სახეებით.

სიყვარულის დეფიციტი იგრძნობა დედაქალაქში.

სადალაქოში ნასვლა გადავწყვიტე.

მაშინ ორმოცს გადაცილებულები იყვნენ. ნეტავ ახლაც თუ მუშაობენ, როგორ გამოიყურებიან, როგორ ცხოვრობენ, შერჩათ კი ის სიმხნევე და სიხალისე?

ამ ფიქრში ვარ და სადალაქოს კარიც შევაღე.

დალაქს თავი არ აუწევია, კლიენტს ემსახურება, მგონი მისალმებაც ვერ გაიგონა.

შეეხედე, კოტე უნდა იყოს კოხრეიძე, ძალიან შეცვლილი ჩანს, დაღლილი, გამხდარი, წვერმოშვებული, მარტო შუბლზე გარდიგარდმო დამჩნეული ნაიარევით თუ მიხვდები, რომ სწორედ ეგ კაცია შენი ძველი მეგობარი.

მეორე სკამი თალხი სამოსითაა შემოსილი...

ჩავახველე...

მაინც არ იხედება.

მივედი და ცუდის მოლოდინში მხრებზე





კანკალით დავადე ხელი.

გაჩერდა, შემკრთალმა შემომხედა.

– თქვენ, კოტე ხართ, კოხრეიძე? – ხმა ამიკანკალდა.

– კი, მე ვარ, – მითხრა დაბნეულმა და ხელი გამომიწოდა, – ვერ გიცანითო, – მოაყოლა შეცბუნებულმა.

– მეორე კოტე?

– მეორე კოტე, ეე, ეგერ მარჯვნივ... კედელზე დაკიდებული შავჩარჩოიანი სურათისკენ გამახედა და თვალიდან კურცხალი მოსწყდა.

მუხლმოკეცილი კოტე შაფაქიძის დაობლებულ სკამზე დავეშვი.

მერე კარგა ხანს ვიჯექი იმ სკამზე და სამოც წელს გადაცილებული, ჭლარამორეული კოხრეიძე მიყვებოდა თუ როგორ დაიღუპა ამ ერთი თვის წინ უშვილძიროდ გადაგებული შაფაქიძე ავარიში, ისე რომ კოხრეიძეს ცოცხალისთვისაც ვერ მიესწრო საავადმყოფოში.

უბედურ შაფაქიძეს წლების მანძილზე ნაშოვნნი და ნაჩალიჩევი თანხა ანდერძით კოხრეიძისთვის დაეტოვებინა.

ავი წინათგრძნობა ჰქონდა: ამიტომაც ანდერძს, შესაბამის საბუთებს და მეგობრისადმი მიწერილ ბარათს თან ატარებდა:

– მე ვერ ვივარგე, შენზე ახლობელი ვინ

მყავს, დედას გაფიცებ, ეს ფული ჩემს სახელზე შენს ოჯახს მოახმარეო...

ამ წერილს რომ მიკითხავდა ბავშვივით ზღუტუნებდა კოტე კოხრეიძე, – დროული კაცი.

– ძია იორამა?

– კვირას დავკრძალეთ, კოტესთან ახლოსაა მისი საფლავი...

გული მომეწურა, კლიენტი გაკვირვებით გვიყურებს მე და კოხრეიძეს, გაკვირვებით და თანაგრძნობით.

დრო გადის. არ ვიცი რა ვქნა, მოულოდნელი ელდით ზარდაცემულმა.

იმოქმედე! დარეკა გულმა.

ბევრი არ მიფიქრია, ძია იორამასეულ მაღაზიაში შესვლა გადავწყვიტე: ავიღებ პურს, ყველს, ძეხვს, მწნილს, არაყს და ისე როგორც ჩემს უფროს მეგობრებს უყვარდათ, სადალაქოში, ისევ კოტე კოხრეიძეს მივაკითხავ, მერე ცალად დარჩენილი კოტე მიმეგზუურებს და ქალაქის განაპირა, მოკრძალებულ სასაფლაოზე კოტე შაფაქიძისა და ძია იორამას ობოლ საფლავებს მოვეფერები, მოვეფერები და ძალიან, ძალიან დავთვრები, რომ როგორმე მეგობრების არყოფნა სიმთვრალითა და ამ მოთხრობის წერით გამოვიგლოვო.



მხატვარი ბექა ხუცურაული



### გიორგი ზუბიტაშვილი

მთებზე თოვლია, სანისლოთიჯ  
და შენ უჩვეულოდ გელიმება...  
დაე, დაშიფვას, მზეო, თვალი,  
არ ვნახო შენი შელაძება.  
თუკი, სიყვარული ველარ ვიგრძნო,  
თუკი, გაფერმკრთალოდეს ჩემი სული,  
მაშინ ამ ტრამაღლებს დავეხიზნო,  
მაშინ დამიზნელოდეს გაზაფხული.

გიორგი ზუბიტაშვილი



დაიბადა 2001 წლის 12 დეკემბერს ქ. ყვარელში. სკოლის დამთავრების შემდეგ სწავლა განაგრძო იაკობ გოგებაშვილის სახელობის თელავის სახელმწიფო უნივერსიტეტში, ქართული ფილოლოგიის მიმართულებით. გამოცემული აქვს პოეტური კრებული „მზე ხელისგულზე ჩამომეღვარა“. არის რამდენიმე ქართულ-ინგლისურენოვანი ლიტერატურული კრებულის თანაავტორი.

\* \* \*

ნეტავი რიყის ქვა ვიყო,  
ჟამო, ვერ მომერეოდი,  
ვერ მამწუხრებდი, ქალღმერთო,  
რარიგად ავმღერდებოდი.  
გულზე ცვარ-ნამი მედინოს,  
ნუკრისთვის დავუზრდებოდი,  
თუ ქვადაც ვერა ვივარგო,  
შავ მიწად გადავიქცეოდი.  
სამოსად ხავსი მეფინოს,  
იმითაც დავმშვენდებოდი,  
მნახავდი, მწყემსო კეთილო,  
საყდრადაც აგეგებოდი.

მზე ჩადის ძალით, განანებითა...  
მეც მას ჩავეყვები, დავემგზავრები,  
იმ თეთრაქალის დანანებითა.  
მთვარე მოსული მზეს ჩაანაცვლებს,  
ოქროცვარული დალალებითა.

\* \* \*

მანც არ ვიცი ვინა ვარ,  
ზღვა ვარ კაცისგულსიღრმითა?!  
იქნება ცა ვარ – მიწის-ზე,  
მორთული ვარსკვლავთ სირმითა.  
ვაჰთუ, ქარი ვარ გამვლელი,  
ქროლვით დამლვევი ბილიკის,  
მნახველი ამა სოფლისა,  
მქადაგებელი ქილიკის.  
იქნება წვიმის წვეთი ვარ,  
ან ცრემლი დედის ბაგისა,  
ან და ეკალი, ყვავილი,  
საფლავს მოსული ჯაგისა.  
თავს არ ვგრძნობ საჩემსაუფლოს,  
ნარი ვარ, აღმა-გზის ნარი...  
ცხოვრების ერთი კაცი ვარ,  
ხან ცოცხალი ვარ, ხან – მკვდარი!

### პეიზაჟი

მზეაგორებულ გოროზ გორაზე,  
ცხენი ბალახობს ლაფშა-თეთრონი,  
ცელქი ნიავი ფაფარს უწენავს,  
ცაზე მიდიან წყებად წერონი.  
მოჰქრიან ჯანხით, მოღუღუნებენ,  
მდინარეები კვნესა-მღერითა,  
ჩამორაკრაკებს კლდეზე ჩანჩქერი,  
მთა მთას ამუნჯებს უტყვი ჟღერითა.  
ჭრიჭინით მჭვალავს ჭრიჭინობელა,  
ნარის ყვავილი იხდენს ნამძივებს,  
ბური ჩამოჰყევს ბილიკს დიდოთა,  
მზე ჩალისფერი ანთებს ქვა-ძივებს.  
ვისია ნეტავ ლაფშა-თეთრონი,  
კაზმული ატლას-ოქრო-ვერცხლითა,  
იქნებ იმ ქალის გულმკვლელს ეკუთვნის  
გორას რომ მოდის წელა ველითა,  
მოდის ნარნარით, თან მოიმღერის,  
რალაცას, დიდის სევდა-წყენითა,  
ისიც ნანდაურს მისტირის ალბათ,  
სევდანარევი ტკბილი ენითა.  
მზეაგორებულ გოროზ გორაზე,

### დალესტანი

შორს, მთებს გადაღმა გაზაფხულია,  
აქ, მანდილს იხვევს შილდის ქედები,  
შორს, მთის გადაღმა ის აულია,  
სადაც აკვანთან სხედან დედები.  
სადაც ლეკური ისმის ნანილა,  
ლექსად იღვრება ხევის წკრიალი,  
სად, მთა-გორები ფიქრით დალილა,  
აყვავებულა დეკა-იანი.  
დალესტნის მთებში, რასულ ჰამზათოვს,



პოეტის მძიმე ხურჯინი ენვა,  
 მის ნაბილიკარს აწვიმს და ათოვს,  
 მის ნაბილიკარს ლექსის მკვა ერქვა.  
 იქ, ალბათ ვინმე ასული ლექის,  
 აულის გზაზე დაიარება,  
 ათრობს სურნელი აპრილის დეკის,  
 აშინებს ტრფობის აღიარება  
 და საცნაური მზერით

და თრთოლვით,  
 გაჰყურებს ალბათ ჩემსავით ქედებს,  
 ლექის ასული, ვით ქარი ქროლვით,  
 თავის მიჯნურს და სიყვარულს ეძებს.  
 აქ, მთებს გადმოღმა გაზაფხულია,  
 აქ, მანდილს იხვევს შილდის ქედები,  
 აქ, მთის გადმოღმა ის სოფელია,  
 სადაც აკვანთან სხედან დედები.



### ბიორბი ზუბიტაშვილი

სიო-ქარების ნაფერი...  
 გინატრო, რა დამავდება,  
 ქალღმერთო, – არც არაფერი!

\* \* \*  
 მზერა აღმაცერი... დაღმა-სერი,  
 სერი დამარტული, ნანვიმარი...  
 გვერდით მომყვები და გელიმება,  
 განა რა დარჩა საღიმარი.  
 დავალთ, წინ მიწა-ცის სამანია,  
 ტყეებს ეფინება  
 ყვავილთ ბური...

გზის გაღმა იასამანია,  
 გამოღმა მთებია უდაბური.  
 მთებზე თოვლია, სანისლეთიც  
 და შენ უჩვეულოდ გელიმება...  
 დაე, დამიდგეს, მზეო, თვალი,  
 არ ვნახო შენი შეღამება.  
 თუკი, სიყვარული ველარ ვიგრძნო,  
 თუკი, გაფერმკრთალდეს ჩემი სული,  
 მაშინ ამ ტრამალებს დავეხიზნო,  
 მაშინ დამიბნელდეს გაზაფხული.

### მერი ატმის ყვავილებიდან

მარტია, ჩემო საყვარელო, მარტი თავნება,  
 კვლავ მათრობელა  
 გაზაფხული... კვლავ მენატრები,  
 დავალ, თან დამდევს შენი ხმა და შენი ზმანება,  
 ჩვენს ბილიკებზე იშლებიან ახლა ატმები.  
 ეს ლაჟვარდები სააპრილო გაზაფხულისა,  
 აღარ მათრებენ, აღარ

მზიბლავს – აღარც განვიცდი,  
 რა, მძიმე იყო სიყვარული ერთი მგოსნისა?  
 ასე უბრალოდ, ასე უღვთოდ რომ დაგავინყდი.  
 ეჰ, ნეტავ ახლა ჩემთან იყო, ვით გაზაფხული,  
 ამ ძაძამოსილ არემარეს აყვავებდი,  
 ხომ მიშველიდი, მზეფენილი, ყვავილისფერი,  
 მეც ამ დაუთვლელ ცოდვას ხომ არ დავაშავებდი!  
 მკერდზე სათუთად დაგივლიდა მთების ნიაგი,  
 ვით ატმის ხეებს, შენაც ისე აგათროლოებდა,  
 მერე ეშმაკიც ეშმაკური ძალით, სიავით,  
 ჩვენს გზებს ვერასდროს ასე ველარ დააშორებდა!  
 იასამნები საყვავილოდ ემზადებიან,  
 სდუმან მთები და ბობოქრობენ ტყეთა ქარები,  
 სხვა სილამაზე?! – ისევ ვამბობ, შენი თმებია!  
 თმები ნარნარა, ჩანჩქერების შესადარები.  
 მარტია, მარტი, ჩემო კარგო, ჩემო ძვირფასო!  
 გიხსენებ შენ და მარტი ტირის, სხვა არაფერი,  
 დავდივარ ასე, ათასი გზით, ათასი მხარით,  
 სადაც შევხვდებით კიდევ ერთხელ, ძვირფასო მერი!

### ქარის ლირიკა

ამოდის მზე და ნათდება,  
 ჭირხლდაჭირხლული მთა-წვერი,  
 აყვავდე, რა დამავდება,  
 ყვავილო, – არც არაფერი!  
 მთებს გავყურებ და მდინარე  
 სიცოცხლის ხმათა ფერია...  
 დარდი მიაბე, წყალ-ხევო,  
 – სათქმელი არაფერია!  
 ტყეებს ყვავილი დაუსხამთ,

### რომანსი

ნუ ჩქარობ წასვლას, სანამ დრო არის,  
 სანამ შენი ხმა მინდა მესმოდეს,  
 სანამ ბილიკი აგვაცდენს თავად,  
 ანდა ვილაც სხვა ტყვიას მესროდეს!  
 სანამ მზე ჩავა, ცას ნუ ჩამიქრობ,  
 იქნებ ხვალ ერთურთს ველარსად შევხვდეთ  
 და მოგონების აღის ამარა,  
 გზას კვლავ შეხვედრის იმედით ვდევედეთ.  
 სევდა მერევა, ვერ ვმაღავ სევდას,  
 სიო მიკოცნის ბაგეს დანატირს,  
 ნუ ჩქარობ წასვლას, გეძახი, მაგრამ  
 შენი დარჩენაც ალბათ არა ღირს.

### დედი...

სიტყვაცივი ვარ, თოვლივით ცივი,  
 ვერ გესანთლები ბავშვივით, დედი,  
 ჩემი ბრალია... ჩვენს ქვეყანაში,  
 თურმე პოეტებს არ სწყალობთ ბედი!  
 შენს შვილსაც ბევრი დაატყდა მენი,  
 დრომ მის თავზედაც ეკალი ლენა,  
 თუ გემართლები, გამინყრეს ღმერთი!  
 ფეხთ გამეცალოს მშობელი მინა!  
 ეჰ... გულცივიც ვარ, ყინულზე ცივი,  
 თვალს ამჩნევია ყველა იარა,  
 უნდა შემინდო სიცივე, დედი,  
 დრომ შეუმჩნევლად გადამიარა!  
 გავკაჟდი, ველარ ვიფერებ ალერსს,  
 სულის ყვავილი დრომ გამითელა,  
 ახია ჩემზე, გამინყრეს ღმერთი,  
 ჩაკვდეს იმედი ნაპერწკლის ხელა.





**ჯემალ  
შანიძე**

მე ალბათ შენთვის ყველაფერს შევძლებ,  
თუ დროზე ადრე მოვიდა თოვლი...  
რადგან ამ თოვლში შენს თვალებს ვეძებ,  
ადრე დაკარგულს, შიშით და თრთოლვით.  
იქამდე კიდევ უამინდობას  
გადაგარჩინოს ჩემმა ლექსებმა.  
შენთვის იმდენი რამე მინდოდა,  
რომ გული ჩუმი სევდით მევსებდა.

ჯემალ შანიძე

მ  
ლ  
ა  
ნ  
ა  
ნ  
ა  
ნ  
ა  
ნ  
ა  
ნ  
ა  
ნ  
ა  
ნ  
ა  
ნ



\* \* \*

ცა იქუფრება, შორს ელავს ჯანდი,  
სულმა სევდები მყისვე მოდენა.  
ყველგან გეძებე, აღარსად ჩანდი,  
მზე იყო ცაზე, ვით ცეროდენა.

ჩემს სულში ახლა ეს ქარიც ატანს,  
თავს არ მანებებს მაინც ვერაგი,  
ოთახში ჩუმიად წრიალებს კატა,  
ვაგდივარ ტახტზე, როგორც პერანგი...

\* \* \*

მე ალბათ შენთვის ყველაფერს შევძლებ,  
თუ დროზე ადრე მოვიდა თოვლი...  
რადგან ამ თოვლში შენს თვალებს ვეძებ,  
ადრე დაკარგულს, შიშით და თრთოლვით.  
იქამდე კიდევ უამინდობას  
გადაგარჩინოს ჩემმა ლექსებმა.  
შენთვის იმდენი რამე მინდოდა,  
რომ გული ჩუმი სევდით მევსებდა.  
გარეთ კი თითქოს ბნელდება უცებ  
და მოდის ღამე – მფარველი ყოვლის.  
მე კი ლოდინით ყველაფერს ვუძლებ,  
რომ კიდევ ერთხელ ვინილო თოვლი...

\* \* \*

სიჩუმის ლანდი მინელდა, დალბა,  
ოთახში წყნარად გაისმის ბახი.  
სოფლელი გოგო მიგონებს ალბათ  
და თან მიდენის შინისკენ ნახირს.

ოთახში როგორ აგორდა სითბო,  
გარეთ კი ისევ ქარია ნელი.  
მე მარტოობას ისევ არ ვიტყობ,  
და დამაქვს სევდა – ჯერაც უთქმელი.

მზე დაკიაფობს ვარდების კოკორს,  
თითქოს და უყოფს სიცოცხლის ნაწილს,  
და მე ვიგონებ იმ სოფლელ გოგოს,  
რომელსაც, ალბათ, ვერ ვნახავ ისევ...



\* \* \*

შენსავით ძლიერ ვის უყვარს რთველი,  
ვის უყვარს ხნულში ყურძნების კრეფა,  
მე შენგან ახლა სიყვარულს ველი,  
მეყო ის ძველი ჩხუბი და ყეფა...  
შენსავით გამრჯედ ვინ უვლის ყურძენს,  
ვის უყვარს მისი ფერადი წვენი.  
როგორც მზე უყვართ გადაჭრილ კუნძებს  
ისე მიყვარხარ, ფიქრით და თმენით...



**ჯემალ შაინიძე**

**რთველი**

**ა.თ.**

დამთავრდა რთველი. მშვიდობით, კარგად.  
უკან დავტოვეთ ალაზნის ველი.  
თვალს მიეფარა, რა უცებ გაქრა  
გრემიც – ლამაზი და საყვარელი.  
მაგრამ, ძვირფასო, რამ დამავინცოს  
შენი ლამაზი თვალთა ხავერდი.  
აჰა, მე უკვე დავცალე ღვინო  
და ახლა შენთან ვარ ალავერდი!



\* \* \*

შენ წვეები ზღვასთან და შენი მხრები  
ივსება რბილი ბროლით და ქვიშით.  
შენ ულამაზეს ზვირთებს ეხები  
და ეთხოვები თრთოლვით და შიშით.  
და გახსენდება რამ მელოდია  
ანახლებით და აკვიატებით,  
ზღვიდან ზვირთები ისევ მოდიან,  
შენც ეგებები დაგვიანებით...  
მე მიყვარს, როცა ნაპირთან გხედავ,  
შენ ზღვასთან მაინც სხვაგვარი ჩნდები,  
მე მიყვარს შენი ლამაზი სევდა,  
და აზვირთული, მაღალი მხრები.  
და შენი მხრები მე მიყვარს,  
როცა ივსება რბილი ბროლით და ქვიშით.  
შენ ულამაზეს ზვირთებს ეხები  
და ეთხოვები თრთოლვით და შიშით...

\* \* \*

**ა.თ.**

და როიალი მღეროდა თმენით  
უხსოვარ დროთა საოცარ მითებს,  
უსმენდა ყველა და შენი სმენით  
შენც აყოლებდი მუსიკას თითებს.  
მღეროდა სმენით დაღლილი ფარდაც,  
შორს არწასული ყინით და ვნებით,  
შენ იმ სალამოს არავინ გგავდა  
მაგ უჩვეულო შარმით და კდემით.  
შევახებ თითებს მუსიკის გორგალს,  
დანატრებული სიჩუმის ჰანგებს,  
მღერიხარ შენც და თითებიც ტოკავს,  
მღერიხარ შენ და სიტყვებს ვერ აგნებ,  
და ინურება სალამო ჩქარი,  
შორს ჩაძირული თვალებით, შენით,  
უკვე სახლში ვარ, მოვხურე კარი,  
თუმც კვლავ შენთან ვარ ფიქრების შრენით.



მისო  
მოსულიშვილი



ქალბატონი ოვარია – ოფოფების თეატრია და, ერთი ოფოფიერ კი აღარ დარჩა ნამლად, ერთიერ კი!

ქალბატონი კაკაფონია – სულო კაჭკაჭებით, ყვავებით, ძერებით, სვავებით და ამისთანა უბრალო ფრინველებით გაივსო აქაურობა!

ქალბატონი ილუზია – და ეს კიდევ, საერთოდ, ფრინველიერ კი არ არის!.. (სალი-სალიკუნას) თქვენ ფრენა იყით?

ანდუყაფარი – აი, როგორი ინტრიგანები არიან! ვითომ კარგად მიგიღებენ და სინამდვილეში ძირს გითხრიან!

ტიკუსუნე – ფრენასაერ ვასწავლით და ნატვრების მოპოვებასაერ!

მისო მოსულიშვილი



ოფოფების თეატრი

(საბავშვო პიესა ერთ სიზმრად და ცხრა ზმანებად)

გაგრძელება. დასაწყისი იხ. „ოლე“ №5, 2021 წელი

მისოთი ზმანება – ნატვრის დატყუება

ტიკუსუნე – აბა, მაშ, ვინცებთ ამ ლექსის რეპეტიციას!

ოთხი ბე – ყურადღება! რეპეტიცია იწყება!

ტიკუსუნე – სად არიან მსახიობები?

ოთხი ბე – არ ვიცი, მაესტრო!.. აქამდეც უნდა მოსულიყვნენ! (გამოხსნის გარდერობის კარს) არ არიან!

ოფოფები – აქა ვართ, აქ!

ოთხი ბე – ააა, უკვე მოსულან!..

ტიკუსუნე – ვერ შევამჩნიე... დავინწყით!

(ოფოფი ქალბატონები იწყებენ წრიულად ფრენას).

ქალბატონი ოვაცია – გამარჯობა, მაესტრო!

ტიკუსუნე – გაგიმარჯოს!

ქალბატონი კაკაფონია – ძალიან მოგვენატრეთ!

ტიკუსუნე – მეც!..

ქალბატონი ილუზია – და, ბოლოს და ბოლოს, რომელი ჩვენგანი უნდა შეირთოთ ცოლად?

ტიკუსუნე – ეგ ჯერ არ ვიცი...!

ოთხი ბე – ჯერ ფიქრობს!

ტიკუსუნე – დითირამები არ მინდა!.. დავინწყით!

ოთხი ბე – და პროტაგონისტი?

ტიკუსუნე – პროტაგონისტი იქნება...

ქალბატონი ოვაცია – მე!

ქალბატონი კაკაფონია – შენ კი არა, მე!

ქალბატონი ილუზია – და მე?

ტიკუსუნე – არც ერთი... გაიცანით, ჩვენი თეატრის ახალი პროტაგონისტი, სალი-სალიკუნა!

ოთხი ბე – ბრავ...!

ქალბატონი ოვაცია – ოფოფების თეატრია და, ერთი ოფოფიც კი აღარ დარჩა ნამლად, ერთიც კი!

ქალბატონი კაკაფონია – სულ კაჭკაჭებით, ყვავებით, ძერებით, სვავებით და ამისთანა უბრალო ფრინველებით გაივსო აქაურობა!

ქალბატონი ილუზია – და ეს კიდევ, საერთოდ, ფრინველიც კი არ არის!.. (სალი-სალიკუნას) თქვენ ფრენა იცით?

ანდუყაფარი – აი, როგორი ინტრიგანები არიან! ვითომ კარგად მიგიღებენ და სინამდვილეში ძირს გითხრიან!

ტიკუსუნე – ფრენასაც ვასწავლით და ნატვრების მოპოვებასაც!

ოთხი ბე – რასაკვირველია!





(ოფოფები ამოიხრებენ).

**ტიკუსუსუნე** – ოღონდ მას შემდეგ, რაც ანდუყაფარს ვიპოვნი და სასტიკად დავამარცხებ! უსასტიკესად!

**ოთხი ბე** – რაში დაამარცხებთ, მაესტრო?

**ტიკუსუსუნე** – მე ეგ სმაში ვერ მომყვება და...

**ოთხი ბე** – სცენიდან ამბის მოყოლაში!

**ოფოფები** – ვერა!

**ტიკუსუსუნე** – ასე, რომ ლექსებით შევებძოლები, თავს ლაფს დავასხამ და ისე გავუშვებ!

**ანდუყაფარი** – ან დამასხამ, ან ვერა!

**ოთხი ბე** – ოღონდ ჯერ რეპეტიციაა!

**ტიკუსუსუნე** – დავიწყეთ. ეს ლექსი იცით, ალბათ, უკვე, წელან რომ ვთქვი და პირველი სტროფის ბოლოში გამეორება დამეზარა.

**ოფოფები** – ვიცით, ვიცით!

**ტიკუსუსუნე** – ესე იგი, მიზანსცენა ასეთია: ქალბატონი ოვაცია, ქალბატონი კაკაფონია და ქალბატონი ილუზია დგებით სალი-სალიკუნას უკან. (დადგებიან) სალი-სალიკუნა, შენ ოდნავ წინ წამოდი, ნახევარი ნაბიჯით (სალი-სალიკუნა წინ გამოდის). ქალბატონო ოფოფებო, თქვენ ადგილზე ცეკვავთ ვალს-ბოსტონს!

**ქალბატონი ოვაცია** – აღარ გვინდა ეს ვალს-ბოსტონი!

**ქალბატონი კაკაფონია** – თანაც ადგილზე!

**ქალბატონი ილუზია** – სხვა ცეკვა გვინდა!

**ტიკუსუსუნე** – კარგი, მაშინ ტანგო!

**ქალბატონი ოვაცია** – ტანგო – ადგილზე?!

**ქალბატონი კაკაფონია** – ეს როგორ?!

**ქალბატონი ილუზია** – უკავალრებოდ?!

**ტიკუსუსუნე** – ადგილობრივი ტანგო, კი! და უკავალრებოდ და დამთავრდა ლაპარაკი!

**ანდუყაფარი** – არ აჰყვეთ, სალი-სალიკუნა, დაგლუპავთ!

**სალი-სალიკუნა** – ნუ გეშინიათ!

**ოთხი ბე** – ლაპარაკი სცენაზე!

**ანდუყაფარი** – ახლა ვნახავთ, როგორ დაგტყუებს ნატვრას!

**ტიკუსუსუნე** – არ ვიცი, მეჩვენება თუ რა ხდება?.. ვინ ლაპარაკობს მანდ?

**ოთხი ბე** – არავინ, მაესტრო! სცენაზე



### მისო მოსულიშვილი

ვიცი...

**ტიკუსუსუნე** – თქვენ ხართ ქვემეხი!

**ოთხი ბე** – რა ძალიან კარგი ხართ, მაესტრო! რა ძალიან კარგი!

**ტიკუსუსუნე** – ჰო, ხუთას მილიმეტრიანი ქვემეხი! ჰაუბიცა ჯერ ვერა! ხომ იცით, ქვემეხი სხვაა და ჰაუბიცა – სულ სხვა? ჰაუბიცის ნაღმი ზემოდან დაეცემა ხოლმე და ქვემეხი კიდევ – პირდაპირ ისვრის!

**ანდუყაფარი** – (სალი-სალიკუნას) დაგლუპავს!

**სალი-სალიკუნა** – (ხელს წინ გამოიშვერს და მრისხანედ იყურება) ასე?

**ტიკუსუსუნე** – არა, არა... ამას თქვენთვის ფიქრობთ!

**სალი-სალიკუნა** – კარგი...

**ტიკუსუსუნე** – ანუ, თქვენი განცდებისგან აკეთებთ ყუმბარებს და მაყურებელს ესვრით! და რაკი ჯერ ჰაუბიცა არა ხართ, როგორ ესვრით?

**ოთხი ბე** – პირდაპირი დამიზნებით!

**ტიკუსუსუნე** – ჰო, შიგ გულში უმიზნებთ!

**სალი-სალიკუნა** – ვაიმე, მაესტრო, ქვემეხი და ჰაუბიცა გავიგე, მაგრამ ყუმბარები როგორ უნდა ვისროლო, ამას ვერ ვხვდები!

**ტიკუსუსუნე** – იცით, როგორ მზადდება კარგი ყუმბარები? თქვენს სანუკვარ ოცნებებზე და ნატვრებზე ლაპარაკობთ!.. ეს სულ სხვა რამეა, რაღაცა ის კი არ არის...

**ოთხი ბე** – ბრავო-ბრავო-ბრავისიმო-ბის! ამასაც ჩავინერ! (ინერს).

**ტიკუსუსუნე** – აპლოდისმენტები და დითირამები საჭირო არ არის!

**ოფოფები** – ტაშ-ტაშ-ტაში! (ტაშს უკრავენ).

**სალი-სალიკუნა** – მივხვდი, მივხვდი! მე





ჩემი უნდა გავაოფო!

**ტიკსუსუნე** – გააოფოთ კი არა, გააოფო-  
ფოთ! და მარტო თქვენი ნატვრები კი არა,  
თქვენი მეგობრებისაც, რომ მაყურბელს შე-  
დარების საშუალება მივცეთ!

**ოთხი ბე** – (მოიმარჯვებს დიქტოფონს)  
მშვენიერი ყუმბარები იქნება, მშვენიერი!..  
თან იმ მეგობრების სახელებსაც ამბობთ!

**სალი-სალიკუნა** – გავიგე, გავიგე!

**ტიკსუსუნე** – დითირამბები! არ გვინდა!  
მეთქი!

**ოფოფები** – ტაშ-ტაშ-ტაში! (ტაშს  
უკრავენ).

**ანდუყაფარი** – არაფერი უთხრა!

**სალი-სალიკუნა** – დავინყო?

**ტიკსუსუნე** – დაინყე!

**სალი-სალიკუნა** –

ვაიმე, როგორ მაოცებ,  
თავი მგონია ფორუმზე –  
დგახარ და თემას ა-ოფფ-ებ,  
ვერ შევთანხმდებით ქვორუმზე...

**ანდუყაფარი** – (გადაიხარხარებს) კარგი  
ხართ, სალი-სალიკუნა!"

### მეექვსე ზმანება – ტიკსუსუნე პრაზოზს

**ტიკსუსუნე** – სტოპ! არ ვარგა!..

**ოთხი ბე** – (ოფოფ ქალბატონებს) სტოპ!  
სტოპ!

(ოფოფი ქალბატონები შეწყვეტენ სიმ-  
ლერას).

**ტიკსუსუნე** – ვინ დააყენა აქ ეს შუქები?!  
რა უნდა აქ ამ ქალს!

**ოთხი ბე** – ქალი?! მე არ ჩამომიკივია,  
მე არა...

**ტიკსუსუნე** – თქვენ კი, ქალბატონო  
ოფოფებო! ჰო, თქვენ, მარტო ოფოფები რომ  
მომინდომეთ აქ! რომ დამდგარხართ მანდ  
და დასეტყვილი ყვავებივით რომ ჩამოგი-  
ყრიათ ფრთები!.. ჰო, ჰო, რას მიყურებთ!  
დასეტყვილი ყვავებივით!

**ოფოფები** – (დაინყებენ ხელების ქნევას)  
ასე?

**ტიკსუსუნე** – მასე კი არა! (მიიბრუნს  
იმათთან) აი, ასე! (გამალებით იქნევს ხე-  
ლებს). გაიგეთ?

**ოფოფები** – ძალიან! (ისინიც იქნევენ ხე-  
ლებს).

**ტიკსუსუნე** – ანუ, ეს ლექსი არის ის-  
ეთი ჰუმანიური, რომ მტრების სადღეგრ-  
ძელოც კი ისმევა, მტრებისა! და მთელი  
თქვენი ენერგია ამ ფრენაში უნდა ჩადოთ!..  
აბა, რა უნდა ისწავლოს ამ... (დაინახავს ან-  
დუყაფარს). სალამი მაინც ღვთისაა და, –  
გამარჯობა, ანდუყაფარ!

**ანდუყაფარი** – მაინც გაგიმარჯოს!

**ტიკსუსუნე** – (ჩაიხიბითებს) თქვენ  
გგონიათ, მართლა ვერ გხედავდით?

**ანდუყაფარი** – კარგია, ახლა მაინც რომ  
ინებეთ ჩემი შემჩნევა!

**ტიკსუსუნე** – როგორ გაგიძლოთ გულმა,  
როცა თქვენ ადგილზე ეს გოგო ამყავდა და  
ხმა არ ამოიღეთ?

**ოთხი ბე** – ჰა?

**ტიკსუსუნე** – სულ მარტო რომ დარჩე-  
ბი, მერე მიხვდები, რა უგზო-უკვლოდ და-  
დიხარ და როგორ დიდ სისულელეებს აცხობ  
ტორტებივით!

**ოთხი ბე** – ჰო, ტორტებივით!

**ანდუყაფარი** – თქვენი დასი იმიტომ დახ-  
ეტილობს ბავშვების სიზმრებში, რომ იქიდან  
ბავშვების ნატვრები მოიპაროთ! თქვენ გინ-  
დათ, უნატვროდ დატოვოთ ბავშვები და  
ამის ხარჯზე ამოავსოთ ეგ თქვენი უძირო  
თეატრალური ტომარა!

**ტიკსუსუნე** – კი, მაგრამ თქვენც  
მშვენივრად დაეხეტებოდით ბავშვების სიზმ-  
რებში ჩვენთან ერთად!

**ანდუყაფარი** – ჰოდა, აღარ ვივლი!.. მე  
ისეთი თეატრი მინდა, რომ ნატვრები კი არ  
მოვპარო ბავშვებს, არამედ უკეთესი ნატ-  
ვრები ვანატრო! და ულამაზესი ოცნებებით  
ვაოცნებო!

**სალი-სალიკუნა** – ვაი, რა კარგად  
თქვით, ანდუყაფარ!

**ტიკსუსუნე** – აჰ, კარგად თქვა, არა? მე  
ამას ისეთ რამეებს ვეტყვი, რომ უკბილებოდ  
შეეჭამ და უხელებოდ დავამტვრევ!

**ოფოფები** – ეგ უკუდო მგელზე მჯდომი!

**ოთხი ბე** – ჰო, ძალიან!

**ტიკსუსუნე** – (ოთხ ბეს) მეტს ვერაფერს  
ეუბნები? პრეს-ატაშე და კაპელდინერი



მანც არ იყო!

**ოთხი ბე** – რა ვქნა, მანცრო? ულვაში მანც ჰქონოდა, ვეტყოდი, – შეგიტყვებ ულვაში მეთქი და რომ არა აქვს?

**სალი-სალიკუნა** – სამაგიეროდ, თქვენ გაქვთ ულვაში, ბატონო კაპელდინერო!

**ოთხი ბე** – (ხელებით ამოიგრეს ულვაშს) ვაი, მართლა მქონია!

**ტიკსუსუნე** – (სარეჟისორო მაგიდასთან მიდის და თავის სკამზე დაჯდება) რომ შეაგდეთ ქვა და შეუშვირეთ თავი, ანდუყაფარ... ის მანც თუ იცით, რომ საახალწლოდ ეს ჩვენი შეგროვილი ნატვრები – ყველა აგვიხდება, სულ ყველა!..

**ოთხი ბე** – ჰო, ძალიან!”

**ტიკსუსუნე** – და სიზმრებში მოხეტიალე კი არა, ნატვრის თეატრი ვიქნებით?

**ოთხი ბე** – ჩამოიღეთ ყავარიდან ეგ გრძელი კუდი, ანდუყაფარ და იყავით ჩვენთან!

**ოფოფები** – რას გვერჩით, თორემ კი!

**ანდუყაფარი** – მე ჩემი გითხარით უკვე!

**ოთხი ბე** – არც ინვრილა, არც იკითხა!

**ტიკსუსუნე** – კარგი, ასე იყოს მაშინ!.. მაგრამ იცოდე, თუ ავაფრინე ჩემი ოფოფები, აღარც დავაფრენ! აღარც!



*მხატვარი სოფიო ქელიძე*

**ოთხი ბე** – ვითომ ესმის რამე?

**ტიკსუსუნე** – გავაგებინებ!

### **მეშვიდე ზმანება – ნეტავ, რად ელტვის განაკიდეს ნატვრის ბუნება?**

(სალი-სალიკუნას ერთი მხრიდან ოფოფი ქალბატონები დაუდგებიან, მეორე მხრიდან – ანდუყაფარი).

**ანდუყაფარი** – ის ვერ გაგაგებინეთ, რომ მსახიობის ოსტატობა ის აღარაა, რასაც თქვენ ასწავლით!

**ტიკსუსუნე** – აბა, რა არის?

**ქალბატონი ოვაცია** – სალი-სალიკუნა, არ დაუჯერო!

**ქალბატონი კაკაფონია** – სისულელეა!

**ქალბატონი ილუზია** – ჩვენზე კარგ ოსტატებს ვერსად ნახავ!

**სალი-სალიკუნა** – უკვე აღარ ვიცი, რომელს დაგიჯეროთ?

**ოთხი ბე** – როგორ თუ რომელს?! ამას კიდევ კითხვა უნდა?

**ტიკსუსუნე** – ჩემი თეატრი ერთადერთი და განუმეორებელია.

**სალი-სალიკუნა** – არ ვიცი...

**ანდუყაფარი** – მოისმინეთ ჩემი მონოლოგი!

### **ანდუყაფარის მონოლოგი**

ნეტავ, რად ელტვის განაკიდეს ნატვრის ბუნება?

განაკიდეს კი შუაგული ესალბუნება... ფიცარნაგზე ხარ, მალლით ზეცამ მოგცა უფლება, მხოლოდ სიმართლით ისაუბრო მფეთქავ გულებთან.

თითოჩაგდებით რად იძინებს თითქოს დარბაზი?

ფუჭი გამხდარა მიმიკა და ჟესტი ხანდაზმით.

ჩაგიქრა სიტყვა, ვერ კიაფობს, როგორც ალმასი –

იგავ-არაკით ვერ შეცვლი და ველარც ანდაზით.

„პუბლიკას სიტყვა, როგორც დაშნა, დაჰკარ დაშლამდის!“ –







სუფლიორიც კი გვედრება თვალთა  
ხამხამით.

თუ არ იქურდებ, სპექტაკლები  
ნავა ანშლაგით,  
თაიგულებით, ცრემლითა და  
სიცილ-ხარხარით.

აი, რად ელტვის განაკიდეს ნატვრის  
ბუნება,  
თუმც განაკიდეს შუაგული  
ესალბუნება...

**სალი-სალიკუნა** – ესე იგი, ნატვრები არ  
უნდა მოვიპაროთ და ისე ვითამაშოთ!

**ანდუყაფარი** – აი, თუ ვერ გაიგებდა!

**ტიკსუსუნე** – (ჩაიცინებს). რეებს  
მიედ-მოედები შენა?

სიზმრად მოხეტიალე  
ამ თეატრის შურითა –  
ფიქრებს ნატვრად ვერ აქცევ  
კრულვითა და ურვითა.

ნატვრა ნატვრას მოებას, –  
ჩვენ ეს გვინდა გულითა,  
ნატვრის თეატრს ვოცნებობთ  
სიტყვით მხიარულითა!

**ოთხი ბე** – არული კუდიანებს! არული  
კუდიანებს!

**ტიკსუსუნე** – დითირამბები არ მინდა!

**ოთხი ბე** – ბრავო-ბრავო-ბრავისიმო-ბის!

**ქალბატონი ოვაცია** – ოვაციები!

**ქალბატონი კაკაფონია** – კაკაფონიები!

**ქალბატონი ილუზია** – ილუზიები!

### მერვე ზმანება – ლეჩსაპით ომი

**ოთხი ბე** – ძირს ანდუყაფარი!

**ოფოფები** – ძირს! ძირს! ძირს!

**ტიკსუსუნე** – მომისმინეთ! (ხელს  
დაჰკრავს მაგიდას).

(ოთხი ბე და ოფოფები გაჩუმდებიან).

**ანდუყაფარი** – ამ მიტინგების მეტი ხომ  
არაფერი იცით!..

**ტიკსუსუნე** – ჩვენი ოცნება ნატვრის თე-  
ატრზე ეჭვქვეშაა!

**ოთხი ბე** – ძალიან!

**ტიკსუსუნე** – და სასწორზეა ოფოფების  
თეატრის ღირსება! და სახელი!

**ანდუყაფარი** – მართალია!

**სალი-სალიკუნა** – აი, ეს კი ნამდვილი  
ფორს-მაჟორია!

**ტიკსუსუნე** – ალბათ!.. და რა გამო-  
სავალია ამ მდგომარეობიდან?

**ოთხი ბე** – გამოსავალი არ ჩანს, აქ ჩიხია!

**ქალბატონი ოვაცია** – გავაგდოთ ეს ახ-  
ლად გამომცხვარი პროტაგონისტი!

**ქალბატონი კაკაფონია** – რასაკვირვე-  
ლია, მე მშვენიერი პროტაგონისტი ვიქნები!

**ქალბატონი ილუზია** – შენ კი არა, მე  
ვიქნები!

**ოთხი ბე** – და მე ხომ არ შემეთავსებინა  
ეგ საქმეც?

**ტიკსუსუნე** – არა!..

**ოთხი ბე და ოფოფები** – არა?

**ტიკსუსუნე** – ჩვენი დასის დევიზია – „ან  
სრული ფურორი, ან სრული ფიასკო!“ დითი-  
რამბები არ მინდა!

**ოთხი ბე** – ბრავო-ბრავო-ბრავისიმო-ბის!

**ქალბატონი ოვაცია** – ბის!

**ქალბატონი კაკაფონია** – ბის!

**ქალბატონი ილუზია** – ბის!

**ტიკსუსუნე** – ჰოდა, მეც შესაბამისად  
მოვიქცევი!

**ანდუყაფარი** – როგორ?

**ტიკსუსუნე** – ჩემი თეატრალური ტომარა  
სცენაზე!

**ოთხი ბე** – ჩვენი ნატვრების ტომარა?  
რას ბრძანებთ, მაესტრო! ამ ტომარას რო-  
გორ ჩამოდიხართ, როგორ?!

**ტიკსუსუნე** – მომიტანე!

**ოთხი ბე** – (მიაქვს ტომარა და შუა სცე-  
ნაზე დგამს) ეჰ, მაესტრო!

**ოფოფები** – ეჰ!

**ტიკსუსუნე** – აი, ანდუყაფარ, მე ამას  
ჩამოვდივარ! ამ ტომარაში ჩემი დასის  
მოგროვილი ყველა ნატვრაა და თუ მა-  
ჯობებთ, თქვენი იყოს!

**ოთხი ბე** – ამ ტომარაში ჩვენი ფრთებია!

**სალი-სალიკუნა** – და თუ თქვენ აჯო-  
ბეთ?

**ტიკსუსუნე** – მაშინ ჩემთვის შემოსაკვრე-  
ლი მუშტი თავად მოგხვდებათ, სალი-სალი-  
კუნა ჩვენ უნდა დაგვითმოდოთ და სულ უნდა  
გადაიკარგოთ აქედან!



**ანდუყაფარი** – თქვენი გამონგევა მიღებულია! სალი-სალიკუნა, იმ ტომარასთან დადექით!

**ოთხი ბე** – ჩვენც აქ დავდგებით!

**ოფოფები** – დიხაბაც რომ! (ისინიც დადგებიან ტომარასთან).

**ტიკსუსუნე** –

უკვე იმდენი მტრებია,  
ჩემი ნატვრების ტომარა,  
სადაც რომ ჩემი ფრთებია,  
ლამის დამირჩეს ოხრადა.

დითირამბები არ მინდა!

(ოთხი ბეს და ოფოფი ქალბატონების აპლოდისმენტები).

**ანდუყაფარი** –

ნატვრის ქურდობა, ტიკსუსუნ,  
არ მიღირს მაგდენ ომადა.  
სჯობს, სრულად რომ გაისუსო,  
ტუჩებზე იცხო პომადა!

**სალი-სალიკუნა** – (გადაიკისკისებს) დედას აქვს კარგი წითელი პომადა, მოგიტანოთ?

**ტიკსუსუნე** – დიქცია – ცუდი! მიმიკა – უარესი! ჟესტი – საძაგელი! გრიმასა – ყალბი! დითირამბები არ მჭირდება!

(ოთხი ბეს და ოფოფი ქალბატონების აპლოდისმენტები).

ოთხი ბე –

ტყუილის ფიქრი გრძელია,  
პომადას გვანვდის მელია.  
როგორი ჭკუათხელია  
და მტერზე უფრო მტერია!

ოფოფები –

მაესტრო სანატრელია,  
ანდუ კი – გასაგდებია!

**ტიკსუსუნე** – დითირამბები არც თქვენ გინდათ, ხომ? (ტაშს დაუკრავს) ბრავო-ბრავო-ბრავისიმო-ბის!

**ოთხი ბე** – ჩვენ მოვიგეთ!

**ოფოფები** – ვაშა! ვაშა! ვაშა!

**სალი-სალიკუნა** – ვაიმე, მართლა ამათ მოიგეს?

**ანდუყაფარი** – მოიგეს კი არა, წააგეს!

**ტიკსუსუნე** – რატომ წავაგეთ?

**ანდუყაფარი** – ჩვენ ლექსებში ასეთი რითმები იყო: ტომარა – ოხრადა – ომადა – პომადა...

**ოთხი ბე** – იყო, მერე რა?

**ანდუყაფარი** – მერე ის, რომ გრძელია – მელია – ჭკუათხელია – მტერია წინას არ ერითმება!

**სალი-სალიკუნა** – ჰო, ჰო, ამათ რითმა შეცვალეს! და წაგებულები არიან!

**ოთხი ბე** – ვაი!

**ოფოფები** – ვუი!

**ტიკსუსუნე** – (ოთხ ბეს) ვერ დააჭირე ენას კბილი?

**ოთხი ბე** – ბოდიში, მაესტრო!

**ტიკსუსუნე** – შენი ხმა აღარ გავიგო!

**სალი-სალიკუნა** – ესეც ერთით ნული! და დითირამბები გვინდა! (ტაშს შემოჰკრავს).

## მეცხრე ზმანება – ნატვრების ტომარა

**ტიკსუსუნე** – მოდით რა, რითმის შეცვლაზე წაგება არ იყოს!

**ოთხი ბე** – თორემ ჩვენ გავიბუტებით და აღარ ვითამაშებთ!

**ოფოფები** – ძალიან გავიბუტებით!

**სალი-სალიკუნა** – და ბუტიების თეატრი იქნებით?!

**ტიკსუსუნე** – არა, არ ვიქნებით!

**ანდუყაფარი** – არა, რითმის შეცვლა არ შეიძლება, წესია ასეთი!

**ტიკსუსუნე** –

ნეტავ, ბევრი ნატვრა მომცა,  
და სულ ყველა ამიხდინა,  
არვის აღარ მოვპარავდი,  
საოცნებო ნატვრას, წმინდას.

(ოთხი ბეს და ოფოფი ქალბატონების აპლოდისმენტები).





**ანდუყაფარი –**

ბავშვებს აღარ დატოვებდი  
ატირებულთ – მშობლებს წინა.  
უნატვრელად სიზმარი ხომ  
ვერავენ ვერ მოიხდინა!

(სალი-სალიკუნა უკრავს ტაშს).

**ტიკუსუსუნე –**

და გავხსნიდი „ნატვრის თეატრს“,  
ეს ოცნება სულ მაქვს ფიქრად.  
გავხდებოდი ნატვრის მეფე  
ოფოფების ოფლის ღვრითა.

დითირამბები არ მინდა!”

(ოთხი ბეს და ოფოფი ქალბატონების  
აპლოდისმენტები).

**ტიკუსუსუნე –** მოვიგეთ! ჩვენ მოვიგეთ!  
ესეც ერთით ერთი! ყანნი შემისვით, ყანნი!  
(ოთხი ბე შეუვსებს ყანს და ტიკუსუსუნე  
სვამს). ვაი, სიხარულისგან სადღეგრძელოს  
თქმა დამავინწყდა!

**ოთხი ბე –** არა უშავს, ახლა თქვით!

**ტიკუსუსუნე –** ჩვენი ნატვრის თეატრს  
გაუმარჯოს!

**ანდუყაფარი –**

ტიკუსუსუნემ მოილხინა,  
ყველა ბავშვმა მოიწყინა.  
შენი მოსვლა აღარ გვინდა,  
რადგან დახვალ ერთობ ყინჩად!

**სალი-სალიკუნა –** (გადაიკისკისებს)  
ესეც ორით ნული!

**ტიკუსუსუნე –** დითირამბები მინდა!

(ოთხი ბე და ოფოფი ქალბატონები კვნი-  
სიან და ოხრავენ).

**ანდუყაფარი –** კარგი, მოდი, ანგარიში  
გავანულოთ და საბოლოოდ შევებათ!

**სალი-სალიკუნა –** მესამე და – სამარ-  
თალი!

**ოთხი ბე –** მოდი!

**ოფოფები –** აბა, მიდი, ჰკა მაგას ლექსი  
ხმალივით!

**ტიკუსუსუნე –**

ანდუყაფარო! – რას თუ გადარო?  
კაი სიტყვაზე დასტურს არ ხარო!  
რომც დაგიძახონ მზისა სადარო,  
მაინც ვერ იტყვი „ტანო-ტატანოს“!

დითირამბები ისეც არ მინდა!

(ოთხი ბეს და ოფოფი ქალბატონების  
აპლოდისმენტები).

**ანდუყაფარი –** ოო, ეს კი მართლა კარგი  
მითხრა!

**სალი-სალიკუნა –** მერე თქვენ ვერაფერს  
პასუხობთ?

**ანდუყაფარი –** ჯერ ვერა!

**ტიკუსუსუნე –** აი, ამას ჰქვია ძვლებიანად  
შეხრამუნება!

**ოთხი ბე –** წამოვილო ტომარა, მაესტრო?

**ოფოფები –** უნდა წამოვილო, აბა, რა!

**სალი-სალიკუნა –** ვაიმე, ანდუყაფარო!

**ანდუყაფარი –**

ბევრიც მიძახო „ანდუყაფარო“ –  
შენს ოფოფებზე ყაბულს არ ვარო.  
გადატრიალდეს თუნდაც სამყარო,  
აღარ შემოგრჩეს ქკუის სალარო!

**სალი-სალიკუნა –** (მიირბენს ოთხ ბეს-  
თან და ტომრის წართმევა უნდა) სად მი-  
გაქვთ! ჩვენ მოვიგეთ!

**ოფოფები –** (ისინიც ექაჩებიან ტომარას)  
თქვენ კი არა, ჩვენ მოვიგეთ!

**ტიკუსუსუნე –** ან სრული ფურორი, ან  
სრული ფიასკო! (ისიც ტომარას მივარდება  
და თავისკენ ექაჩება).

**ანდუყაფარი –** ეს არის თქვენი პირობა?  
(ისიც ტომარას დაეჯაჯგურება და თავისკენ  
ქაჩავს).

**სალი-სალიკუნა –** ახლა რატომ აღარ იბ-  
უტებით, თქვე ბუტია ოფოფებო!

(ამდენ ძიძგილაობაში ნატვრების  
ტომარა იხსნება და იქიდან გადმოიყრება  
თეთრი ფურცლები, რომლებზეც ბავშვების  
ნატვრები წერია).

**ტიკუსუსუნე –** (ხელები გაუშვებს  
ტომარას) ჩვენი ნატვრები!





**ანდუყაფარი** – თქვენი კი არა, ბავშვების ნატვრები! (ტომარას იქნევს აქეთ-იქით და თეთრი პეპლებივით ფარფატებენ ქალაქ-დები).

**სალი-სალიკუნა** – (გამოჯავრებით)

დაგამარცხეთ, ტიკსუსუნე,  
დაჯექი და იკრუსუნე!  
თუ კრუსუნი ვერ გიშველის,  
მაშინ ცხვირით იქსუტუნე!

(თაფჩაქინდრული ოფოფი ქალბატონები რიგ-რიგობით შედიან გარდერობში. გარდერობში შედის ატირებული და აქსუტუნებული ტიკსუსუნეც).

**ოთხი ბე** – (მოიკიდებს ტიკს და ცარიელ ტომარასაც. საყვედურით, ანდუყაფარს) რატომ, ანდუყაფარ, რატომ, თორემ კი...

**ტიკსუსუნე** – (გარდერობიდან) გამოადგი ფეხი...

**ოთხი ბე** – მოვდივარ... (ანდუყაფარს, ხმადაბლა) გარდერობმეისტერი მაინც არ დაგჭირდებათ? ახალ თეატრში?

**ანდუყაფარი** – არა...

**სალი-სალიკუნა** – ყველა ბავშვს უკვე დაუბრუნდა თავისი ნატვრა?

**ანდუყაფარი** – ყველას, ყველას!

**სალი-სალიკუნა** – მაშინ ვიცეკვოთ!

(სალი-სალიკუნა და ხოხობი ანდუყაფარი ცეკვავენ პეპლებივით აფარფატებულ ნატვრებში. ისევ ისმის ვიოლეტას არია ჯუზეპე ვერდის „ტრავიატადან“).

**ანდუყაფარი** – მე გასწავლით, როგორ უნდა იმღეროთ ეს არია ფორტუნინოს ოპერიდან!

**სალი-სალიკუნა** – ესე იგი, მე შემძლია სიმღერა?

**ანდუყაფარი** – დიახ, თქვენ კარგი სოპრანო იქნებით!

**სალი-სალიკუნა** – მართლა?

**ანდუყაფარი** – მართლა!.. და ჩვენ გვექნება ჩვენი თეატრი...

**სალი-სალიკუნა** – ოღონდ, ოფოფების თეატრი არ გვინდა, კარგი?

**ანდუყაფარი** – კარგი...

(დასასრული)



მხატვარი ბეჟან ბოტკოველი





### აი, იას სიბლით მბალობელი

2022 წლის პირველი იანვრიდან, 71-ე წლის ათვლა დაიწყო, ნიჭიერმა, ბავშვების საყვარელმა პოეტმა – ნუნუ ძამუკაშვილმა. მისი საბავშვო ლექსების კრებული „ზრდილობიანი მატარებელი“ პატარების სამაგიდო წიგნად იქცა. პოეტი ეწევა აგრეთვე ფართო საზოგადოებრივ მოღვაწეობას, – ხელმძღვანელობს მწერალთა ასოციაცია „ლიტერატურულ კახეთთან“ არსებულ ახალგაზრდა მწერალთა სექციას.

მისი დამსახურებაა, რომ პერიოდულად ეწყობა კონკურსები და გამარჯვებული ავტორები ჯილდო-ვდებიან: ოქროს, ვერცხლის, ბრინჯაოს დიპლომებითა და სიგელებით.

ნუნუ ძამუკაშვილი სახელოვანი ჟურნალის – „ოლეს“ ერთ-ერთი რედაქტორია.

თვალსაჩინო მოღვაწეობისათვის დაჯილდოებულია: შიო მღვიმელის, რაფიელ ერისთავისა და ჟურნალ „ოლეს“ ლიტერატურული პრემიებით, საქართველოს მწერალთა კავშირისაგან ქართული კულტურის ამაგ-დარის დიპლომით, დაჯილდოვდა აგრეთვე ქრისტიანული პოეზიის ფესტივალის პრიზით – წმინდა ნინოს ჯვრის მედალი.

ბავშვების საყვარელ პოეტს ვუსურვებთ დიდხანს სიცოცხლესა და... ახალ-ახალ მდიდარ შემოქმედებ-ით და საზოგადოებრივ მოღვაწეობას.

**მწერალთა ასოციაცია „ლიტერატურული კახეთი“**

მკითხველს ვთავაზობთ იუბილარის ახალ ლექსებს:

### გაზაფხული მოვიდა

მზემ გაუთბო ნაზად გული  
სიყვარულით მთა და ველს,  
ახლა, ია და ენძელა  
ვრცელ მიდამოს რთავენ.

ფრინველებს რომ, მუდამ მოსწონთ  
მშობლიური მხარე,  
მალე მოვლენ და სტუმრობა  
მათი – გაგვახარებს.

და... მოვუსმენთ ლამაზ ჰანგებს:  
ბულბულ-იადონებს,  
თავის ნატრულ მინა-წყალზე,  
რალა დაალონებ?!..

მონახვენ, ვიცით, უმალ,  
თავის კერა-ბუდეც,  
გვნამს, – სამშობლოს სიყვარული  
ყველას გულში უდევს.



## საქართველოს

მიყვარს ჩვენი საქართველო,  
მზის სხივებით ნაბანი;  
იაკობის ნაჩუქარი, –  
მშობლიური ანბანი.

მოვიარეთ, შევისწავლეთ –  
ჩვენი ქვეყნის მთა-ბარი,  
და... ვინატრეთ, მაღლი გვექონდეს:  
დავითის და თამარის.

## გაზაფხული

გაზაფხულდა, – მთა და ბარი  
ყვავილებით დაიქარვა,  
არის დიდი მოკითხვები, –  
ყველა უნდა ვიყოთ კარგად.

მზემ, თავისი, თბილი ხელი  
შემოხვია ყველა ნარგავს,  
აზურმუხტდა მიდამო და  
წვიმაც, უქმად, წვეთს არ კარგავს.

ცისარტყელაც აციმციმდა,  
ყელი ნაზად მოიღერა,  
გამოშალა შვიდივ ფერი, –  
და... მიდამოს მოეფერა.

## ყოჩალი ზავშვენი

ლიკას, ნიკას ნერგი მოაქვთ,  
უნდა გააშენონ სკვერი  
და, იქნება – ეს მიდამო,  
კიდევ, უფრო მშვენიერი.

რა ყოჩალი ბავშვებია,  
რა ლამაზი გახდა სკვერიც,  
და... დედიკომ გამრჯე და-ძმას  
გამოუცხო თაფლის კვერი.

## მთვარე

გამოვიდა საესე მთვარე, –  
ყველა შუქი უნთია,  
ბებომა თქვა: დაირაა,  
ბესომა თქვა: ბურთია.

მთვარემ: მე და ვარსკვლავები, –  
ცას რომ გავალამაზებთ,  
სალამოთი, სასეირნოდ,  
გაგინათებთ – სავალ გზებს.

## ნათოს ნახატი

ნათომ მინდორი დახატა, –  
იქვე, ახლოა ამუნა,  
გოჭი მოქანდა, „ბალახი“  
კინალამ, შეახრამუნა...

ამაზე განწყრა მურიკო,  
თავს კი უშველა გოჭმაჭმა,  
ნათოს ნახატი, – ბალახი –  
კინალამ, გოჭმა მოჭამა...

გადაარჩინა ნახატი, –  
მადლობელია ნათია;  
მზე გულიანად იცინის  
ირგვლივ, ყვავილნი ანთია.

## გამრჯე ნიკა

მოვამზადებ სალათას, –  
ნიკამ თქვა: ამ სალამოს  
დაისვენოს დედიკომ,  
რატომ უნდა დავღალოთ?

ბოსტნეული უხვად გვაქვს:  
სტაფილო და კომბოსტო,  
ვიცი, მშობლებს, ზურასაც  
სალათები რომ მოსწონთ.

მეზობელიც ესტუმრათ  
– ღმერთმა მოგცეთ ბარაქა,  
ნიკას მომზადებული  
მოეწონათ სალათა.

## ბესოს სურვილი

ფანდურს სწავლობს ბესიკი  
ხმა ჰქონია – პირველი;  
და, რაც სწავლა დაინყო,  
მისგან კონცერტს სულ ველით.

ნატრობს: მყავდეს და-ძმანი,  
რომ შევანყოთ სამი ხმა...  
და... რა კარგი იქნება, –  
თუ, ეს ნატვრა ამიხდა!





იამ ლურჯი თვალეზი  
შენანათა კაბადონს,  
ლურჯი ფერი ვინატრე  
და... ჩავიცვი კაბადო...

მდელო, შენ გენაცვალე,  
კვართი, ნამით ნაბანო  
და... მზით განათებულო –  
იაკობის ანბანო.



### გადავაგორეთ ზამთარი

გადავაგორეთ ზამთარი, –  
პაპამ ასე თქვა, – დილას,  
ბებოს ნაქსოვი წინდებით  
ვიყავით ყველა თბილად.

ზამთარი, განა ბურთია?..  
გადავაგორეთ, როგორ?  
პაპიკო, აბა, გვითხარი,  
იცინის ციცო-გოგო.

გადავიტანეთ ზამთარი, –  
უხვი და დიდთოვლიანი...  
ახლა, მოგველის: ენძელა  
და... თვალწუწუნა იანი.

### გაზაფხული მოდის!..

ზამთრის თვეა, – თებერვალი, –  
გაიშალა – ყოჩივარდა;  
ჰკითხეს, – რა გეჩქარებოდა?  
ცხრათვალა მზე შემეყვარდა.

რას დამაკლებს თებერვალი?!..  
თურმე, ჩიტიც ასე ფიქრობს;  
თუ გამოჩნდა თოვლის ფიფქი,  
ვეტყვი: გზა მშვიდობის ფიფქო!..

შემოაღებს მარტი კარებს,  
ლურჯ იასაც მოსვლა უნდა,  
და... გარემოს მივახარებთ:  
გაზაფხულდა!.. გაზაფხულდა!!!..

### ჩვენი ბეკო

თმახუჭუჭა ბატკანი  
დადის ბაკი-ბუკით,  
ყველას ეთამაშება,  
ყველაფერი უკვირს.

ბავშვებს მოაქვთ ბალახი, –  
სულ ნორჩი და ლორთქო,  
ბეკომ, მთელი ეზო,  
ბალახებით მორთო.

გადამაძრეთ ქათიბი,  
რომ იცოდეთ, დამცხა,  
ბებო წინდებს დაგიქსოვთო, –  
გაისტუმრებთ ზამთარს.

პაპამ, კრიჭით, ბეკოს –  
გადაკრიჭა „ქარგა“,  
მატყლი მისცა – ბებიას, –  
გარეცხეო კარგად.

შემდეგ... ბებომ მოქსოვა –  
ბავშვებისთვის – წინდები...  
კარგად ვიცით, ბეკუნა,  
სიკეთეს რომ გვპირდები.



ფირუზ  
კოჭლამაზაშვილი

თუშო, მოვიდა ზაფხული,  
შენ სიმინდს სთოხნი ზარადა,  
თუშეთ, ნისლეები გიხმობენ,  
მთაზე რომ სხედან ჭარადა...

თუშეთსა მოღნატრებია  
ის, შენი მამა-პაპანი,  
რომ მიატოვე, განყვიტე –  
მეცხვარის უღლის ჭაპანი.

ფირუზ კოჭლამაზაშვილი



\*\*\*

თუშეთში გნახე ქალაო, –  
შენზე დავინყე ლოცვა,  
ყალყზე შემდგარსა მერანსა  
აჯირითებდი, როცა.

ჩემი, შენდამი, ტრფიალი  
აი, იქიდან იწყება...  
თანა მდევს შენზე ოცნება,  
ვერ შევძელ გადავინყება...

შენი და მთის სილამაზე  
ჩამოვიტანე ბარადა,  
მოუყვებოდი ტოლ-სწორსა,  
რომ დავსხდებოდი ჯარადა.

თუშური წხვარი ტიროდა

თუშო, მოვიდა ზაფხული,  
შენ სიმინდს სთოხნი ბარადა,  
თუშეთ, ნისლეები გიხმობენ,  
მთაზე რომ სხედან ჯარადა...

თუშეთსა მოღნატრებია  
ის, შენი მამა-პაპანი,  
რომ მიატოვე, განყვიტე –  
მეცხვარის უღლის ჭაპანი.

თავზე გეხუროს მუდამა,  
პაპის ნამუსის ქუდები,  
მეცხვარის ქოხში დააწყე –  
თუშური ყველის გუდები.

რაინაულის საფლავზე  
თუშური ცხვარი ტიროდა,  
საგუდე ტყავი, სანაგვეს,  
სად ხარ, ბასიკო?!\* ყვიროდა...!

ვნატრობ...

მე, ხომ, ტყვე გავხდი, ქალაო,  
შენზე ოცნების ფიქრისა,  
ვერ შევაჩერე, ვერაფრით,  
და უსასრულოდ მიჰქრისა.

შენზე ნატვრით და ოცნებით  
ვერ დავიძინე ღამითა,  
ნეტავი, მბანდე სახესა  
შავი თვალეების ნამითა.

გნატრობ, ნეტავი, მომეცეს  
შენი ალერსის ნებაო,  
მეცხვარე ბიჭი, შორიდან,  
შენი ყურებით დნებაო.

მინდა, რომ შენი ალერსით,  
სანთელივითა ვდნებოდე,  
ამასაც დავინატრებდი  
რომ... არასოდეს ვკვდებოდე.

\* ერთ-ერთი, ყველაზე, სახელგანთქმული მეცხვარე



## ყელზედარ მოგებვეოდი

ნეტავ, ბალახად გადვიქციე, –  
ყვავილოვანი ხვიარა,  
შენს ტანმზეც აღმომაცენა,  
რომ მიმკურნალო იარა,

ყელზედაც მოგებვეოდი,  
დაგიფარავდი სხეულსა,  
ნამლადა შემერგებოდი  
და მომარჩენდი სხეულსა...

58



## სტუმრად ეწვიე

ნადი და სტუმრად ეწვიე  
თუშეთის ლამაზ სანახებს,  
ლამაზი ქალი თუ, გინდა,  
ჩემი თუშეთი განახებს...

## ნეტავი, დაბრუნდებოდეს

ნეტავი, დაბრუნდებოდეს  
ჩემი გავლილი წლებია,  
მთებიდან რასას მიმღერდეს  
ჩამონადენი წლებია.

ჭაბუკმა, ისევ, გავშალო –  
მთებში, თუშური ცხვარია,  
არ შევარცხვინო, არასდროს,  
ჩემი წინაპრის გვარია.

ისევ, მესმოდეს, არნივო,  
მწვერვალზე შენი ყივილი,  
რომ სიხარულით შევცვალო  
ამ, ჩემი გულის ტკივილი.

ღურბინდით, მალ-მალ, გავხედო  
სოფელში – ჩემსა ნანდობსა,  
ჩემ ფარის ცქერით აღამებს  
მჯერა, უჩემოდ დარდობსა.

## ღმერთო, დამწერე ჭვარიო

მეცხვარემ შემოიმღერა  
რაინაულ მაქვს გვარიო,\*  
„შირაქის გზაზე მოვდივარ,  
უკან მაბრუნებს ქარიო.

წინ, შემეყარა პეპელა,  
წითლად უჩანდა მხარიო,  
საყვარლის\*\* კაბას ვამსგავსე,  
ღმერთო, დამწერე ჯვარიო“...

\*იგულისხმება ხალხური მთქმელი – იროდიონ  
რაინაული.

\*\*თუშურად, – შეყვარებული, ანუ – ნანდობი.



მხატვარი ბექა ხუცურაული









ში მუშაობდა, სალამოს პოლიტექნიკურ ინსტიტუტში ლექციებს ესწრებოდა, ლამით კი ვაგონებს ცლიდა. ყოველ სემესტრში კი, ინსტიტუტიდან გარიცხვის შესახებ ცნობას იღებდა. მამა დეკანატში მიდიოდა და მოკლედ და მკაცრად თხოულობდა აღდგენას. საკუთარ სიმართლეში ეჭვი არ ეპარებოდა. აბა, ერთი ეცადათ და ქარხანაში და სატვირთო სადგურზე მუშაობით გათანაგულდეს ესწავლათ კიდევ. მამას აღადგენდნენ. აბა, რა უნდა ექნათ?

ერთხელ იმასაც მიაღწია, რომ ჩვენი ნათესავი ბიჭი სკოლიდან არ გაერიცხათ. მამას არ უნდოდა, რომ ის პროფესიულ-ტექნიკურ სასწავლებელში წასულიყო.

– ასეთივე სასწავლებელი დაამთავრა კოროლიოვმა... – უხალისოდ ეწინააღმდეგებოდა სკოლის დირექტორი.

– ბიჭი რომ კოროლიოვი იყოს, სასწავლებელს არ დაეინუნებდი, – მოკლედ უჭრიდა მამა. – მაგრამ ის კოროლიოვი არ არის.

მამის სიკვდილი ლამით გავიგე. დილით კი, ისე რომ დეპეშას (მტკიცებულებას) არ დავლოდებოვარ კიევეში გაფორინდი. მინსკის გავლით მივფრინავდი და გაფრთხილებული ვიყავი, რომ დეპეშის გარეშე, უკრაინელ მესაზღვრეებთან, შესაძლოა საქმე გართულებულიყო. არ გართულებულა. მესაზღვრეებმა მკითხეს, რა მიზნით ვიყავინ ჩასული და იოლად გამატარეს. როგორც ჩანს, ჩვენ ჯერ კიდევ ერთი ხალხი ვართ.

ადრე დილით ტაისიამ, ჩემმა ნახევარძმამ – საშამ და მე მამა მორგიდან გამოვიყვანეთ. სასახლე სოფლიდან ჩამოსულ სატვირთო „გაზელზე“ შევდგით. მერე საშას მანქანაში ჩავჯექით და წინ წავედით. კიევიდან გასვლისას, ბაზართან ყვავილების საყიდლად გავჩერდით, რასაც ათი წუთი დასჭირდა და უკან დაბრუნებულებმა „გაზელის“ მძღოლს მხიარულ ხასიათზე წავასწართ. არის მიმიკა, რომელიც სიცილსა და ტირილს ერთნაირად გამოხატავს. მძღოლმა ავტოინსპექციის მანქანისკენ მიგვანიშნა. სატვირთო არასწორად ჰყავდა გაჩერებული და მათთან მოლაპარაკება შევეთავაზე, რაზეც მძღოლმა მხოლოდ ხელი ჩაიქნია:

– Хйба ж то люды? Тварюкы\*

ავტოინსპექტორები ჯარიმას წერდნენ – უფრო ზუსტად, ჯარიმას წინა სავარძელში მჯდომი წერდა, მეორე კი ფეხზე იდგა, მანქანას ეყრდნობოდა და ეწეოდა. მე მათკენ გავემართე – უნდა ითქვას, რომ ჯარიმის გადასახდელად მივდიოდი. მათ ჩემი მიახლოება შეამჩნიეს, მაგრამ არ მობრუნებულან. მივესალმე და ვუთხარი:



## ეპიკნი ჰოლოლაჰკინი

– Вэзу батька ховаты. И оцэ трэба платыты штраф?\*

ეს ყოველგვარი მანჭვა-გრენისა და აგრესიის გარეშე ვთქვი. მანქანაში მჯდომმა წერა შეწყვიტა და ტუჩებზე მიჭერილ თითებს შორის ჰაერი ხმაურით გამოუშვა. მერე ხელი შუბლზე გადაისვა და სავარძელზე გადაწვა.

– Нэ трэба.\*\*

ამას არ ველოდი. პოლიციელებს ხელი ჩამოვართვი და ძმის მანქანაში ჩავჯექი. „გაზელის“ მძღოლი პატივისცემით მომჩერებოდა. მისი მანქანიდან მხიარული მუსიკა მოისმოდა. მამას ასეთი მუსიკა უყვარდა, შეზარხოშებული კი საბჭოთა სიმღერებს მღეროდა.

პერ-ლამეზზეც მუსიკა უღერდა – მართალია, არა საბჭოური, მაგრამ ისეთივე კარგი – სავარაუდოდ ჯაზური. ხმები შორიდან მოცურავდა და ძლივს მოისმოდა არა იმდენად მუსიკა, რამდენადაც რიტმი, რომელსაც კონტრაბასი გამოსცემდა. სასაფლაოზე ცოცხალი მუსიკა უკრავდა. ხმებისკენ მშვიდად გავემართე. დიახ, ეს ჯაზი იყო.

ნახევარძმა საშა გაზის პედალს ბოლომდე აწვებოდა. ცხადად წარმოვიდგინე, ოღოროლო გზაზე, ჩვენს უკან მომავალ „გაზელში“, მამა მუსიკის ხმაზე კუბოში როგორ ხტუნაობდა. საშა ჩქარობდა, რადგან სოფელში დათქმულ დროს უნდა ჩავსულიყავით. დროდადრო ტელეფონით ვილაცხასთან ლაპარაკობდა და ქელეხთან დაკავშირებულ მოკლე, კონკრეტულ დავალებებს უკრაინულ ენაზე გასცემდა. თავსხმა წვიმა მზით იცვლებოდა, რომელიც საქარე მინაზე ჩამოცურებულ წვიმის წვეთებში კრთებოდა. მერე კვლავ თქეში მოდიოდა. საშამ იმედი გამოთქვა, რომ ღრუბლები გაიფანტებოდა, რადგან, თავსხმა წვიმა მამის სახიდან გრიმს ჩამორეცხავდა. დამავინყდა, რომ მორგში გრიმს უსვამენ.

ჩასვლისას აღმოჩნდა, რომ თურმე ტყუილად ვჩქარობდით. სოფელში არავინ ლელავდა. ეკლესიასთან გაჩერებულ მანქანებთან ადამიანები მშვიდად მოდიოდნენ, მერე მიდიოდნენ, კვლავ მოდიოდნენ და ჩერდებოდნენ. მკერდზე ხელებს იჯვარედინებდნენ და ადგილზე შემდებოდნენ (ზოგი ხელებს ჯიბეებში იყოფდა, სხვებს დაბამბულ ქურთუკზე დონინჯი შემოეწყო), ხანდახან ლოყებს ზუმფარას ხმით იფხანდნენ და ეწეოდნენ.

ვილაცამ თქვა, რომ ტონიას მოყვანა იყო საჭირო და მე და საშა მეზობელი ქურისკენ გავემართეთ. ბაღის ბილიკზე წელში მოხრილი დედაბერი გამოჩნდა, რომელიც ორ ყვარჯენზე დაყრდნობილი ჩვენსკენ წელა მოდიოდა. მისი ხელებისა და ფეხების შეწყობილ მოძრაობაში იყო რაღაც სპორ-

\* Хйба ж то люды? Тварюкы – განა ესენი ადამიანები არიან? პირუტყვები (უკრ.)

\*\* Вэзу батька ховаты. И оцэ трэба платыты штраф? – მამა დასა-მარხად მიმყავს და ჯარიმა უნდა გადავიხადო? (უკრ.)

\*\*\* Нэ трэба. – არ უნდა გადაიხადო (უკრ.)



ტული და ეგზოტიკური, ხოჭოების რბოლასავით. წელში მოხრილ ტონიას სახე ზევით აენია და დიდი თვალებით – დაუხამხამებლად მოგვეჩერებოდა. ტონია ეკლესიასთან მივიყვანეთ.

კუბოს ორი ქვესადგამი ქუჩაში ნელა მოცურავდა და ასევე ხის კონსტრუქცია, რომელიც მრავალ ადგილას იყო გაბურღული. როდესაც ეს ყველაფერი ეკლესიაში შეიტანეს, რამდენიმე კაცმა მამის სასახლე ქვესადგამებზე დავასვენეთ. ეკლესიაში (რომელიც თანდათან ხალხით ივსებოდა) ციოდა. წესის აგების მოლოდინში ზოგიერთი გასათბობად ქუჩაში გადიოდა. ხის კონსტრუქცია კუბოზე დადგეს და გაბურღულ ადგილებში სანთლები ჩაამაგრეს. მომეჩვენა, სანთლები რომ დაანთეს, დათბა. ცეცხლის დანახვაზე, რაც არ უნდა პატარა იყოს, არა მარტო თბება, თითქოს მხიარულებაც მოდის. ათეულობით ანთებული სანთლით გარშემორტყმული მამა ისე ნალვლიანად აღარ გამოიყურებოდა.

ვილაც ქალმა მამას ფეხები შეუკრა და როდესაც ხელებზე გადავიდა, შეამჩნია, რომ მკერდზე მხოლოდ მარცხენა ხელი ედო. მარჯვენა, რატომღაც სხეულის გასწვრივ ჰქონდა გაჭიმული. ქალი გაოცებული სახით გაირინდა. ვერ მიმხვდარიყო ხელები როგორ შეეკრა. ამას ვერც მე ვხვდებოდი და არც ის მესმოდა, სწორედ წესის აგების წინ რატომ იყო ეს საჭირო. როგორც ჩანს, ამაში, რაღაც ფარული აზრი იმალებოდა.

– *Нэ згынається,\** – ხელზე თქვა ქალმა.

ირგვლივ გამეფებულ სიჩუმეში სასახლესთან ტონია მილასლასდა.

– *Я зигну.\*\**

ტონიამ ორივე ყავარჯენი კუბოს მიაყუდა და მამის ხელს დასწვდა. შინაგანად დავიძაბე, მაგრამ ქალმა მარჯვენა ხელი მარცხენასთან ზედმეტი ძალისხმევის გარეშე მიიტანა.

თვალეები ავნიე და ეკლესიაში შემოსული მღვდელი დავინახე. ის სასახლის თავთან იდგა და ხელების შეკვრას ჩაფიქრებული აკვირდებოდა. წესის აგებამ მშვიდად, ღირსეულად ჩაიარა. როგორც ჩანს, ამ სოფელში ყველა საქმე ასე კეთდება. – *Вы раба Божого Гэрмана розв’язалы?\*\*\** – წესის აგება რომ დაამთავრა იკითხა მღვდელმა.

– *Та розв’язалы, батюшко.\*\*\*\**

მე დავინახე: შეუხსნეს.

– *Ну, тоди з Богом.\*\*\*\*\**

მღვდელმა რამდენიმე დარიგება იმ ენაზე მოგვცა, რომელიც მამამ კიევი ცხოვრებისას ვერ შეისწავლა. ორიოდ წუთში, ეკლესიის ჭიშკარს, მისაბმელიანი ძველი „ჟიგული“ მოადგა. სწორედ ამ მისაბმელზე დადგით თავახდილი კუბო.

პროცესია დაიძრა. წინ მიდიოდა კაცი, რომელ-

\* *Нэ згынається*, – არ იხრება (უკრ.)

\*\* *Я зигну*. – მე მოვხრი (უკრ.)

\*\*\* *Вы раба Божого Гэрмана розв’язалы?* – მონა ღვთისა გერმანეს ხელ-ფეხი შეუხსენით? (უკრ.)

\*\*\*\* *Та розв’язалы, батюшко* – შეუხსნეს, მამაო (უკრ.)

\*\*\*\*\* *Ну, тоди з Богом*. – მართლა, მამინღმერთმა ხელი მოგიმართოთ (უკრ.)

საც ხელში ჯვარი ეჭირა. ოდნავ უკან, ეკლესიის წმინდა დროშები მოჩანდა. დროშებს, საეკლესიო გუნდის თანხლებით, მღვდელი მოჰყვებოდა, შემდეგ – „ჟიგული“, რომლის მისაბმელზეც მამა იყო დასვენებული. მისაბმელს კი ტაისია მისდევდა, მერე საშა და მე, ჩვენ ტონია მოგვეყვებოდა (აქეთ-იქიდან ორი ძაღლით), მერე კი – მთელი სოფელი. „ჟიგული“ ნელა მიდიოდა, მაგრამ გრუნტის გზაზე მაინც ჯაყყაყებდა. მამაჩემის ხელებმა (განსაკუთრებით კი ტონიას მოხრილმა მარჯვენამ) მაღლა აწევა დაიწყო. იდაყვები ჯერ კიდევ მუცელს ებჯინებოდა, აი, ხელის მტევნები კი ჰაერში ლივლივებდნენ – თითქოს, სასახლეში მწოლი მამა ანგელოზებს ესაუბრებოდა. მისი ხელები ოდნავ ქანაობდნენ, რაც საუბარს სიმშვიდესა და ძალდაუტანლობას ანიჭებდა.

სასაფლაომდე ნახევარი კილომეტრი იქნებოდა. ყოველ ას მეტრში პროცესია ჩერდებოდა და მღვდელი მგალობლების თანხლებით შესანდობარ ლოცვებს კითხულობდა. მინის ბელტებმა, მამის კუბოზე დაცემისას, ბარაბნის მსგავსი ხმა გამოსცეს და სიმშვიდე დაარღვიეს. როდესაც საფლავი მიწით ამოავსეს, ყველამ სასაფლაოს მიპირდაპირე მხარეს მდებარე კაფეს მიაშურა, სადაც ქელები იმართებოდა. მათ უნდა გავყოლოდი, მაგრამ ვილაცამ შემაჩერა:

– *У родычів своя путь.\*\*\*\*\**

და იმ გზაზე მიმითითა, რომელიც განსვენებულის ნათესავებს მარტოებს უნდა გაგვევლო. ტაისია და საშა შემომიერთდნენ და ნახევარ საათში უკვე კაფეში ვისხედით. მღვდლის ნაკითხული ლოცვების მერე მდუმარება გამეფდა. უფრო სწორად, დროდადრო ყრუ ბუბუნის გაისმოდა და დანა-ჩანგალი წკარუნობდა. არც საერთო საუბარი ყოფილა და მით უმეტეს, არც სადღეგრძელოები თქმულა. უკანასკნელი ლოცვის სიტყვები აღმოჩნდა.

პერ-ლაშეზზე ჯაზური ორკესტრი უკრავდა. კრემატორიუმის კარში სასახლე ბლუზის თანხლებით შეცურდა. მე არ ვიცოდი, რომ აქ მოქმედი კრემატორიუმია და შესაძლებელია ასე იოლად მოკალათდე სარა ბერნარის, ბომარშეს, ან, ვთქვათ შოპენის გვერდით – ან, უარეს შემთხვევაში, იქაურობას ფერფლად მოეფინო.

ნამდვილი პროფესიონალები უკრავდნენ და არა რომელიღაც სასაფლაოს ორკესტრანტები. ისინი ერთმანეთს უხმოდ უგებდნენ, თავებს აქნევდნენ და სიფათებს მანჭავდნენ – როგორც ჯაზის მუსიკოსებშია მიღებული და ყველაფერს იმპროვიზაციით ასრულებდნენ. ჩამავალმა მზის სხივებმა მათ სინითლე მოჰფინა, განსაკუთრებით კი მანდილოსანს, რომელსაც გამომწვევად ალისფერი პალტო ეცვა – პირდაპირ იწვოდა. ის არ უკრავდა, უბრალოდ იდგა და მუსიკოსების გვერდით ფეხებს აბაკუნებდა. ქალის სახეს ჯამბაზის ცხვირი ამშვენებდა – ასევე ნითელი, რომელიც რეზინით ჰქონდა

\*\*\*\*\* *Уродычів своя путь*. – ნათესავებმა თავისი გზით უნდა იარონ.







მიმაგრებული.

ერთნი კრემატორიუმის შენობაში შედიოდნენ, სხვები გამოდიოდნენ. მე კართან გაუბედავად გავჩერდი, მაგრამ ვილაცამ (რა სტუმართმოყვარე დაწესებულებაა) კარი გამოაღო და მკითხა:

– ბოდიშით, თქვენ შედიხართ?

– დიას. რა თქმა უნდა...

ჩემს მოკლე პასუხზეც კი მიხვდა, რომ ფრანგი არ ვიყავი. გამიღიმა – თითქოსდა უცხოელს კრემატორიუმი რად უნდოდა? და მართლაც – რად მინდოდა? თუმცა, პასუხი ვიცოდი – ტუალეტი მინდოდა. ტუალეტს მიმართულების მაჩვენებლის დახმარებით მივაგენი. სკამზე ლამაზი ზედამხედველი (პარიზში მათ მაღამ პიპის ეხახიან) იჯდა და რატომღაც მამინვე მივხვდი, რომ ჩვენიანი იყო. უცხოეთში დიდი ხნით ნაცხოვრები ადამიანი (მე დიდხანს ვცხოვრობდი) თანამემამულეს ადვილად ცნობს. რუსულად დაველაპარაკე. მან პროვინციული აქცენტით შემომჩვილა, თუ რამდენი ადამიანი შარდავს ტუალეტს მიღმა – შესახედაობით წესიერი ადამიანები არიან, სინამდვილეში კი...

– სამუშაოზე მიმიღეთ, – გავეხუმრე.

მან ეჭვით შემომხედა.

ნელ-ნელა ყველანი კრემატორიუმის წინა მოედანზე შეიკრიბნენ. ორკესტრმა ფერეიული იმპროვიზაციით გაიბრწყინა. მე განაპირას მდგარ ადამიანთან მივედი და ვკითხე:

– მაპატიეთ, ეს რა არის?

– დაკრძალვა.

– უცნაური...

მან თავი დამიქნია. კიდევ რალაცის კითხვა მინდოდა, მაგრამ ვერ გავბედე.

ჯამბაზისცხვირიანმა ქალმა ყველანი წრეში ჩააყენა და ცეკვისკენ მოუწოდდა. ორკესტრი ხალხურ მელოდიაზე გადავიდა. მათი დაკრული სწორედაც რომ ხალხურად მომეჩვენა, რადგან უბრალო და მშვენიერი იყო. ცეკვაც დაიწყეს – ბაკაბუკითა და ტამის ცემით. ცეკვა მეც მომიწონდა, მაგრამ მესმოდა, რომ პარიზის სტუმრისთვის ეს მეტისმეტი იქნებოდა.

– ვინ არის ეს ქალი? – ვკითხე ჩემს თანამოსაუბრეს.

– ქვრივია. მისი ქმარი ჯაზის მუსიკოსი იყო.

როდესაც ქვრივმა გვერდით ჩაგვიარა, შევნიშნე, რომ თვალები ცრემლით ჰქონდა სავსე.

– რატომ უკეთია ჯამბაზის ცხვირი?

მან ცხვირზე ორი თითი მოიჭირა და დუდლუნით თქვა:

– სიკვდილის მიმართ სიძულვილს გამოხატავს.

ერთხანს კიდევ ვიდექი და გასასვლელისკენ გავემართე. რატომღაც აზრად მომივიდა, რომ მოშორებით მოსეირნეებს, ადვილად შეეძლოთ აქ ღამე დარჩენა. გზად კიდევ ერთ სამგლოვიარო პროცე-



*მხატვარი სოფიო ქელიძე*

სიას გადავეყარე. ამჯერად, კუბო არა კრემატორიუმისკენ, არამედ გათხრილი საფლავისკენ მიჰქონდათ. ესე იგი, პერ-ლაშეზე მხოლოდ ფერფლს არ კრძალავენ. ეს კარგია. სასაფლაო, მემორიალურიც რომ გახდეს, თავისი პირვანდელი დანიშნულება არ უნდა დაკარგოს. დაკრძალვაზე უცხოებს არ უშვებდნენ. სასაფლაოს მცველები ბილიკზე იდგნენ და ყველა დაინტერესებულ ადამიანს გზას უღობავდნენ. ალბათ, ყურადღება რომ არ მიიქციონ, აქ დაკრძალვა საღამოს ინიშნება.

კარში ჯაზის მუსიკოსებს შევეჩრეხე. სასაფლაოდან გასულებს დაკვრა არ შეუწყვეტიათ. ეტყობა, უახლოეს რესტორანში მიცვალებულის მოსახსენიებლად მიდიოდნენ. არ მინდოდა ისეთი შთაბეჭდილება შექმნილიყო, თითქოს ქელებში მათთან ერთად წასვლას ვაპირებდი და გზის მეორე მხარეს გადავედი. ჩემმა თანამოსაუბრემ მიცნო და რადგან ორკესტრი უკრავდა ხმამაღლა შემახსენა: „სიკვდილის მიმართ სიძულვილი“. მერე ორივე ხელი ასწია და თავს ზემოთ ბოქლომით შეაერთა. ეს მოძრაობა მეც გავიმეორე და რამდენიმე წამს ასე ვიდექით. მამის აწეული ხელები გამახსენდა – სიკვდილის მიმართ სიძულვილის ერთგვარი გამოხატულება. შესაძლოა, არა ისეთი მკვეთრი, როგორც პარიზში, მაგრამ სრულიად აშკარა. მამა ჯერ არ დაგვეკრძალა და მამაზეციერს უკვე რალაცას ევედრებოდა.

**რუსულიდან თარგმნა აპაკი დაუშვილმა**



**ნოდარ იაგორაშვილის პოეტური ნათელხილვა**

ნოდარ იაგორაშვილის პოეზია უდიდესი სიყვარულია: სამშობლოს, მამულის, მისი ყოველი ქალაქის თუ სოფლის, მისი ყოველი ქუჩის, მისი ყოველი ტყის თუ ველის, ყოველი ხის თუ ფოთლის.

შუამთის ტყის, თუ, გომბორის მთებზე მობუტბუტე ღრუბლის ქულებმა აალებინა კალამი, რომ სადიდებელი ეძღვნა მათთვის. ლექსში „აი, რად მიყვარს ჩემი თელავი“, – ეს სიყვარული გამოსჭვივის.

რამ აატირა ცა – ბუმბერაზი, რატომ აფრქვევდა ცრემლში სინაზეს, ცხრაასწლოვანი, თეთრი ქადარი, რას უმღეროდა, რა სილამაზეს;

რამ ათქმევინა სადიდებელი, კახელ კაცს, რამაც ცეცხლით ალავსო, არ უნახია, ვისაც თელავი, მას საქართველო არ უნახავსო.

როგორ დავთვალო ყველა სიკეთე, ყველა ღირსება ჩამონათვლი

თელავი – ჩემი სიყვარულია, უფლისგან ნაზად ჩამონათვლი;

თელავი, – ჩემი, ტურფა სამშობლოს, ფრთამოქარგული პატარძალია,

აი, რად მიყვარს – ეს, დალოცვილი, აი, რად მიყვარს ასე, ძალიან.

ან, ლექსი, – „იქნებ როგორმე“

გომბორის თავზე ბუტბუტებენ ღრუბლის ქულები,

ნიავე ცდილობს – წვიმის წვეთებს წამოეცელებს,

ჩემი თელავის სილამაზეს ვეჩურჩულები,

იქნებ, როგორმე, ნადიკვარზე ვალსი მაცეკვოს.

მკითხველი გვერდს ვერ აუვლის ლექსს „ჩემს თელაველებს“, – აქ, სიყვარულის ამოფრქვევაა, – თელავისადმი და თელაველებისადმი.

ჩემი თელავის ყველა ქუჩას თითზე დავითვლი,

უფალმა ღმერთმა ნადიკვარზე ცრემლად დამადნოს,

შაქარყინულის ნატეხივით გულში ჩავითლი,

რომ თქვენი სიტკბო, სინარული ჩამეზადაგოს.

ნოდარის კალამი სიყვარულით ემორჩილება. მის ლექსებში მისი გული და სულია ჩადებული. იგი ლოცავს: „წინწყაროს“ და „მრავალყამიერს“. ლექსში –

„თბილისი და თბილისელი დამილოცე ღმერთო“.

დაგელოცოს „წინწყარო“ და „მრავალყამიერი“,

სინარნარე აულადდეს მთაწმინდაზე ცისკარს;

საქართველოს დედაღმერთო, ჩემო მშვენიერო,

შენი ცის და შენი მიწის სინარული მიყვარს.

მისი ლექსების მრწამსი სიკეთეა, სიმშვიდეა, სამშობლოს სიყვარულია, დედის, მეუღლის, ქალის, მომავალი თაობის.

ლექსი – „მე მიყვარს“ შეიძლება მივიჩნიოთ მის საპროგრამო ლექსად.

მე მიყვარს შენი ძველი შუამთა,

შენი გრემი და შენი სიონი,

ცივგომბორის მთის თეთრი ქულები

და მხრებგაშლილი კავკასიონი.

მე მიყვარს, – შენი კამკამა ზეცა,

ცაში აჭრილი ჩიტის გალობა,

მე მიყვარს, – კაცურ კაცის მარჯვენა

და დედაკაცთა ქალურქალობა.

მე მიყვარს შენი ტურფა სილალე,

შენი – ტიკტიკა ბავშვის აკვანი,

მე მინდა: მკერდით დაგემხო – მკერდზე

და სიყვარულით გიძღვნა თავყანი.

შენ დაგელოცოს: კაცურ-კაცური,

შვილებმრავალი, გმირი დედები,

ათასი წელიც, რომ ვიყო, შენთან,

სამშობლოვ, მაინც, არ დავბერდები!

პოეტი ეთაყვანება, ეალერსება ვაზს, ჩვენი სიძლიერის იმედსა და სიმბოლოს ლექსი, – „რთველი“

ვაზის ტოტზე გაცრეცილი ფოთოლი,

ყურძნის მწიფე მტევანს ეალერსება,

მწკრივის თავში, ღიპიანი გოდორი –





გაბოტილა, თავი მტევნით ევსება.  
პოეტს არ ასვენებს კითხვა, – „ვინა ხარ, შენ, ადამიანო?“ და... ამ კითხვას მრავალი ლექსიც მიუძღვნა.

აი, თუნდაც: „მოდი, ხელი ჩამირტყი!..

მოდი, ხელი ჩამირტყი

და მომეცი პირობა,

რომ კაცურად ატარო, –

შენი გვარიშვილობა“.

ლექსს უძღვნის შვილიშვილს.

დედისადმი მიძღვნილი აქვს მთელი ციკლი: „მიმღერე დედავ“, „დედის გული“, „შენ დაგელოცოს მაგ, მკერდის ძალა“, „დედის შეგონება“, „ამაგი დედას“.

ლექსი „დედას“

ხმელი ფოთოლივით გაცრეცილს, –

დედას ვუკოცნი ნამნამებს,

წლების ჭიუხებში გაცვეთილს

წლების ჭიუხებით ნანამებს.

იგი, იმის სიყვარულსაც უმღერის, რომელიც მამის გულის გულშია შემალული.

კაცური თვალებით გამიგო ყოველი,

ერთი გაღიმება ცხრა დღე მამყოფინა;

დედა ძლიერ მიყვარს, თავზე ძლიერ მიყვარს,

მამის სიყვარული, რაღაც, სხვა ყოფილა.

პოეტი ეფერება, ეალერსება: სიცოცხლის ყლორტებს, შვილებს, შვილიშვილებს და, დედის სიყვარულს, გაფრთხილებას სთავაზობს.

ლექსი „კაცად გაიზარდე“

აკვანში პანია ბარტყი, რომ წევს,

სიცოცხლე, სინორჩე, – განაბული,

უფალმა ლამაზი კვალი მისცეს,

გულს, – ჩაუქრობელი დგარადგური.

თვალში – დღენათელი, – მზისსადარი,

ბაგეს – სიამე და გაღიმება,

რწმენა – უფლის ხატთან მისატანი,

ხნულში ჩამარცვლა და გაღვივება.

მშობლის ნაჯაფარის – დაფასება,

შუბლზე – გატკეცილი სიხარული,

ალალგულობა და დაკაცება,

ფუძის ერთობა და სიყვარული.

კაცად გაიზარდე, პანანინავ,

ასხლტი, არტახები დაილეწე,

ვინც, შენ, მაგ, აკვანში ჩაგანვინა,

მისი ლოცვა იყოს – შენი შემწე:

საერთოდ, სიყვარული მის პოეზიაში ლამაზი ფერებით არის დახატული.

აპრილია

სურნელება მომეფინა კოკრის,

მე კი შენი მოფერება მინდა,

ჩემი ფიქრთა სიო შენსკენ მოქრის,

კლდის ნაჟური, წყაროსავით წმინდა.

.....

თბილი ცრემლი დაეპკურა იას,


ფიქრის ზღვაში სიყვარულით ვთვრები,

ველოდები გაზაფხულის ნიავს,

შენი სუნთქვით ამენწნოს თმები.

ნოდარის პოეზია მდიდარია სიტყვიერი პალიტრით, სასიამოვნო საკითხავი და მუსიკალურია. მის ლექსებზე დაწერილი სიმღერები მსმენელს ატკბობს.


ხალხის საყვარელ პოეტს, – ნოდარ იაგორაშვილს ვუსურვებთ საქართველოს გაბრწყინებას, დიდხანს სიცოცხლეს, ოჯახის კარგად ყოფნას, – და ახალ-ახალ შემოქმედებით წარმატებებს.



**ნოდარ  
იაგორაშვილი**







თელავი

